

WANTOK

NIUSPEPA BILONG OL PAPUA NIUGINI STRET

Ernst & Young audited/
circulation 15,177

40 pes

Namba 924

Wik i stat long Fonde

Mas 19, 1992.

40 toea

Supanuesen fan lusim K1.9m

HARLYNE JOKU i raitim

OL memba bilong Stet Sevises na Stetutori Atoriti Supanuesen Fan (SS&SASF) i lusim pinis K1.9 milien long ren mani. Dispela mani em ol i sapos long kisim olsem ren long nupela K9 milien projek we ol i kirapim nupela

Vulupindi Haus long Waigani, Mosbi.

K1.9 milien ya em ren mani em bilong Jun 1, 1991 i kam inap long mun Mas bilong dispela yia. Ol memba bilong fan i no kisim sevis bilong dispela projek yet, bikos gavman husat laik yusim dispela haus i no sainim yet wanpela tokorait wantaim ol bod bilong

Supanuesen fan.

Ripot bilong ol bod kibung i soim olsem gavman i mas stat baim ren long Mas bilong dispela yia, i go inap long tripela yia olgeta. Tasol i no gat tokorait yet, olsem na fan i no kisim ren mani yet.

Ol memba bilong fan i tingting planti nau long dispela. Bikos bikipela

mani bilong oi i go long kirapim dispela projek.

Wok long Vulupindi haus i bin pinis long Jun las yia. Tasol no

gat man i go insait yet long rentim. Bod i makim olsem 4-pela mun bihain long Vulupindi Haus i pinis,

ol bai kisim K950,000 olgeta olsem ren mani.

Wanpela bisnis kampani, Professionals i bin kisim ki bilong dis-

pela haus olsem Lis Ajen long Jun 1, 1991.

Dispela em long go pas long kisim ol kam-

i go moa long pes 2

Ol bikipela kampani i gat K6 milien dinau i stap yet long Kastom opis

KONIO SENEKA i raitim

PLANTI bikipela kampani i gat moa long K6 milien dinau mani long Kastom opis. Dispela em long ol samting ol i bringim i kam insait long kantri na i no baim takis ol i kolim impot dutis.

Na tu i gat narapela K1 milien na moa em ol kampani i no baim Kastom long lukautim ol i stap long ples balus aninit long Kastom ek. Kastom opis long Jackson ples balus, Mosbi i tok em i no kisim mani long lukautim kago, na ol arapela samting long ples balus. Dispela dinau i goap long K6.490 milien long 1989.

Aninit long dispela mani, Chevron Niugini Pty Ltd i no baim moa long K1 milien olsem impot duti. Na K998,278 bilong sekyuriti diposit long ples balus. Opis bilong odita jenerel i bin painimaut long ol dispela

dinau.

Taim Palamenteri komiti i tokaut long namab 40 kibung bilong em, Dipatmen bilong Fainens na Forestri i no amamas long Kastom i lusim Chevron Niugini Pty Ltd i ranawe wantaim dispela dinau.

Long bekim askim bilong Palamenteri komiti, Kastom i tokaut olsem odita jenerel i no painimaut long ripot bilong 1988, olsem na olgeta ripot bilong em i no stret.

Nau yet Palamenteri komiti i askim Kastom long painimaut long olgeta dinau ol bikipela kampani i gat. Na tokaut long hamas dinau mani em odita jenerel i bin painimaut. Olgeta dispela ripot i mas kamap wanpela mun bihain long dispela kibung.

Taso! bos bilong Kastom, Pius Saun i tok olgeta kampani i gat inap taim long baim sekyuriti diposit.



Sepik danis grup redi long Expo '92. Ol yangpela blut bilong Raun Isi tieta grup long Wewak, Is Sepik provins i soim tumbuna danis bilong ol long Wewak las wiken. Ol bai go danis long Expo '92 long Spein. Stori - pes 18 na 20

INSAIT:

INTA SITI STAT
- Lukim RLN



NEKS WIK:
Stori bilong
MISFITS ben

WANTOK RESIS:
Makim Kumul tim



NEKS
WIK:
Ka
saplimen




HINO. BOS BILONG OL HAIWE.

Ela Motors

PORT MORESBY 22 9400 LAE 43 3655 RABAUL 92 1988 MADANG 82 2188 GOROKA 72 1844 MT HAGEN 52 1888
WEWAK 86 2255 KAVIENG 94 2132 KIMBE 93 5155 TABUBIL 58 9060 VANIMO 87 1254 PORGERA 508203

PLIS



RIPOT

MADANG: Plis long Madang i tok i nogat trabel long provins long tupela wik i go pinis. Stesin Komanda Sief Inspekta Lance Lanane i tok i bin nogat wanpela stil pasin i kamap long dispela taim. Tasol long las wiken i bin gat tupela ripot bilong brek na enta i kamap long Diwain Wod Institiut na Kalibobo. Long Diwain Wod Institiut ol raskol i bin brukim wanpela haus i go insait na stilim wanpela TV skrin. Tasol ol i ranawe taim ol papa bilong haus i kirap. Plis i no inap tok aut long wanem samting ol raskol i bin stilim long Kalibobo. Plis i no sasim yet ol lain husat i wokim dispela stil pasin. Sief Inspekta Kanane i tok em i amamas long wanem i no bin gat wanpela stil pasin i kamap long provins long tupela wik olgeta.

MENDI: Long Tubier viles wanpela man i bin go insait long haus bilong wanpela meri na pretim em wantaim naip. Bihain em i pulim meri ya i go ausait na karim em i go long bus na bihain bagarapim em. Plis i no inap givim bilong meri i kisim bagarap na tu man husat i bin bagarapim em. Tasol plis i wok yet long painim dispela man nogut.

GOROKA: Plis i ripotim wanpela stil pasin long Hailans Haiwe i bin kamap long las wiken. Dispela birua i bin kamap long haiwe rot klostu long Tumun viles long Sinasina. Plis i tok wanpela PMV bas i laik go bek long Goroka taim ol dispela stil man i kam ausait long bus na stapim bas. Ol i pretim ol pasindia wantaim tamiok na naip na kisim mani inap olsem long K112. Bihain ol i ranawe i go insait long bus. Plis i mekim wanpela haiwe patrol nau long painim ol dispela stil man. Plis i no holim yet ol dispela man.

HAGEN: Hagen i no bin lukim wanpela birua long las wiken i kam inap nau. I bin gat wanpela ripot tasol bilong bagarapim meri i kamap long wanpela setelmen klostu long Hagen taun. Plis i no inap givim ful ripot long dispela. Tupela arapela provins long Hailans rijon, Enga na Simbu i no bin lukim birua tu long las wiken i go pinis. Asisten Komisina bilong Hailans rijon i amamas tasol long tok olsem birua bilong trabel pait na ol kain kain pasin bilong stil na bagarapim meri long ol hailans provins i wok long go daun liklik.

MENDI: Wanpela man Mul Akup, 28 krismas bilong Keta viles long Sauten Hailens provins i bin kisim bagarap taim 4-pela man bilong narpela tok pisin i sutim tok long Akup long posinim wanpela wantok bilong ol. Ol i bin bel hat long dispela na sutim Akup wantaim bunara. Dispela man Akup i stap nau long Mendi Jenerel haus sik. Ripot i tok plis i no painim yet ol man husat i bin sutim em.

SENTRAL: Ol pipel bilong Maoru na Mabori long Magarida, Sentral provins i wok long pait strong long graun wantaim ol pipel bilong Mailu. Plis ripot i tok moa long 1500 man i bin stap insait long dispela pait. Wanpela man bilong Aroma i bin kisim bagarap taim katres bilong sotgan. Plis ripot i tok ol i bin yusim planti sotgan long dispela taim. Nau yet plis i wok long painim as bilong dispela pait na husat ol man i bin go pas long dispela pait.

SENTRAL: Draiva bilong wanpela PMV ka i bin dai bihain long ol raskol i traim long stapim PMV. Ol pasindia bilong PMV i bin ranawe. Provinsel Plis komanda, Daniel Linonge i givim bikipela tok-tok i go nau long ol bikman bilong ol ples arere long ol haiwe long givim gutpela skul long ol yangpela. Em i tok i luk olsem dispela kain pasin bilong stapim PMV na stilim ol samting o bagarapim ol manmeri i no gutpela tumas. Em i tok tu olsem kain pasin bilong pe bek i no gutpela tumas na ol pipel i mas traim na stapim nau. Em i tok ol pipel i mas traim long wok bung wantaim ol plis.

Moa long 13,000 opisa redi pinis long karimaut 1992 ileksen

CLEMENT MIRIA i raitim

MOA long 13,000 opisa i redi pinis long karimaut ileksen long 8,000 ples insait long kantri long dispela yia.

Namba bilong ol ami na plisman i no karamapim dispela 13,000. Ol plisman na ami bai statim wok bilong ol long Jun bihain long Mas 26.

Bikpela namba bilong ol opisa bai i go long wan wan provins long

hailans bikos ileksen bilong olgeta hailans senta bai kamap long wanpela de.

Hia em namba bilong ol opisa, amas ples ol bai karamapim na amas tim wan wan provins bai i gat long taim bilong ileksen.

Insait long Sentrel provins: 571 ples bilong ileksen, 396 poling opisal, na 66 poling tim. Gaip provins: 236

ples bilong ileksen, 162 poling opisa na 27 poling tim. Milen Be provins: 331 ples bilong ileksen, 276 poling opisal na 46 poling tim. Noten provins: 265 ples bilong ileksen, 270 poling opisa na 45 poling tim. Westen provins: 358 ples bilong ileksen, 232 poling opisa na 37 poling tim. Nesenel Kapitel Distrik: 268 ples bilong ileksen, 1608 poling opisa na 268 poling tim. Total namba bilong poling

opisal em 2,749 long 1,800 ples bilong ileksen.

Simbu provins: 311 ples bilong ileksen, 1,740 poling opisa na 311 poling tim. Isten Hailans provins: 2,195 ples bilong ileksen, 324 poling opisa na na 300 poling tim. Sauten Hailans provins: 420 ples bilong ileksen, 2,502 poling opisa na 420 poling tim. Westen Hailans provins: 620 ples bilong ileksen, 3642 poling opisa na 620 poling tim. Isten

Hailans tasol bai kisim 14 de olgeta long pinisim wok bilong ileksen. Total namba bilong ples bilong ileksen 3,846 na 8,106 poling opisaa.

Is Nu Briten provins: 286 ples bilong ileksen, 581 poling opisa na 61 poling tim. Manus provins: 77 ples bilong ileksen, 275 poling opisa na 55 poling tim. Nu Ailan provins: 695 ples bilong ileksen, 150 poling opisa na 25 poling tim. Wes Nu Briten: 213 ples bilong ileksen, 126 poling opisa na 24 poling tim. Total namba bilong ples bilong ileksen em 1271, 1132 opisal bilong lukautim ileksen.

Is Sepik provins: 627 ples bilong ileksen, 354 poling opisa na 56 poling tim. Madang provins: 363 ples bilong ileksen, 325 poling opisa na 65 poling tim. Morobe provins: 697 ples bilong ileksen, 325 poling opisa na 112 poling tim. Wes Sepik provins: 121 ples bilong ileksen, 185 poling opisa na 37 poling tim. Total ples bilong ileksen em 1808 na namba bilong poling opisal em 1506.

Olgeta taun na siti bai vot long wanpela de tasol long Jun 25. Tasol Rabaul bai vot long pastaim long Jun 22. Olgeta kampani i stap long senta long vot long Jun 25 i mas lumis ol wokman bilong em long vot.



Kain danis bai ol soim long Spein • Ol memba bilong Raun Isi Tieta grup bilong Wewak i putim kamap wanpela singsing tumbuna ol i kolim long "Wama" long Wewak hotel. Ol bai go long Sapeling long Epril 21 long singsing na danis long Expo '92. Foto: Francis Uliu

Planti Esian wokman i no gat pemit

KOMPLEN i kamap nau olsem Vanimo Fores Prodak kampani long Wes Sepik i brukim tokorait long kisim planti Esian wokman husat i no gat wok pemit, na ol lokol pipel no gat.

Dispela komplek i kam long jenerel seketeri bilong Sandaun Timba Wokas Yunien, Mathias Kenuangi husat i makim maus bilong ol memba na ol pipel bilong Wes Sepik provins. Kenuangi i askim nau provinsal gavman bilong primia Agbert Yalu long karim wok painimaut i go insait long dispela komplek, na mekim sampela samting hariap. Kenuangi i askim tu kampani long rausim dispela "no gat wok" toksave long dua bilong opis. Bikos kampani i yusim dispela sain long giaman olsem i no gat spes, na bihain kisim ol Esian wokman na meri tasol.

Kenunagi wantaim ol yunien memba bilong em singautim Yalu gavman long painimaut long wan wan Esian wokman insait long Vanimo Fores Prodak kampani.

Yunien i sutim tok olsem planti Esian wokman long kampani i no gat wok pemit, o tokorait pepa i kam long gavman long wok insait long kantri. Tasol kampani i kisim ol dispela wokman long wantok sistem pasin.

Long wok sekap bilong yunien, kampani i kisim nau planti meri bilong ol Esian wokman husat i no gat wok pemit. Ol dispela meri i no save long wok, na ol nesanel wokman save lainim ol.

Long lukluk bilong yunien, dispela pasin i kamap planti taim nau.

Supanuesen fan lusim K1.9m

i kam long pes 1

pani long rentim dispela haus. Tasol dispela tokorait i bin bruk long Ogas, taim bod i mekim tokorait olsem gavman tasol bai yusim dispela opis.

Fainens na Plening Seketeri em siaman long bod bilong fan. Na long planti tokorait bilong bod long las yia, Morea Vele i bin Sia-

man, na planti tingting em i putim i go pas em long sait bilong gavman tasol. Dispela em long mekim gavman i rentim dispela haus.

Long namba wan taim, gavman i laik baim Vulupindi Haus long K14 milien. Long kibung bilong bod long Ogas, 1991, Mista Vele i tokim ol bod memba olsem NEC i oraitim

Gavman long yusim Vulupindi Haus aninit long lis agrimen long tripela yia, na i no long baim stret. Na bihain long tripela yia, bai gavman i mekim tingting long baim o no gat.

Ol arapela bod memba em Mista Ugwalubu Mowana, Mista Bill Dihm, Mista Allan Aviasa, Mista Martin Malabag.

Lae distrik kot kalabusim biknem raskel long 21 yia

LAE distrik i salim wanpela biknem raskel i go kalabus long 21 yia.

Lae plis i bin holim man ya bihain long ol plis long Madang na Lae i wok bung wantaim long painim em. Nem bilong man ya em Moses Tuka Kaure, 26 krismas bilong Boiken long Is Sepik provins.

Ekting Sief Jastis, Arnold Amet i salim Kaure kalabus long 17 yia long bagarapim meri, 7 yia long salim ol samting na 6 mun long ranawe long kalabus.

Kaure i gat nem bilong mekim planti stil pasin na tu bagarapim meri. Em i bin gat rekot bilong bagrapim meri long 1988 long Madang. Em i bin kisim 17 yia kalabus tasol i ranawe i go long Lae.

Long Lae em i wok long mekim yet wankain pasin inap plis i bin holim em long wanpela stil pasin i kamap long Bumbu bris long Bumbu setelmen. Em i bin stap namel long ol arapela man husat i stapim wanpela kar. i. karim. manj bilong ol wokman.

Ol lokol wokman redi pepa long kotim timba kampani

FELIX RAMRAM i raitim

OL lokol wokman bilong wanpela timba kampani long Vanimo, Wes Sepik provins i redi pepa nau long kisim kampani i go long kot. Nem bilong dispela kampani em Vanimo Fores Prodak (VFP).

Ol i tok kampani i brukim tokorait bilong em long baim ol wokman long taim bilong ren.

Yunien bilong ol wokman, Sandaun Timba Wokas Yunien i kisim sapot pinis long mama bodi long Mosbi, PNG Tred Yunien Kongres long kotim Vanimo Fores Prodak.

Tripela wik i go pinis, ol bos bilong kampani i no laik long baim ol wokman, bikos ol i no bin go long wok long wanem i gat bikpela ren. Ol wokman i bin kros nogut tru long dispela.

Planti wokman i ting olsem kampani i brukim tokorait em i bin mekim wantaim Sandaun Timba Wokas Yunien.

Dispela tokorait i stap long Memorenden ov Andestending (MOU) Namba 2 bilong 1989 long seksen 13, sab seksen 1 na 2. Tupela bikpela hap toktok i stap long sab seksen 1 na 2 i tok klia olsem. (1) "Tupela pati i tokorait, olsem na long taim bilong ren, kampani i mas apim pe bilong Sten Daun Alowens long 2 aua i go long 4 aua". Dispela i min olsem sapos i gat bikpela ren o masin i bagarap, ol wokman bai i no inap

mekim wok. Tasol ol wokman bai i mas kisim 4 aua pe, olsem ol narapela de bilong wok.

Yunien bai yusim dispela tokorait long kotim kampani. Bikos em i lukim olsem kampani i brukim dispela tokorait pinis, na i no laik baim ol wokman.


Ol lain husat i bin orait long dispela tokorait na makim nem bilong ol long pepa em jenerel menesa bilong kampani long 1989, Terry Jones, namba tu bilong em John Keenan, edministresen menesa Bonny Lekki, na pesenal menesa Tony Kyekwan. Man i makim seketeri bilong Leba na Emploimen, Sidnoy Peperayja i bin putim nem bilong em tu antap long dispela tokorait, em provinsal leba opisa, Bill Jackson i bin stap na lukim.

Wantok i no inap long kisim ripot bilong kampani long dispela.

Nau yet Sandaun Wokas Yunien i givim 14 de long kampani i mas bungim ol eksekutyut bilong em. Dispela 14 de bai pinis long Fonde Mas 26. As bilong dispela bung em long stretim dispela hevi. Sapos no gat bai yunien i kisim kampani i go long kot long stretim.

Yunien i laikim tu olsem kampani i mas lukluk long haus slip bilong ol lokol wokman, trening ol lokol manmeri long kisim ples bilong ol ovasis wokman, alowens bilong go wok long narapela wok, na tu brukim wok long wanwan seksen.

Narapela askim em long apim pe bilong wokman i go antap long mak bilong 30 pesen.



Stail ka stret ya • Dispela stail ka i bin holim pasim stret ai bilong planti bisnis manmeri husat i bin go lukim PNG Motors Mazda So long Mosbi long Tunde Mas 17. Dispela 4 wil ka em ol i mekim long testim tasol.

Aitape memba laik stretim MV Karl Stack

MV Karl Stack i slip nating nau long solwara bilong Aitape. Na toktok bilong stretim em i kamap gen.

Nau yet lida bilong oposisen na provinsal memba bilong Sentrel Aitape, Joe Amir i tok em i bin tok tok wantaim opis bilong Karl Stack long Mosbi. Na bihain em i toktok wantaim 4-pela ailan long Aitape long painim sampela gutpela rot long stretim MV Karl Stack.

Amir i tok MV Karl Stack i no bagarap tumas. Sampela hap long bodi bilong em i bagarap. Olsem na em i laikim K5,000 bilong stretim.

Karl Stack em rijonel memba bilong Wes Sepik long palamen. Las yia em i yusim K25,000 long baim wanpela

3 silinda ensin bilong dispela sip. Tasol bodi bilong sip i bagarap, olsem na em i lukluk long mani bilong stretim bipo sip i karim ol pipel i go i kam gen long 4-pela ailan ya.

Nau yet Amir i lukluk long gutpela rot bilong putim dispela ensin i go insait long sip. Olsem na em bai painim sampela saveman.

Em i tok em i tru olsem dispela em i wanpela projek bilong Mista Stack. Tasol wanpela man i no inap tok olsem dispela sip i no givim gutpela sevis long ol pipel bilong Aitape. MV Karl Stack i helpim olgeta manmeri long Aitape. Olsem na olgeta manmeri i mas tingting long putim dispela sip long solwara gen.

Planti giaman pati kamap long paulim ol pipel long taim bilong ileksen

OL POLITIKEL pati husat i no rejista yet i wok long giaman pilai long sistem bilong palamen ausait long pablik, nupela Liberal Pati i tok.

Jenerel Seketeri bilong pati, Thomas Pupun i tok sampela ol kendidet husat i go pas long ol dispela giaman pati husat i no gat rejistresen i wok long go aut long pablik na wokim giaman toktok long kamapim nem bilong pati bilong ol.


Pupun i tok lo bilong ol dispela pati i no gat gutpela as tingting bilong go pas long ol pipel. Em i tok lilektorel Komisn i mas mekim bikpela tambu long dispela ol giaman pati.

PNG i wanpela yangpela kantri na i kisim pinis gutpela sistem

bilong politik na gavman. Ol lida husat i gat planti mani i wok long grisim sistem bilong gavman long pulim ol

dispela giaman pati i go insait long palamen. Dispela em i no wanpela gutpela samting long helpim ol pipel

BATTERY DISTRIBUTION



ROCKET BATTERY

GLOBAL & YUSA BATTERIES, Co., Ltd.

BOROKO SERVICE STATION
TEL: 25 5700 FAX: 25 5443

FRI BAIBEL KOS

YU KEN KISIM SKUL

LONG SALIM PAS

Salim nem na edres long: WORLD BIBL SCHOOL, Dept. VD22,
P.O. Box 9346, Austin, TX 78766 USA

Gavman sainim 6-pela tokorait long 6-pela mun

GAVMAN i sainim 6-pela kain kain agrimen o tokorait wantaim ol narapela kantri namel long Julai 29, 1991 na Janueri 27, 1992.

Gavman i sainim ol agrimen wantaim Nu Silan, Singapo gavman long Saut Korea, Saut Pasifik Forum Seketeriet, Saut Pasifik Aplai Jio Saiens Komisen (SOPAC) na Indonesia.

Aninit long namba wan agrimen, Nu Silan bai helpim givim sampela mani bilong wok developmen bilong Papua Niugini. Prait Minista Rabbie Namaliu sainim wantaim Prait Minista bilong Nu Silan Jim Bolger Disemba, 1991.

Namba tu agrimen em long stretim hevi bilong

takis long taim bilong salim na baim samting namel long tupela kantri yet.

Andaseketeri bilong bilong Fainens, Thomas Negints i sainim wantaim Singapore long long Oktoba 10, 1991.

Na bilong Fiseris namel long Papua Niugini na Saut Korea em Minista bilong Fiseris Akoka Doi yet i sainim long Korea long Janueri dispela yia. Dispela agrimen i tok orait long tupela kantri i ken wok bung wantaim bilong painim pis.

Na bilong kamapim Saut Pasifik Forum Seketeriet em Prait Minista Rabbie Namaliu i sainim long Pompei long Maikronisia long Julai, 1991.

TORO

TORO SPAK WANTAIM OL WANTOK BILONG EM LONG KONE DOBLU...

BIA PINIS NALI NA TORO LAIK GO LONG HALIS... OL WANTOK BILONG EM TOKIM EM LONG STAP, TASOL EM LES...

CHIC! MASKI TORO... SILIP HIA NA TUMORA YU GO!

NOKEN (CHIK!) WARI LONG MI... GODENS INO LONG WE... (CHIK!) MI WOKABACU!

NAU EM WOKABACU IGO... HAPWE LONG ROT EM AIRAIN PUNDAUN NA SILIP...

POLIS PATROL I KAM BUNGIM EM NA KARIM EM IGO LONG SEL...

EM INO MEKIM TRAROL EM SPAK YA!... YUMI GO LUSIM EM SILIP LONG SEL... MONING EM I KEN GO...

TORO TING EM SILIP LONG HWE, EM KIRAP NA SINGAITIM MERI BILONG EM LONG KAIKAI...

LEWA... KARIM (CHIK!) KAIKAI BILONG MI I KAM... HARAP! (CHIK!) NOGUT MI PAHTIM YU!

HEY? YU WANEM KAIN MAN NA YU IOKIM MI OLSEM?

KOPUL KIRAP NA NEKIM EM NA RAUSIM EM LONG SEL...

WANTOK

NIUSPEPA BILONG OL PAPUA NIUGINI STRET

Sekim timba kampani

Planti nesanel wokman long kantri i save bungim kainkain hevi long ol ovasis kampani husat i kam wok long kantri. Dispela em ol bikpela kampani husat i save kam wok long kisim ol risoses olsem timba, gol, kopa na pis.

Dispela wik ol wokman bilong Vanimo Fores Prodak i komplem olsem kampani i brukim tokorait, na i no baim ol. Ol wokman i komplem olsem ren na ol i no wok.

Yunien bilong ol woka i komplem tu olsem ol i lalkim kampani i strongim trening program, bai ol lokol pipel i senisim ol ovasis wokman, ol woka bai gat gupela haus, alowens na kain olsem.

Na yet ol i laik kotim kampani. I gat komplem tu olsem kampani kisim moa ovasis wokman na meri, husat i no gat wok pemit.

Nau yet mipela i no save sapos dispela i tru o giaman. Tasol long stretim gut hevi, Sandaun provinsal gavman na nesanel gavman i mas bihainim askim bilong ol pipel, na sekim dispela.

Sapos dispela i tru orait sekim bilong wanem as na kampani no bihainim tokorait bilong em. Dispela bai mekim ol papa graun na wokman i amamas, na kampani bai wok gut.

De bilong nesanel ileksen long Isten Hailans i senis

1992 nesanel ileksen ripot

ISTEN Hailans provin-sal ilektorel opisa, Peter Malaifeope i wok long senisim nau ol de bilong nesanel ileksen em bai kamap long provins bilong em.

Malaifeope i tok dispela i bin kamap bihain long het opis bilong ilektorel Komisnin long Mosbi i bin senisim ol

de. Na dispela i bin bihainim wanpela lo i kam yet long nesanel palamen.

Em i tok ol pipel bilong Isten Hailans i no ken bihainim ol olpela de bilong ilek-

sen, na i mas bihainim nau ol nupela de em i kamap bihain long nupela lo i tok long rausim 35 de bilong ileksen i go daun long 7-pela de. Ol nupela de i stap olsem;

Ileksen de bai op wantaim 'Issue of Writ' long Mas 26. Bihain bai nominesen bilong ol kendidet i op long Mas 27, na pas long Epril 24.

De bilong kisim ol vot

bai stat long Jun 13, na pinis long sem de yet. Bihain tasol long dispela bai ol ilektorel opisa long wanwan provins i stat long kaulim ol vot. Ileksen bai pas long Julai 15 wantaim 'Return of Writ'

Ileksen long Isten Hailans bai stap inap wanpela de tasol.

Wok bilong stretim koman rol kamap nau long planti provins

MARYLAND DISE i raitim

PLANTI wok bilong stretim koman rol i wok long kamap nau long olgeta provins. Na dispela i bilong redi long kisim vot bilong ol manmeri long taim bilong nesanel ileksen em bai kamap long Jun, 1992.

Long Westen provins wankain wok tu i wok long go het yet. Wanpela mausman bilong Provinsal ilektorel Opis long Daru, Mista Mango i tok wok bilong prinim pepa i wok long go het gut. Tasol dispela i no gat wari long en, long wanem wok bai kam yet long printa long Mosbi.

Ilektorel opis i wok long wet yet nau long ol manmeri long go putim nem bilong ol. Toksave i go pinis, tasol Mista Mango no lukim wanpela man o meri i go putim nem yet.

Bai no gat planti hevi i kamap namel long ol ilektorel opisa long hap, long wanem i gat tripela ilektoret tasol wantaim provinsal sia long resis long rijonel sia nesanel ileksen.

Ol boda pipel long Is na Wes Nu Briten stretim toktok

TUPELA strongpela grup i kam long Is na Wes Nu Briten i bin bung long Pomio Distrik long Februari 10 long toktok na kamapim tingting long daunim ol hevi i kamap pinis namel long ol pipel insait long boda bilong Is na Wes Nu Briten provins.

Nupela komiti i kamap nau long bihainim ol developmen i wok long kamap long boda eria, we ol i ting i no gat gupela toktok long stretim sindaun bilong ol pipel. Dispela i bihainim tingting bilong tupela gavman wantaim long givim servis i go long ol pipel.

Ol ripot i bin kamap long miting long Palmalmal i tokaut olsem sampela lain insait long Pomio distrik i wok long ranawe i go na sindaun long ol graun long Wes Nu Briten. Sampela bilong ol dispela graun i no bilong ol stret.

Bil bilong mekim Aitape kamap nupela hetkwata bringim moa komplem

WANPELA komyuniti lida husat i save toktok planti long hevi bilong ol pipel, Wegra Kenu i tokaut olsem em bai go long Jayapura sampela taim long neks wik.

Na toktok wantaim ol bikman bilong gavman bilong Indonesia. Em laik painim ol rot long

mekim Vanimo i kamap wanpela distrik bilong Irian Jaya.

Kenu i tok ol pipel bilong Vanimo i gat planti samting i wankain olsem ol Irian Jaya. Na em i no lukim sampela hevi we bai stapim Vanimo long bruk joinim Indonesia.

Oposisen lida bilong Sandaun provinsal asembli, Joe Amir i tok tingting bilong mekim Aitape i kamap biktaun bilong Sandaun provins bai kos moa long K10 milien. Em i wok long tingting planti long wanem hap bai mani ya i kam.

Deputi primia egensim dispela tingting

I GAT bikpela tok pait i kamap nau namel long ol planti bikman na lida long Sandaun provins.

Bihainim wanpela bil em palamen i bin tok orait long en long wik i go pinis. Long surikim biktaun bilong Sandaun provins long Vanimo i go long Aitape.

Palamen i bin tokorait long dispela bil bihainim wanpela sabmisen em memba bilong Aitape/ Lumi, Paul Mambei i bin kamapim long palamen sampela taim i go pinis.

Long wik i go pinis, bihain tasol long palamen i oraitim dispela bil "Radio Sandaun" i bin kamapim tingting na toktok bilong planti

nesanel, provinsal na komyuniti lida husat i tok egensim dispela bil.

Rijonel memba bilong Wes Sepik na minista bilong Interia, Karl Stack i tok em i no bin sapatim dispela bil bikos em i no bin kisim askim o tok klia i kam long ol provinsal, komyuniti lida na pipel long provins.

Stack i sutim tu strongpela tok i go long Mambei long kamapim dispela mosen hariapi tumas. Na em i no skelim gut planti tingting na hevi em bai kamap long dispela. Em i tok nau yet Sandaun provins i gat bikpela hevi bilong mekim ol rot na bris na i no hetkwata olsem Mambei i pait hat long em.



Ol Porebada soim tumbuna bilas • DCA ragbi lig klap bilong ples Porebada redi wantaim tumbuna singsing grup bilong ol long opim 1992 sisen propa resis bilong Mosbi lig. Planti manmeri na pikinini i bin kamap long Lloyd Robson long las wiken na lukim dispela bikpela de.

Not Flai kisim bikpela ileksen mani long provinsal baset

NOT Flai Open long Westen provins bai kisim klostu long K74,000 baset mani i kam long provinsal ilektorel opis long Daru.

Dispela mani bai lukautim ol opisa husat bai wok long taim bilong ileksen long provins.

Mani bilong Not Flai i winim mani ol i makim bilong ol narapela tupela ilek-

toret long provins. Saut Flai Open kisim K30,000 na Midel Flai Open kisim K20,800.

Tripela konstituensi, Kiunga, Normad na Tabubil bai kam aninit long Not Flai Open.

WANTOK

NIUSPEPA BILONG OL PAPUA NIUGINI STRET

P.O. Box 1982 BOROKO
Telepon Namba: 25 2500
Feks Namba: 25 2579

PE BILONG WANPELA YIA 52 NIUSPEPA

PLES	AIR
Mosbi	K30.00
Arapela PNG eria	K60.00
Australia na Nu Silan	K92.00
Esia pasifik na Japan	K123.00
Amerika na Yurop	K180.00





■ Meri bilong Kanage i gat sik long bel. Bel bilong meri i solap nogut tru. Kanage ting olsem meri bilong em i gat bel, na em i amamas nogut tru. Em kisim meri i go long haus sik na wanpela dokta na sista i sekim em.

Dokta wantaim sista sekim meri pinis, na lukim olsem meri i no gat bel.

Dokta tanim na tokim Kanage, "Papa, mi save olsem yu amamas long meri i bel. Bikos yu laikim wanpela pikinini. Dispela em pasin bilong gutpela papa.

"Mi save olsem bai yu kros long wanem samting mi tokim yu. Mi sore long tokim yu olsem meri bilong yu i no bel. Em i gat sik long bel, olsem na bel i solap traipela, na tu ting em i gat bel."

Man Kanage i bel hat nogut tru. Em rausim laplap em i pasim na bikmaus long dokta, "Yu ting dispela em basikel pam bilong yu, maski long giamanim mi a?"

William Jumase
MOSBI

□ Pikinini bilong Kanage kaikai oktopus bilong solwara na puk i mekimsave stret long skin bilong em. Kanage wari nogut tru long pikinini na kisim em i go long haus sik.

Em kamap long haus sik na ol sista i askim em, "Papa, pikinini bilong yu kaikai wanem samting tru na kain kain puk i kamap nabaut long em?"

Kanage paul olgeta nau. Em kirap na givim tasol, "Ating em i mas kalkai hipopatomus ya, mi no save tumas long ol kaikai bilong sowlara".

Man olgeta sikman insait long haus sik i indai stret long lap.

Samson Mathew
GOROKA

■ Wanpela taim Kanage go spak nogut tru na go bek long haus long tulait. Em kamap long haus na hatim meri bilong em, "Hei! Yupela slip yet, man mi hangre ya."

Meri wokim ti na Kanage dring i stap. I no longtaim em i pilim pekpek. Em sisti i go ausait long haus wantaim kap ti, na go insait long toilet haus.

Em pekpek i stap na ol wokman bilong taun kaunsil i kam long kisim baket. Ol opim dua na lukim Kanage wantaim kap ti insait long toilet. Ol i kalap nogut tru.

Meri bilong Kanage lukim olsem na i no isi long Kanage, "Man yu ting em haus kaikai bilong yu, Kamon kam ausait nau!"

Olgeta spak bilong Kanage i pinis. Em sem nogut tru na kalap as nating i kam ausait long toilet, na ran i go insait long haus. Insait long haus, em painim trausis nogat na putim sket bilong meri.

Man ol wokman bilong kaunsil wantaim ol arapela meri i lukim na indai olgeta long lap.

William Wanny
RABAUL

□ Kanage raun long Wewak Kompaun na lukim ol manmeri pilal laki long kas i stap. Em amamas nogut tru bikos em lukim wanpela yangpela kum katim meri tu i pilal i stap.

Kanage kisim rong tingting olgeta. Kanage ting ol i pilal long winim dispela meri. Em daunim spet stret na sanap i stap.

Taim poroman bilong dispela yangpela meri i win na givim mani bilong em bek, man Kanage ting yangpela man ya bai kisim dispela yangpela meri i go nau.

Bel bilong em sut olgeta. Em holim han bilong man ya na tokim em isi tru, "Kas mi laikim Munia tasol. Aste yet meri ya harim pinis na krosim Kanage nogut tru, "Yu ting em tupela susu bilong yu?"

Aaron Tikal
Yawasoro-WEWAK

Wes Nu Briten provinsal ileksen bai kamap long Oktoba

MATHIAS BALIVE i raitim

WES Nu Briten provinsal ileksen long Oktoba na i no wankain taim olsem nesenel ileksen long Jun olsem ol ripot i kamap long bipo.

Ilektorel Komisina, Rueben Kaiulo i orait long nupela senis pinis.

Provinsal Eksekutyutvi Kaunsil (PEC) i tok orait long kamapim dispela senis bihain long sampela hevi ol i ruk-save long en long 1987 ileksen.

Ol ripot i tok dispela senis i mas kamap long wanem long 1987

provinsal na nesenel ileksen i kamap wantaim na mekim ol pipel i paul. Ol pipel i no klia husat kendidet i resis long nesenel na husat i resis long provinsal ileksen.

Long wankain taim tu, siksipela memba bilong provinsal asembli bai resis long nesenel ileksen.

Primia Robert Lawrence, minista bilong Teknikel Sevis-es, David Nasar na memba bilong Kaliai, Francis Auram bai resis egensim olpela nesenel minista bilong Sivil Aviesen, Bernard V o g a e l o n g Kandrian/Gloucesther open.

Na minista bilong

Edukesen, Philip Ragi na spika bilong Provinsal Asembli, Dennis Galia bai resis egensim nesenel minista bilong Minerels na Eneji, Patterson Lowa long Talasea Open na memba bilong Is Kove, John Dako bai resis egensim nesenel minista bilong Woks, Lukas Waka long Wes Nu Briten provinsal sia.



Waitman na tumbuna i bung • Ol Souths ragbi tim i redi long mas i go ausait long Loyld Robson Oval long opim 1992 ragbi sisen long Mosbi. Ol sapota bilong tim i bilas long tumbuna long soim olsem em tim tru bilong ol Awi na i no ol narapela lain. Ol i gat nem long dispela kain bilas bilong ol

Atiyafa rong long makim nupela minista

OLPELA namba tu primia bilong Isten Hailans provinsal gavman, David Mehuwo i no amamas long ol senis primia Atiyafa i mekim long kabinet.

Mahuwo i tok tingting bilong Atiyafa long makim memba bilong Saut Fore, Wato Avinaga olsem minista bilong Lens olsem wanpela liklik pikinini. Dispela long wanem Avinaga i givim pinis toksave pepa bilong em long risain long resis long Okapa open sia long nesenel ileksen.

Em i tok Avinaga i mas lusim opis bilong em nau na redi long ileksen na i noken stap yet long wok.

Tasol long wankain taim tu em i amamas long nupela memba husat i kisim ples bilong em olsem namba tu primia. Memba bilong Minamio konstituensi, Kasen Nahe

Em i laikim sampela long ol memba nating long gavman long kamap ol minista. Em i tok olpela primia, Walter Nombe i mas kamap minista bilong praimer industri.

PEA no helpim ol NPF opisa long sekim mani rekot bilong ol memba

PEA i no helpim ol opisa bilong NPF long sekim mani rekot bilong ol memba. Sandaun Timba Wokas Yunien insait long Vanimo, Wes Sepik i tokaut olsem, na i no amamas tru long dispela pasin em narapela susa yunien insait long kantri mekim.

Jenerel seketeri bilong Sandaun Timba Wokas Yunien, Mathias Kenuangi i tok sampela opisa bilong NPF i bin kamap long Vanimo. Ol i go insait long opis bilong PEA na i laik salim mani rekot bilong sampela NPF memba. Tasol ol opisa bilong PEA i no helpim ol.

Kenuangi i kompeln olsem PEA em i wanpela bikpela yunien. Tasol em i no soim gutpela pasin tumas long ol susa yunien insait long kantri.

Kenuangi i sutim tok long bos bilong PEA, Napoleon Liosi. Kenunagi i tok Liosi i save long dispela, na

larim ol opisa bilong em i giamanim ol NPF opisa i paul nabaut insait long opis.

Mista Kenuangi i kompeln olsem oda em ol PEA opisa i kisim long pasim mani rekot bilong ol memba i stap long opis bilong ol i no bihainim lo. Pasin PEA

i mekim i stapim rait bilong ol memba long kisim wanem samting ol i gat rait long kisim.

Sapos i gat sampela paul pasin i kamap long mani bilong ol memba, orait larim ol rekot i soim. Na maski long haitim ol rekot nambaut.

"Mista Liosi i sutim tok olsem mani bilong ol memba i go long fan i slo tumas. Mi yet laik rabisim dispela toktok bilong Mista Liosi. Ol memba i save olsem bosman bilong ol i rausim hap pe bilong ol long taim em i tok long salim i go long NPF.

Ilektorel Komisin mas salim aut hariap ol ileksen baset ripot - Hailans Seketeriat

MARYLAND DISE i raitim

OL FAIVPELA seketeri bilong Hailans Rijonal Seketeriat (HRS) i laikim ilektorel provins long redim baset ripot na salim i go long seketeri bilong ol long wan wan provins.

Dispela i mas go pataim long opis bilong dairekta bilong HRS, John Munnall.

Dispela ol baset ripot bai lukautim ol wok bilong jenerel ileksen

bai kamap long Hailans rijon.

Dairekta Munnall i laikim tu ilektorel Komisin i mas salim ol dispela toksave hariap long ol 5-pela seketeri long wanem dispela bai ken helpim ol long stretim baset ripot wantaim ol narapela dipatmen na ejensi.

Westen Hailans na L nga bai vot long wankain de na dispela

bai kirapim narapela hevi gen long ol dispela 5-pela seketeri. Dispela i bin kamap bihain long ol ilektorel opisa i painim aut olsem planti Enga husat i stap nau long Westen Hailans i bin raitim nem bilong ol long tupela koman rol wantaim bilong tupela provins.

Ol dispela 5-pela Hailans seketeri i laikim tu ilektorel Komisin long salim mani bilong ol wokman bilong kaunim vot na ol narapela husat bai mekim ol

narapela wok i go hariap long Bureau ov Mensmen Sevises (BMS) opis insait long wan wan provins. Ol dispela mani mas go aninit long wanpela fan ol i kolim long Kes Fan Setifikets (CFCs).

Ol laikim tu plis dipatmen long salim mani bilong ol plisman husat bai wok long taim bilong ileksen i go long ol BMS opis long Enga, Westen Hailans, Sauten Hailans, Simbu na Isten Hailans provins.

TU MINIT TINGTING

DISPELA WIK I HOLI TRU

"Em i dai pinis wanpela taim tasol, na long dispela pasin em i bagarapim strong bilong sin." (Rom 6:10)



FRANK MIHALIC I RAITIM

NAU yumi statim wik i winim olgeta arapela 52 wik bilong yia. Long dispela Holi Wik, yumi save tingim ol pes bilong Gutnius i pulap tru long sore. Ol i stat long Matyu sapta 26, na long Mak sapta 14, na long Luk sapta 22, na long Jon sapta 18.

Sapos yu no go wok long Gut Fraide, em i gut tru long yu kisim Nupela Testamen bilong yu na yu ritim sampela dispela sapta. Ating bai bel bilong yu i pas tru long tingim gen olgeta hevi nogut Jisas i bin karim bilong baim bek yumi ol sinman long ai bilong God.

Olgeta taim yumi lukim wanpela diwai kros, yumi ken tingim olsem wanem na Jisas yet i bin karim diwai kros long solda bilong em. Yumi ken tingim olsem wanem na dispela stinka poroman bilong Jisas, em Judas tasol, i bin salim Jisas long kisim 30 silva mani. Yumi lukim bodi

bilong Jisas i bagarap olgeta na i kat kat nabaut long ol solda i paitim em. Bilong wanem? King Pailot yet i bin tok: "Mi no painim wanpela rong long em...olsem tasol na yupela i mas paitim em." Em i wanem kain rabis tingting?

Long diwai kros yumi ken lukim Jisas i bilas wantaim wanpela giaman hat bilong king em ol i bin wokim long rop i gat nil. Nau ol lida long sios bilong em yet i lap long em. We stap ol manmeri i bin wokabaut hosana long em long Sande i go pinis? Nau ol i bikmaus long em i mas dai. Bilong wanem? Em i bin mekim gut tasol long ol. Em i bin wokim olkain mirakel bilong helpim ol tasol. Nau em i mas dai bilong wanem?

Na yu lukim tupela han bilong Jisas i bin wokim ol gutpela wok tasol, nau ol nil i pasim tupela long diwai kros. Na tupela lek

bilong em tu. Na long olgeta diwai kros yumi lukim Jisas i hangamap long ples klia long ai bilong olgeta manmeri, na em i werim malo tasol. Pikinini bilong God i dai olsem wanpela rabisman stret. Em i bin kam bilong helpim ol manmeri; na nau ol i bekim olsem long em.

Olgeta diwai kros yumi save lukim, ol i save hangamap nating long ol banis. Na dispela i makim ol 6-pela aua we Jisas i hangamap long 4-pela nil long Gut Fraide. Olgeta lain poroman bilong em i ranawe pinis. Jon wanpela tasol wantaim sampela meri i sambai long Jisas. I luk olsem God Papa yet i bin lus tingting long em. Jisas yet i singaut olsem: "God bilong mi, God bilong mi, bilong wanem na yu lusim mi?"

Dispela tok i kam long lain namba wan bilong Sam namba 22. I gutpela yu ritim dispela

Sam 22 olgeta taim tude. Em i gat planti tok i pas stret long Gut Fraide. Na tingim tu: dispela sam 22 i autim as bilong wanem yumi save laikim tumas poroman sam namba 23, we i gat tok long wasman bilong sipsip. Yes, olsem Jisas i bin tok, "Gutpela wasman i save givim laip bilong em bilong sevim ol sipsip." Gut Fraide i soim dispela i tru.

Nau yumi go bek gen na lukim wantaim moa ol diwai kros i hangamap nabaut long ol haus lotu, na skul na haus bilong ol Kristen. Antap long en diwai kros i gat dispela ol leta: INRI. Dispela em i Tok Latin na i min: "Jisas bilong Nasaret, King bilong ol Juda." Em nau! Na husat i bin nilim dispela tok save antap long diwai kros? Ol wantok Juda? Nogat tru! Wanpela haiden tasol, em Pailat.

Sore, taim yumi wan wan i

save karim sampela pen, em i liklik nating; em i no inap tru long pen yumi ken lukim long diwai kros. Bilong dispela na diwai kros i save helpim tingting bilong yumi. Yumi lukim em na yumi sem long ol sin bilong yumi i bin bagarapim Jisas. Yumi lukim em na yumi save mari-mari; yumi save tenkyu; yumi save kisim strong bilong go het na karim ol liklik diwai kros bilong yumi yet.

Sapos yumi no tingim tru olgeta pen na sore na rong na pasin nogut bilong Gut Fraide, yumi no inap amamas tru long lida Sande. Long Gut Fraide i luk olsem laip na wok bilong Jisas i pinis olgeta long dispela graun.

Namba wan SVD misineri bilong PNG go wok ovasis

LONG Mas 10, Pater Paul Kanda Tondopan SVD, namba wan pater bilong PNG long lain SVD (Societas Verbi Divini) i bin kisim misin Kruse long Par, Enga provins.

Em i wanpela pasin bilong ol lain SVD. Taim ol i laik salim wanpela misineri i go wok, ol i givim em wanpela misin kruse. Dispela kruse em i make olsem ol misineri i mas karim kruse bilong ol yet olsem Jisas i bin karim Kruse bilong Em yet i go long maunten Kalvari. Kruse bilong ol misineri nau em olsem kain kain wari na hevi ol i kisim long mekim wok misin bilong ol yet.

Long liklik homili, Pater Severinus Pambut SVD, wanpela misineri bilong Indonesia i tok: "Mipela ol misineri i mas karim kruse wantaim Kraus. Wanpela we long karim kruse bilong yumi i olsem, mipela i bin lusim papamama na kantri bilong yumi, kam long misin bihainim Jisas long mekim wok long helpim pipel. Namba wan samting, mipela mas sindaun long lek bilong ol pipel na opim ai long lukluk, opim yau long harim olgeta samting i stap nabaut long yumi, na lainim ol samting mipela i lukim na harim i kam long ol pipel.

Mipela bai sukses long wok bilong yumi sapos mipel ai save klia long kalsa na pasin bilong ol pipel. Sampela i pilim hat, tasol em i liklik kruse tasol".

Dispela tok i mas go long Pater Paul Kanda Tondopatu, bikos em bai go long Nu Silan na sevim ol pipel long dispela kantri. Em i olsem wanpela bikpela kruse bilong em, bikos em bai stap namel long ol manmeri i bihainim ol holim kalsa bilong waitman. Tasol em i bin promis long ol pater na sista i stap long dispela taim long Par olsem; "MI bai mekim gut wok bilong mi.

Ol Goilala yut kisim trening long lainim ol samting ol yet

SAMTING olsem 30 manmeri insait long Goilala district long Sentrel provins i bin stap insait long wanpela trening long tripela wik i go pinis.

Katolik peris long Goilala yet i bin kamapim dispela tingting long givim trening i go long ol manmeri long ples.

Ol i bin holim dispela trening long tripela wik olgeta. Ol 5-pela nesenel man i bin ranim dispela progrem. Dispela ol man i bin kam long Madang na Mt. Hagen.

Dispela ol lain husat i bin stap insait long trening, em ol man nating long ples long mi.

Goilala yet.

Long taim bilong trening ol dispela manmeri

i bin lainim planti samting. Wanpela long ol em long mekim samting

ing yu yet na i no stap long strong bilong narapela man.



• Onoge Grup wantaim Pater Dominic Pradler na Pater Thaddeus Gutul (Ralthan)

Ileksen De bilong Papua Niugini, Me - Jun 1992

Long Ogas na Novemba 1991, Nesenel Palamen i bin oraitim sampela senis long Konstitusinel Lo. Na dispela bai kamapim sampela bikpela senis long ol lo i lukautim wok bilong ileksen. Hia em ol dispela senis:

1. Constitution Amendment (Elections)
2. Organic Law on National Elections (Amendment No. 2) Law
3. Organic Law on the calling of Meetings of the Parliament (Amendment No. 1) Law.

Spika i redi nau ol senis long ol dispela lo. Na ol dispela lo bai i stat long wok bihain long ol i go insait long Nesenel Gazette. Het bilong Stet bai bihainim tok orait bilong Minista na bringim ol dispela nupela lo i go insait long Nesenel Gazette.

Hia em liklik hap ripot i soim ol dispela senis em bai i kamap bikos long senis long ol ileksen lo (Mipela i laik tok klia olsem dispela em sotpela ripot tasol. Na sapos yupela i laik save moa o kisim ful ripot long dispela, yupela i mas lukluk long lejislesen).

1. NOMINESEN FI.

Nominesen fi i go antap nau ilong K1,000. Ol kandidate husat i winim ileksen tasol bai kisim bek dispela fi ol i bin baim, bipo ol i sanap long ileksen.

2. BAI ILEKSEN.

Sapos long sampela kain as na wanpela bai ileksen i kamap long las 12-pela mun i go pinis (olsem long namba 5 yia) bilong laip bilong palamen, no gat bai ileksen bai kamap. (Nau yet em long olgeta 6-pela mun)

3. OL NOMINESEN DE.

Namba bilong nominesen de i go daun nau long 7-pela de tasol.

4. SAPOS KENDIDET I DAI

Kendidet bai lusim ileksen sapos em i dai

bipo long nominesen de i op, na bihain long lo (writ) i oraitim wok bilong ileksen long kamap i pas.


5. OL DE BILONG VOT

Taim bilong vot i go daun long 14 de tasol.

6. HELPIM OL MANMERI HUSAT I NO SAVE RIT O RAIT LONG VOT.

Ileksen opisa i ken oraitim wanpela man husat em (opisa) i bilip i no inap long rit o rait i kisim wanpela famili memba i go wantaim long vot. Man husat i no inap rit o rait i mas oraitim wanem man em laikim long helpim em. Long bipo, dispela lo i oraitim tasol ol manmeri husat i apas, o i gat sampela bikpela bagarap long bodi olsem ol disebel.

7. PINIS BILONG SEKSINEL VOT



Authorised by
Reuben Kauilo,
Electoral
Commissioner Papua
New Guinea

Seksen 141 bilong Organic lo long Nesenel ileksen em ol i senisim. Dispela senis i rausim seksinel vot.

8. WANPELA RIPRESENTETIV TASOL BILONG WAN WAN KENDIDET LONG PLES BILONG KAUNIM VOT

Wanpela ripresentativ tasol bilong ol wan wan kendidet i ken stap insait long hap bilong kaunim vot, long wanpela taim tasol long taim bilong kaunim vot. Dispela em long sekim namba bilong ol vot na toksave long kendidet. (Wanpela kendidet i ken makim moa long wanpela man long sekim namba bilong ol vot taim ol opisa i kaunim. Tasol ol dispela man i mas go insait long ples bilong kaunim vot wanpela, na i no tupela o tripela long wanpela taim)

9. NAMBA WAN PALAMEN KIBUNG BIHAIN LONG JENEREL ILEKSEN.

Namba wan kibung bilong palamen bai i mas kamap 7-pela de bihain long lo (writ) i oraitim wok bilong karimaut ileksen i kam bek long jenerel ileksen. (Nau yet kibung i ken kamap bihain long 21 de).

10. SAIS BILONG OL ILEKSEN POSTA. Bipo i gat tambu long sais bilong ol ileksen posta. I no gat moa tambu long dispela nau

11. TAMBU LONG YUSIM SPIKA LONG TAIM BILONG VOT

Tambu long ol kendidet o sapota bilong ol kendidet i yusim laut spika na ol kain masin olsem bilong toktok bikpela long taim bilong vot. Ol plis opisa na ilektorel opisa tasol i ken yusim long lukautim lo na oda, na tu long tokim ol pipel long wanem samting bilong mekim.

12. ILEKSEN PETISEN MAS KAMAP BIHAIN LONG 14 DE TASOL

Sapos wanpela kendidet i laik komplem bikos long sampela as na em i no winim ileksen, em i mas givim dispela komplem o petisen i go long ilektorel opisa long 40 de bihain long ilektorel opisa i tokaut long nem bilong ol kendidet husat i winim ileksen. Ilektorel opisa i no inap kisim wanpela petisen bihain long 40 de. (Nau yet ol kendidet husat i laik komplem i gat tupela mun olgeta long givim komplem i go long ilektorel opisa).

13. SEKYURITI BILONG KOS NA ILEKSEN PETISEN.

Sapos wanpela kendidet i laik komplem o givim petisen, em i mas givim wantaim K2,500. Nau yet dispela mak bilong mani i stap long K200 tasol.

PLIS RIPOT

GOROKA: Tupela Filipino man i bin kamap long Goroka Distrik Kot long sas bilong holim marasin nogut ol kolim kanabis.

Kot i bin painim Semplicio Quioco, 40 kris-mas bilong ples Cagain na Romio Alasco, 51 bilong Decolod Siti insait long Pliipin i rong long dispela sas long ai bilong mejistret, Frank Manue. Na ol i bin larim tupela i go long K200 bel.

Kot i bin painim olsem ol plis i bin mekim painim aut bihain long sampela lain i bin givim ripot long ol. Plis i bin go long wanpela haus na painim 50 kilogram plawa beg wantaim dispela ol kanabis.

Taim plis mekim dispela painim aut long Februeri 19 ol i kisim Quioco na Alasco na askim tupela long dispela samting. Na bihain sasim tupela long holim dispela marasin nogut long huas bilong tupela.

Long dispela wik yet distrik kot long Goroka i bin painim wanpela man Morobe i rong long holim dispela smuk nogut.

Plis i bin holim Eddie Ahpe, 43 krismas bilong ples Pindiu long Morobe long Februeri 19. Wankai taim ol i bin kisim dispela tupela man Pilipin.

Goroka distrik kot mejistret, Gerard Vetunava i bin painim Ahpe i rong long dispela sas. Na kot i bin salim em i go kalabus long 7-pela mun.

Vanimo manmeri laikim ol yut long klinim taun

PLANTI pipel long Vanimo taun i laikim ol yut grup long mekim wok long klinim taun.

Ol pipel i laikim ol foapela yut long kisim dispela kontrak long lukautim taun. Dispela ol yut grup em Tawa, Dali, Pewi na Wesdeco yut.

Dispela ol yut i gat bikpela tingting nau long kamapim ol gutpela wok long klinim taun. Na mekim taun i luknais long ol man long stap.

Ol yut ya i tingting olsem olpela kontrakta, John Leki i no bin mekim gutpela wok. Em i bin kaikem mani nating bilong provinsal gavman.

Vanimo Taun Kaunsala, Sabuar Bath i tok Provinsal Tendas Bot mas tingting gut na larim ol yut i wok. Bikos em i bilip ol yut bai mekim ol gutpela wok tru. Long katim gras na kisim ol pipia long taun.


Gavman mas lukluk long ol olpela pablik sevan

WANPELA olpela pablik sevan long Sandaun provins, Francis Mayo i tok gavman i mas statim wanpela kain sistem long helpim ol olpela pablik sevan inap ol i dai.

Mayo em wanpela dokta husat nau i painim bikpela hevi tru long sindaun long ples bihain long gavman i pinisim em long wok long 1986.

Em i tokim Wantok olsem em i bin stap long Thailand long kamap long wanpela Helt Edukesen Woksop taim gavman i pinisim em. Em i no save olsem em i pinis inap em i kam bek na kirap nogut olsem em pinis nau long wok.

Mayo i tok gavman i no luksave long K240,000 em Wol Helt Ogenaisesen i putim long baim rot bilong em, kaikai na ples bilong slip long kamap long woksop. Dispela save em i kisim long woksop em i no yusim moa bikos em i pinis long wok.



Trening • Ol yanpela bilong Goilala long Sentrel provins i bung long kristen trening long las wik. Dispela em ol Tandini Grup wantaim timb lida bilong ol, Kene (raithan)

Planti senis tumas kamap long Madang gavman

WOK bilong Madang provinsal gavman i no kamap gut long tupela wik i go pinis long wanem ol memba i senisim tumas sapot bilong ol long gavman na oposisen.


Olpela minista bilong Didiman long gavman, Benny Ulul i namba wan man long lusim gavman na joinim oposisen. Ulul em memba bilong Saut Amenob konstituensi.

Na las wik tasol, memba bilong

Kairong konstituesensi, Andrew Kamindai i lusim oposisen na joinim gavman.

Ulul i tok em i lusim gavman bikos Ariako i no moa wok olsem gutpela lida.

"Yu ken lukim long provinsal baset bilong dispela yia. Opis bilong prima i kisim K680,000 na opis bilong spika i kisim tasol K359,000.



Winner of the 1990 KOOL INDEPENDENCE SAFARI RALLY 3rd PLACE - The 1991 KOOL INDEPENDENCE SAFARI RALLY


PNG'S No. 1 RALLY DRIVER

TELLS HOW TO WIN COMPETITIONS
(AND PEACE OF MIND)


"Fuel starvation - if it's going to happen it'll be just when you need all the power you can get!" Andrew English, winner of the 1990 Independence Safari Rally and 3rd behind Australian ace Murray Coote in the 1991 event. A dedicated Mazda driver, he makes sure his engine gets all the fuel it needs by fitting genuine fuel filters.

Here's why Andrew insists on the genuine part:

- Built-in water trap separates water from the fuel and retains it in the filter body.
- Extra large surface area with "edge to edge" filter medium construction gives maximum filtration with maximum flow rate throughout the recommended servicing interval.
- No water trap-water will be drawn into the intake causing poor combustion, misfiring and consequent loss of power.
- Small surface area of low quality filter medium - this filter will block easily giving all the symptoms of fuel starvation early in its life.



Genuine



Non-Genuine

APART FROM MAZDA
TRUST NOTHING ELSE

Mazda

PNG MOTORS

Keep the power where you need it - when you need it - use the genuine part



Lapun meri protes long Wumens De • Lapun meri ya wantaim ol narapela Pilipinsi protes long makim Intanesenel Wumens De long kantri bilong ol yet. Em wantaim ol narapela bihainim strit na singaut egensim gavman long rait bilong ol meri

Namba wan meri bilong Sir Wiwa laik lusim em...

Dispela stori i kamap long wanpela niuspeppa bilong Australia, ol i kolim long *Weekend Australia*

NAMBAWAN meri bilong Gavna Jenerel Sir Wiwa Korowi, Sonya Korowi i tokaut olsem em i laik kisim kot pepa long lusim man bilong em.

Sonya i tok em i namba wan meri bilong Sir. Korowi, tasol Sir Wiwa i tok Nancy Korowi em i namba wan meri bilong em.

"Dispela toktok i kam aut long maus bilong Sir, Wiwa. Na em i papa o het bilong famili na em yet i makim pinis husat meri bilong em," Sonya i tok.

Sonya i tok taim Sir. Wiwa i laik makim husat meri bilong em long go wantaim em long London em i makim Nancy olsem namba wan meri. Dispela em i no trupela toktok bikos mi em namba wan meri bilong em Sonya i tok em wantim Sir.

Wiwa i marit inap 14 yia olgeta. "Nau mi toktok insait long lewa bilong mi olsem mi laik lusim Sir. Wiwa," Sonya i tok.



Salim pipia pepa long kisim mani • Man ya i mumutim ol pipia pepa na pullim i go salim long kisim mani long las Trinde long wanpela bikpela taun long Amerika. Taim em i salim ol dispela pepa em bai kisim 3 sents long wan wan kilogram

Ami bilong Australia bai trening wantaim Indonesia ami

DIFENS Fos bilong Australia i laik kirapim wanpela bikpela militeri trening wantaim ol ami bilong Indonesia, ol bikman bilong Difens i tokim Federel Paliamenteri Inkwairi long Canberra.

Namba tu Sief, Allan Beaumont bilong Australia Difens Fos i tokim Foren Afeas, Difens na Tred Komiti husat i lukluk long wok klostu wantaim ol ami bilong Indonesia.

Sief Beaumont i tok trening bilong dispela tupela kantri bai strongim wok bilong ol ami. Tasol em i tok olgeta ekksesais i no kamap hariap bikos tokples bilong Indonesia em i hat long lainim. Nau yet Australia Difens Fos i laik salim sampela opisa i go long Indonesia long lainim tokples.

Pastaim long en Dipatmen bilong Foren Afeas na Tred i tok em i sem long sampela tokhait ol arapela man i wok long tokaut long en. Wanpela opisal bilong Foren Afeas i tokaut olsem ripot bilong wanpela kibung long 1988, i kam aut pinis. Na dispela ripot i mekim ol bikman bilong Australia ami i no amamas.

Namba tu Seketeri, Ric Smith i tok ol i no amamas long tokaut bilong dispela ripot. Tasol Smith i tok em i no save long wanem toktok mausman bilong Australia long Indonesia, Miles Kupa.


Nau Kupa i holim narapela wok olsem edvaisa bilong Minista bilong Foren Afeas. Na askim long ripot bilong Kupa i toktok long en, Smith i tok em i no bilip long dispela toktok i gutpela long ol pipel i harim long publik.

Wok bung bilong Australia na Indonesia ami i pinis long 1986 taim wanpela ripot i kamap long nesenel niuspeppa bilong Australia. Insait long dispela niuspeppa, ol ripota i bagarapim nem bilong famili bilong Presiden Suharto.

Long 1988 ol bung gen long wok bilong ami. Na Edmirel Beaumon i tok i no gat wanpela toktok i hait i stap long Australia i haitim long Indonesia.

Beaumon i tok Indonesia i kamapim planti wok bilong ol ami. Na ol ami i wokim planti nupela samting bilong pait. Nau yet Indonesia i gat nupela balus na sip bilong pait. Tasol dispela em i no bikpela samting long Australia, Beaumon i tok.

Wok bung wantaim insait long wok bilong ami bai kamap sapos tupela kantri i tingting long senisim ol opisal bilong em. Nau yet Australia i laik wok bung wantaim ol ami bilong Indonesia long stretim fil komynukesen sistem bilong ol.



30 manmeri dai long pait bilong wanpisin long Kenya • Ol piis i kilim dispela tripela man bilong Luo wanpisin bihain long ol i kirapim pait wantaim ol woda long haus kalabus.

Dispela kain namel long ol wanpisin i kirapim planti kain kain tingting long kain gavman bilong Kenya. Gavman na oposisen i sutim tok namel long ol yet olsem sampela bilong ol i statim ol liklik ami bilong ol yet long strongim dispela ol kain pait namel long ol wanpisin. Ol paitman bilong Kalenjin na Luo wanpisin i yusim ol samting bilong tumbuna wantaim ol gan na pistol long pait

LIKLIK

Australia man go pas long ami bilong UN

Nu Yok: Liutenen- Jenerel John Sanderson, 51 krismas bilong Australia i bin kamap namba wan het bilong Yunaited Nesens ami i go long Cambodia long ase nait. Dispela grup em i wanpela bikpela stret long wol. Sanderson bai go het long wanpela maltinesenel fos we 16,000 soldia bai stap insait long en. Ol bai go stap long Cambodia aninit long UN Trensisenel Atoriti. Sanderson wantaim ol soldia bilong em bai kamap ol namba wan lain long go long Cambodia stat long dispela wiken.

UN katim namba bilong ami long Yugoslavia

Zagreb: UN militeri tim long Yugoslavia i wok long painim we nau long katim daun \$US634 milien (\$842 milien) long holim yet ol 14,000 pesenel bilong piskiping fos long hap, UN i tok asde. Long dispela taim yet ol ami bilong Yugoslavia na Croatia i bin pait olsem ol Serbs long ripablik bilong Bosnia-Herzegovina. Dispela i bin kamap bihain long ol i no laikim wanpela pis plen em Yuropean Komyuniti i laik mekim. Namel long dispela pait 22 pipel i bin dai na 65 i kisim bagarap. Pait i bin stap inap 5-pela de olgeta.

US na Jordan pren gen bihain long woa

Washington: Presiden Bush na King Hussein i stretim gen gutpela frensip bilong tupela bihain long bikpela Gap Wo i bin kamap. White Haus i tok tupela bikman i bin kam bung wantaim nau long stretim toktok bilong pinisim woa namel long Iraq na UN sekyuriti fos.

Ol man i kilim nating 400 ol dolpin

Jakarta: 400 dolpin i bin dai bihain long sampela man bilong kisim pis long ol wara bilong Indonesia i abrus na kisim ol dispela dolpin wantaim pis. Ol i planim nau ol dispela dolpin long wanpela bikpela matmat long Indonesia.




Ol nevi sip bilong US painim Korea sip

Washington: Ol US nevi sip i wok long painim wanpela Korean sip i bin karim kago bilong Scud-C misails, ol bom bilong woa. Dispela sip i abrusim ol US nevi sip na i go hanga long bris bilong Bandar Abbas long Iran.

9th. South Pacific Games

For the Record...

...Women's Athletics



Photographs supplied by John Pangkatana

Event	Gold		Silver		Bronze	
100 m	Ghislaine St-Prix	(NC)	Laure Uedre	(NC)	Albertine An	(Tah)
200 m	Vaciseva Tavaga	(Fiji)	Ghislaine St-Prix	(NC)	Laure Uedre	(NC)
400 m	Mary Kapalu	(Van)	Vaciseva Tavaga	(Fiji)	Katia Sanford	(Tah)
800 m	Karolina Tanono	(Fiji)	Jen Allred	(Gua)	Poloni Avek	(PNG)
1500 m	Jen Allred	(Gua)	Karolina Tanono	(Fiji)	Rosemary Turare	(PNG)
3000 m	Jen Allred	(Gua)	Rosemary Turare	(PNG)	Iva Bati Nebutulovo	(Fiji)
10000 m	Jen Allred	(Gua)	Rosemary Turare	(PNG)	Marie Benito	(Gua)
Marathon	Jen Allred	(Gua)	Chris Taitano	(Gua)	Marie Benito	(Gua)
100 m Hurdles	Albertine An	(Tah)	Lillyanne Beiming	(PNG)	Katia Sanford	(Tah)
400 m Hurdles	Mary Kapalu	(Van)	Tahiri Homérang	(PNG)	Lily Tua	(PNG)
4 x 100 m	Fiji		New Caledonia		Tonga	
4 x 400 m	Papua New Guinea		Fiji		Tonga	
Long Jump	Albertine An	(Tah)	Rosi Temani	(Fiji)	Lily Tua	(PNG)
High Jump	Albertine An	(Tah)	Dionne Gardner	(Nor)	Angela Way	(PNG)
Shot Putt	M-C Fakate	(NC)	M-D Teanyouen	(NC)	Iamo Launa	(PNG)
Discus	M-C Fakate	(NC)	Sandra Pito	(Tah)	Mereoni Vibose	(Fiji)
Javelin	Iamo Launa	(PNG)	M-D Teanyouen	(NC)	Monika Fiafialoto	(WF)
Heptathlon	Iamo Launa	(PNG)	Lillyanne Beiming	(PNG)	Veronique Boyer	(Tah)

CAMBRIDGE

A Major Sponsor

will continue to bring you highlights of the 9th. South Pacific Games.



Bikpela pret i ranim ol - Taim sampela manmeri i stap gut long wol, ol narapela i painim bikpela hevi. Wapela meri wantaim pikinini bilong em i ranawe long kantri Burma na go long wapela hap ol i kolim Teknaf. Ol i no save sapos ol i orait o nogat tasol ol i no inap long stap long kantri bilong ol bikos long bikpela pait

Vot long president bilong Pilipins kamap nau

PLANTI ol kedidet husat bai sanap long presindensel ileksen long Pilipins i no wari long ol toktok ol i sutim long ol long paul na raun wantaim ol meri.

Ol dispela kedidet i no haitim ol dispela toktok na ol i tokaut long samting ol i mekim.

Wapela meri husat i bin tokaut long ol dispela samting em Dokta Luisa Pimentel Ejercito. Dokta Ejercito em meri bilong Joseph "Erap" Estrada wapela kenedet husat bai resis egensim Presiden Aquino.

Dokta Ejercito i tok em i no wari, maski man bilong em i go raun wantaim ol narapela meri. Em i tok sapos man i go slip wantaim narapela meri dispela i no min olsem man i les long yu.

Em i go het na tok ol man mas stap isi na wanbel long ol meri bilong ol. Em i tok sapos ol man i no stap gut na tok tru long samting ol i mekim bai gutpela. Tasol long dispela taim, bai yu no inap painim wapela man i stap gut wantaim long meri bilong em.

Dokta Ejercito i bin mekim ol dispela toktok long wapela redio program bilong em.

Olgeta 8-pela kenedet nau i wok long raun wantaim sampela ol meri yet. Sampela bilong ol dispela meri i kisim pikinini pinis long ol.

Saut Afrika i redi nau long vot

SAUT Afrika i redi nau long go long ileksen.

Tasol ol blek man i no amamas long vot wantaim ol waitman. Long Tunde las wik 60 blek man i bin dai bihain long ol i sutim ol na tromoi sampela i go ausait long trein long Alexandra taun.

Dispela taun i pulap nau long ol man husat i wok long kilim nating ol pipel. Na dispela i wok long kamap long wanem ol wait pipel bilong Saut Afrika i redi

nau long mekim rifom vot long rausim lo i kirapim nem apetai long dispela kantri.

Long Mande nait plis i painim tupela blek man i dai bihain long ol i painim raba ol i kukim na raunim long nek bilong tupela long sem taun Alexandra yet. Plis ripot i tok em i namba wan taim dispela kain pasin bilong kilim man i kamap.

Birua long taunsip bilong Alexandra i bagarapim pinis laip

bilong 11,000 blek manmeri. Dispela birua i bin stat yet long 1984.

Afrika Nesanel Kongres (ANC) i sutim tok long wapela rait-wing muvmen husat i wok long kilim nating ol blek manmeri. Tasol ol dispela birua i no kamap bihainim ol wok bilong politiks we i wok long kirapim bikpela kros na pait namel long ol blek na wait bilong Saut Afrika.

Ol man nogut i wok

long kilim nating ol manmeri husat i no gat biknem insait long politiks na ol manmeri nating bilong Alexandra taun. Wapela mausman bilong plis long Johannesburg, Kolonel David Bruce i tok.



Gutpela famili • Hannah wantaim mama bilong em Tracy Wickham i ting bai ol i pren gut wantaim Solo Man wantaim papa bilong em Garrsky. Tasol nogat ol i kirap nogut Solo Man i putim stret tit long han bilong Tracy

Planti Engliken no laikim meri kamap pater

ASBISOP bilong Canterbury, Dokta George Carey i bin kisim planti tok kros i kam long ol saveman bilong ol sois long wol.

Dispela i bin kamap bihain long em i makim 10-pela meri i holim wok bilong pater namba wan taim long Australia.

Long bikpela Ketedrel long Perth, Dokta Peter Carnley husat i bin go pas long makim ol dispela 10-pela meri i tok, "Mipela i makim 10-pela tasol na mipela i larim 10,000 manmeri i go fri. Em i tokim kongregesen bilong em long Sarere.

Tasol wanem samting em i mekim bilong em i kirapim planti tok kros i kam long bikpela haus lotu long England, husat tu i wok long redi nau long vot long ol meri i ken holim wok bilong pater o nogat. Dispela bai

kamap long Novemba.

Ol savman i autim bel hevi bilong ol long Dokta Carey bihain long em i no laik hatim Dokta Carnley long i no kisim etvais long ol narapela Asbisop na i go het long makim ol dispela meri. Dokta Carnley i no kisim tok orait tu i kam long bikpela kaunsil man bilong sois long Australia.

Bihain long wapela toktok wantaim Dokta Carnley, Asbisop Dokta Carey i tok odinesen bilong ol dispela meri i kamap pinis na bai ol i no inap mekim wapela samting nau long rausim dispela. Em i tok dispela toktok i no bagarapim Dokta Carnley tasol i soim narapela rot we planti sios long wol i wok long resis nau long kamapim wok bilong ol meri pater.



• Ol narapela bisop i helpim Asbisop bilong Perth, Dokta Peter Carnley taim em i putim wel tambu long wapela long ol 10-pela meri long kamap pater bilong Engliken Sios. Dispela em namba wan taim ol meri kamap pater long Australia. Asbisop Carnley i tok em i putim sakramen bilong oda long 10-pela tasol em i lusim fri planti tausen bilong ol



BENSON
and
HEDGES



*Government Warning
Smoking is Dangerous to Health*



OL PAS SPESEL



Kenemba Luteran Yut i no laik kisim toksave long maus tasol

Dia Edita,

Mi presiden bilong Kenemba Luteran Yut bilong Hunguku Peris long Asaroka, Goroka.

Sapos yu husat yut grup bilong wanpela sios i laik singautim mipela ol yut bilong Kenemba. Gutpela long yupela raitim pas bipo long tupela wik, bai mipela i ken luksave na redi mipela yet.

Mipela i no laik kisim toksave long maus. Raitim pas em gutpela. Wankain samting tu i go long yut

grup bilong ol arapela sios. Ol i mas redim ol yet taim ol arapela yut grup i singautim ol.

Ol toktok bilong Baibel, Jeremaia 1: 4-10 na 2 Timothy 2:15 i sut stret long ol dispela kain pasin bilong singautim ol arapela husat i mas redim ol yet pastaim long bungim ol arapela manmeri.

Tenkyu tru na God papa i ken blesim yupela olgeta.

Martin Gomo GOROKA

Boi Simbu laik harim nek bilong Telek tasol

Dia Edita,

Mi wanpela man husat i save baim *Wantok Niuspepa* olgeta wik long Kundiawa. Nau yet mi laik autim liklik wari bilong mi insait long dispela niuspepa.

Wari bilong mi sut i go long wanpela nam-bawan lokel musik kaset long PNG. Dispela em wanpela kaset bilong Painim Wok Ben bilong Rabaul.

Mi bilong Mingende insait long Kundiawa, Simbu provins tasol mi save sapatim stret Painim Wok Ben bilong ol Tolai. Mi gat olgeta kaset bilong ol i pulap long haus bilong mi. Tasol nau mi no laikim tru nupela kaset bilong Painim Wok Ben, ol i kolim 'I Go I Kam'.

Tru tumas dispela kaset i no gutpela tru long harim. Long wanem stail nek bilong Telek i no stap insait.

Husat man i singsing long dispela kaset i bagarapim tru ben.

Mi laik askim John Warbat long wanem na em i larim K. Toliman long singsing. Mi bin

baim dispela kaset tasol bihain mi brukim. Mi wok long tingting nau long no ken baim moa ol kaset bilong Painim Wok Ben.

Mi bai aigris tasol

long Kopex, Itambu, Shut Down na sampela moa kaset bilong ol arapela ben.

Jonathan S. Koai KUNDIAWA

No ken raunim poroman bilong ol susa

Dia Edita,

Mi laik autim wari bilong mi i go long ol man husat i save pait long meri. Planti taim mi save lukim ol brata o wan pisin bilong meri i save pait long man i raun wantaim susa bilong ol.

Taim ol i lukim wanpela boi i raun wantaim susa bilong ol, bai ol go na raunim boi ya.

Mi lukim kain pasin olsem na mi no wan bel. Taim yu brata i go raun wantaim ol meri, trangu susa ya i no save go na paitim meri ya.

Ol brata mas save olsem susa bilong yu i gat rait long go na painim

man bilong em. Baibel i tok olsem man o meri mas go na painim poroman bilong em. Man i mas go na painim meri long marit.

Taim susa bilong yu i raun wantaim narapela boi, yu mas larim em. Bikos em i painim man long marit.

Tasol sapos man ya i holim meri nating o mekim sampela pasin nogut long meri, orait yupela ken paitim em.

Raymod Karans KIMBE

Ol pasto mas go long haus lotu na autim toktok bilong God long ol kalabusman

Dia Edita,

Mi wanpela manki Sepik tasol nau mi stap

long Rabaul. Mi laik autim tingting bilong mi long dispela niuspepa.

Tingting bilong mi go olsem, mi laikim ol pasto i mas go raun long ol haus kalabus na givim toktok bilong God long ol kalabusman. Na tu mekim lotu long ol kalabusman-meri tripela taim long wanwan wik.

Long dispela kain we tasol bai ol trabelman i senisim pasin bilong em. Taim man i save olsem God inap long rausim pasin nogut bilong ol. Olsem na ol bai tainim bel na kam long Jisas wantaim gutpela tingting.

Narapela samting, mi laikim gavman long wokim ol haus lotu, na haus bilong ol pasto long olgeta haus kalabus long kantri. Bai ol pasto i ken slip klostu long ol kalabusman-meri na mekim lotu long ol.

Mi gat bikpela bilip olsem dispela we bai helpim long daunim trabel. Bikos planti taim gavman i save painim kainkain rot long stapim lo na oda.

Konny Kamangawi RABAU

Lus tingting long kastom bilong bipo



Dia Edita,

Inap yu givim mi liklik spes long bekim pas bilong Naro Sino. Pas bilong em i bin kamap long *Wantok Niuspepa* namba 191.

Brata ya i bin komplem long ol meri Tolai. Em i tok em save les long lukim ol meri Tolai i kalapim kaikai.

Pastaim long mi bekim pas bilong em, mi laik askim wanpela kwesten. Yu save kaikai tu o no gat?

Sapos yu save kaikai orait harim gut na bai mi tokim yu. Planti kaikai

long gaden olsem taro, yam, mami, kaukau em ol meri save kalapim. Mama, meri na susa bilong yu tu i save kalapim ol dispela kaikai taim ol i go kisim long gaden.

Brata yu mas tingting gut pastaim na raitim pas i kam. No ken raitim kain pas olsem na pulmapim spes long niuspepa.

Sapos yu laik komplem, no ken komplem long ol trangu meri Tolai.

Maolohe Morogede GOROKA

Planti opis long PNG save wantok sistem long wok

Dia Edita,

Mi wanpela yangpela manki bilong lalibu eria long Sauten Hailans provins. Mi laik autim bikpela wari bilong mi long wantok sistem em i save kamap long ol wok insait long kantri.

I luk olsem planti opis i save kisim ol manmeri husat i no gat gutpela save o i no pinisim skul gut. Dispela i save kamap bikos ol lain husat i kisim ol long wok em ol wantok o pren bilong ol stret.

Mi laik tok olsem dispela i no gutpela tumas. Bikos planti lain husat i pinisim bikpela skul i wok long raun nating nau long ol taun na siti. Na dis-

pela ol lain i wok long kamapim ol kain pasin bilong stil na bagarapim ol manmeri.

Gavman i mas lukluk gut long ol dispela samting na traim long stapim. Mi ting olsem kantri bai kisim developmen sapos ol dispela lain husat i kisim gutpela skul i stap insait long ol wok bilong praivet na publik sekta.

Tasol mi ting gavman bilong i bagarap pinis bikos no gat senis i kamap. Sapos gavman i no lukluk strong long kisim senis, bai kantri bilong yumi i no inap develop.

Philip Were lalibu - SHP

Ol plantesin wokboi i no kisim gut pe

Dia Edita,

Mi wanpela manki

Morobe tasol nau mi stap long Kumbango Plantesin insait long Wes Nu Briten provins.

Mi gat liklik wari long autim long dispela niuspepa. Mi lukim olsem ol bos bilong Kumbango Plantesin i no save baim wokman gut. Sampela taim ol save rausim nating pe bilong ol wokman.

Taim bilong pe de,

trangu ol dispela wokman i save kisim K20, na sampela em K10 tasol. Dispela kain pe i no ina helpim ol long baim kaikai. Yu no inap long baim kaikai bilong tu wik long K20 tasol. Yu ken baim kaikai bilong wanpela de tasol.

Planti wokman i gat famili, olsem na kampani mas baim ol gut.

Dispela K20 i no inap long bai bilas bilong famili. Na i no inap long baim planti kaikai.

Yupela ol bos bilong plantesin i mas save olsem nau yet prais bilong ol samting long stua i dia tumas. Dispela K20 em pipia mani tasol.

Em tasol wari bilong mi.

D. Tinepe KIMBE



No ken yusim kain rabis nem olsem "Moonex"

Dia Edita,

Moneex em wanem, inap yupela tokaut long ol pipel bilong Menyamyama.

Sapos yupela i les long dispela nem Menyamyama orait tok stret na bai mipela senisim. Yumi ken tokim ol poltisen bilong Morobe, na givim nupela nem Moneex.

Tasol no ken yusim kain rabis nem olsem Moneex.

Em tasol liklik wari bilong mi.

Yaglding Namus KIMBE

Ol plisman long Kimbe slek long holim pasim ol raskol manki husat save karim spak brus

Dia Edita,

Mi wanpela manki Sepik tasol nau mi stap long Kimbe, Wes Nu Briten provins. Mi laik autim wari bilong mi long wok bilong ol plisman insait long kantri.

Mi lukim olsem pasin bilong spak brus i kamap bikpela tru long kantri. Long ol publik ples bai yu lukim ol manki i pulim ol dispela smok brus nabaut.

Mi lukim olsem ol plisman i slek tru long wok bilong ol. Ating yupela tu i save mekim ol dispela kain pasin.

Mobeta yupela ol dispela slek plisman i mas pinis long wok, na givim sans long mipela sampela long holim wok bilong lo na oda i go gut long kantri.

Marcus Machoman KIMBE

Kampani long Rabaul i no baim gut ol wokman

Dia Edita,
Mi wanpela manki Momase, tasol nau mi stap long Rabaul. Mi laik autim liklik wari bilong mi.

Mi gat bikpela bel hevi long wanpela kampani long Kokopo. Dispela kampani ol i kolim Sing-Woo & Sons o Spirit ov Kokopo.

Dispela kampani i no save baim ol wokman gut. Ol wokman i save stat wok long 8 klok moning na pinis long 30 minit i lusim 6 klok apinun. Na kampani i save baim ol long K44 tasol. Dispela kain pe em bilong ol lain wok long plantasin.

Planti ol liklik stua long Kokopo i save baim ol wokman gut. Ol i save baim ol long K30 na go antap.

Spirit ov Rabaul na Spirit ov Wes Nu Briten i save baim ol wokman long K100 na go antap. Spirit ov Kokopo em het opis bilong Spirit ov Rabaul na Wes Nu Briten i stap long em. Tasol pe ol wokim i daunbilo stret.

Dispela kampani i laik mekim mani tasol, na i no tingting long helpim ol wokman.

Jacob Auna
RABAUL

No ken holim ol bikpela pilai long Ista o Krismas

Dia Edita,
Mi wanpela manki Markham (Kaiapit) insait long Morobe provins. Mi laik autim bel hevi bilong mi go long ol brata susa bilong dispela kantri.

Komplen bilong mi i go olsem, planti taim mi save lukim ol man i holim ol bikpela pilai long taim bilong Ista na Krismas. Olsem wanpela kristen man, mi no amamas long dispela kain pasin.

Yumi mas save olsem Krismas em taim we mama Maria i bin karim Jisas. Olsem na yumi no ken holim ol pilai long dispela de.

Narapela de em ol man i save holim pilai em Ista. Yumi mas save olsem Ista em taim Jisas i bin dai. Na yumi mas malolo na tingim dai bilong em long kros.

Dai bilong Jisas tasol i mekim na yuim save long pasin bilong sin.

Taim yumi holim ol dispela pilai long taim bilong Ista satan i save amamas stret. Na em i save winim yumi long sin. Yu ken lukim dispela long 2 Pita 5:8.

Sapos yu wanem lida i save holim ol kain pilai long Ista yu mas stapim nau. Nogut bai yuim kisim taim long las de. Taim God bai putim yumi long bikpela paia. Lukim long Revelesen 14:19.

God i bin givim yumi planti taim long holim ol dispela pilai. Olsem na yumi no ken givim eskus na holim pilai long Ista.

Kepsy Madie
LAE

Boi Kainantu sapatim ol meri long putim tait trausis

Dia Edita,
Mi bilong Kainantu long Isten Hailans provins. Olgeta taim mi save lukim ol man i save rait long *Wantok Niuspepa*, na komplem long ol meri i save putim longpela na sotpela tait trausis, na raun long pablik ples.

Mi laik ol meri i go het yet long putim trausis ya. Olsem na maski long komplem tumas.

Mi sapatim yupela ol meri husat i save putim trausis na raun long pablik ples. Ol man husat i save komplem tumas long dresing bilong yupela, em wari bilong ol.

No ken pret long rabis tingting bilong ol. Ol i gat susa na mama bilong ol long lukautim ol.

Yupela ol man i mas harim gut. Sapos yupela kaikai rais na tinpis, orait maski long komplem tumas long ol meri i putim trausis. Nau em i nupela taim, na yumi mas tingting long wa nwan

laip bilong yumi.

Planti meri i bin go long ol bikpela skul. Na ol i painimaut olsem yumi olgeta manmeri bilong dispela graun i wankain tasol. Olsem na sampela taim ol i laik soim olsem ol i wankain olsem ol man. Na ol man i ken rispektim ol.

No gat samting i rong long dispela pasin. Bikos God i bin kisim hap bun bilong yumi ol man, na mekim bodi bilong ol meri. Nem kristen nating long i save pas long bodi bilong yupela. Na yumi save tok baksait na tingting nogut long ol arapela manmeri.

Nau yet mi laik givim bikpela sapat bilong mi i go long ol meri long putim trausis na raun long pablik ples. Sapos wanem man i bagarapim yupela, em wari bilong em.

Save i stap long yupela ol man.

Joelson Topa
RABAUL

Ol manki Sepik raun nating long Lae

Dia Edita,
Mi wanpela manki Makam long Morobe provins. Mi no amamas long ol manki Sepik husat i save stap long Lae. Olsem na mi laik autim long pablik.

Planti taim mi save stap long ples. Na wan wan taim mi kam long Lae, mi save lukim ol yangpela manki Sepik i raun nating arere long

Steamships stia, na askim ol manmeri long 20t.

Baibel i tok yumi mas helpim ol man husat i sot o ol man i no gat samting. Tasol dispela pasin ol manki Sepik mekim i no gutpela long ai bilong mi, na tu long ai bilong ol arapela manmeri.

Ol manki ya bai putim gutpela trausis wantaim stokman su,

aiglas na kau boi hat na bai raun long taun i stap. Sapos yu lukim ol, yu bai ting ol pikinini bilong maniman. Tasol yu kam klostu long ol, ol bai askim yu long 20t.

Maski long raun nating long Lae olsem ol longlong man. Mi bilip oisem Sepik i gat planti gutpela graun bilong planti saksak na kaikai. Tasol yupela ol lesman stret long wok. Olsem na yupela kam raun askim mani long strit.

Yupela harim, 20t i no save pundaun tasol long heven. Kunai na san i bagarapim mipela, na mipela i painim dispela liklik 20t ya.

Olsem na inap yupela go bek long ples na mekim saksak. Planti 20t i pulap i stap long han bilong saksak, tasol yupela i no laik. Yumi olgeta i gat mama na papa.

Mi bilip yupela lusim papa mama i stap long ples, na yupela kam raun raun nating long taun.

Kenny Bi
LAE

Ol kar no gat laisens save kisim pasindia long Simbu

Dia Edita,
Mi wanpela manki Simbu husta i stap yet long ples bilong mi.

Mi laik autim liklik bel hevi bilong mi i go long ol kar i no gat tok orait na i save kisim ol pasindia long rot. Planti taim mi save lukim ol dispela kar o bas nating i no gat rejistresen bilong mekim bisnis

olsem ol PMV husat i save mumutum planti pasindia long rot. Ol i save pulim planti mantru.

Olsem na ol PMV i gat namba o rejistresen bilong mekim dispela wok bisnis i save painim pasindia long kisim.

I luk olsem ol plisman long Simbu i stek

tumas long putim ai long dispela kain pasin. Plis, yupela ol plis man long Simbu i mas lukluk strong long dispela kar i nogat rejistresen na save wokim dispela kain pasin bilong kisim ol pasindia na nasim moa mani. **Dick Dickol**
Simbu

Maski jeles long pen pren

Dia Edita,

Nau em i namba wan taim bilong mi long rait long *Wantok Niuspepa*. Mi laik bekim pas bilong Sura E. Maine we i bin kamap long Fonde Februari 20, 1992 aninit long het tok "Maski sikarap long painim pren".

I luk olsem dispela man i jeles tasol long ol arapela yangpela manmeri husat i gat pen pren. Long wanem, pen pren em i gutpela samting we ol narapela manmeri i ken save long ol arapela na ples bilong ol.

Em i laik bilong mipela ol skul manki long mekim pen pren. Yu no gat rait long stapim mipela. Mi no

lukim wanpela pas na yu komplem long dispela pen pren samting.

Yu westim taim bilong yu stret i raitim dispela pas. Atng yu wanpela man bilong komplem tru ya?

Sapos mipela i wok ol i no wok, em i samting bilong mipela. I no samting bilong yu.

Yu no baim skul i bilong mipela? Sapos mipela i wok mani, mipela i no inap tru long givim vu wanpela toea.

Kopi Wan Dama Goi
Madang

Ol sekyuriti long Kimbe save sanap olsem dolidoli long Steamships stua



Dia Edita,
Mi bilong Simbu tasol nau mi stap long Kimbe long Wes Nu Briten provins. Mi gat bel hevi long ol sekyuriti wokman bilong Kimbe taun.

Nau yet ol dispela sekyuriti i save opim bikpela ai nating. Planti taim mi no save lukim ol i ben daun na klinim pipia long Kimbe traun. Ol i save bilas nating na sanap long holim wanem manmeri i tromoi piapia.

Dispela i no gutpela pasin tumas. Yupela i mas wok pastaim, na bihain yupela ken toktok long stapim ol man long tromoi pipia nabaut.

Na tu planti taim ol i no save holim pasim wantok o pren bilong ol husat

i tromoi pipia. Ol bai i no inap kisim mani long em. Ol bai holim tasol han bilong wantok o pren bilong ol, na soim ol arapela manmeri husat i lukluk i stap. Dispela i soim olsem ol i no mekim gut wok bilong ol.

Yupela ol sekyuriti long Kimbe taun i mas go pas long klinim taun. Maski long sanap olsem ol dolidoli bilong Steamships stua. Wok bilong sekyuriti em bilong klinim, lukautim na stapim ol manmeri long tromoi pipia.

Na tu yupela mas stapim pasin bilong wantok sistem.

Steven Loskey
KIMBE

Ol Tolai save mekim wantok sistem

Dia Edita,
Mi wanpela manki Morobe tasol nau mi stap long Bialla long Wes Nu Briten provins. Mi gat bel hevi long ol Tolai husat i save bosim ol kampani long Wes Nu Briten. Planti taim ol dispela bos save mekim wantok sistem tumas long wantok bilong ol.

Pasin bilong wantok sistem i no gutpela tumas long ai bilong mi, na tu ai bilong ol arapela manmeri long Bialla.

Wanpela taim mi bin go na askim long wok, tasol wanpela man Tolai i kirap na tokim mi olsem i no gat wok. Bihain mi harim olsem dispela man tasol i kisim tupela wantok bilong em long wok.

Sapos yu wanpela man bilong narapela hap i go askim wanpela Tolai husat i bos long wanpela

kampani, em bai tok no gat wok. Dispela pasin i no gutpela tru. Yumi olgeta man b long dispela graun i wankain tasol.

Yupela ol Tolai i kisim pasin bilong wantok sistem long wanem hap stret? Traim na stapim dispela rabis pasin.

Narapela em long haus bilong kampani. Sapos narapela man i stap long haus bilong kampani, ol bai rausim hariap.

Na sapos wantok bilong ol i stap long haus, ol bai i no inap long rausim hariap. Olsem wanem, ol arapela man bilong Papua Niugini i narakan long ol Tolai? Pasin bilong yupela i narakan stret long olgeta man. Yupela bilong we stret?

H. Tonny
BIALLA

No gat man bai rausim ol Hailans long Bialla

Dia Edita,

Mi wanpela manki Wabeg tasol nau mi stap long Bialla long Wes Nu Briten provins. Mi laik bekim pas bilong brata David Joshua em i bin kamap long *Wantok Niuspepa* long Fonde, Februari 6. Em i bin tok long rausim ol Hailans long Bialla.

Brata mi ken tokim yu olsem em bai hat liklik. Gutpela na yu sapotim tingting na toktok bilong ol bikman. Tasol yu bilong wanem hap na yu tok olsem. Mipela sampela i gat blok na kamap papa pinis bilong ol dispela blok. Olsem na em bai hat liklik long rausim mipela.

Sapos kampani rausim yu bai yu go stap we? Ating bai mipela votim yu long sanap long 1992 nesanel ileksen, na bai

yu ken sapotim ol memba long palamen.

Yu save olsem yu wok long kampani, olsem na maus bilong yu i stap nating long

toktok. Ating sapos kampani rausim yu, bai yu kamap olsem wanpela grasrut olsem mipela tu ya.

Tingim gut pastaim na

toktok. Ating yu wanpela asples, olsem na yu laik rausim mipela ol Hailans, laka?

**Robson Frank
BIALLA**

Plis lukautim Godens maket

Dia Edita,

Mi wanpela manki bilong Hagen long Westen Hailans provins. Nau yet mi stap long Mosbi siti.

Mi laik tokim olgeta manmeri long wanpela pasin em i no stret tru long ai bilong mi. Toktok bilong mi i sut i go long Godens maket insait long Mosbi siti.

Olgeta moning mi save wokabout i go i kam na lukim maket ples i klin tru. Tasol long apinun mi save kam bek na lukim ples i pulap stret long pipia.

Dispela kain bikhet pasin bilong tromoi pipia nabaut i no gutpela tru. Yupela ol dispela kain manmeri i mas harim tok.


Yupela mas putim pipia long rabis dram. Na no ken tromoi nabaut.

Bikpela samting em spet bilong buai. Sapos yupela i baim na kaikai buai, spet long hap i ga ranis dram. Na no ken sanap tasol na rausim i

go daun long graun, o arere long simen.

Maket i no ples bilong pig na dog. Em i ples bilong man. Olsem na mipela mas lukautim gut.

**Steven Mawa
MOSBI**



Ol Sepik na Hailans bagarapim Bulolo

Dia Edita,

Mi wanpela manki Aseki insait long Bulolo eria. Mi gat liklik bel hevi, olsem na mi laik autim long *Wantok Niuspepa*.

Planti taim mi save lukim kain kain trabel i kamap long Bulolo taun. Ol man bilong narapela hap i save mekim trabel. Ol dispela lain i save bagarapim nating gutpela nem bilong Bulolo. Mipela ol as ples yet i no save mekim ol kain bikhet pasin.

Planti bilong ol dispela trabelman i kam long Sepik na Hailans. Ol dispela lain i save pait long


pablik ples. Ol i save pait long maket na ol bas stap, na ol i save pretim planti man nating.

Yupela mas save olsem planti gutpela man i save kisim pen nating long kain rabis pasin bilong yupela. Yupela i no dog bai yupela ken pulim pait i go i kam long pablik ples.

Pikinini bilong man mas traim na soim sampela bel sori long ol arapela brata na susa.

Em tasol liklik wari bilong mi.

**Ninda Nowa
Bulolo-Morobe**



Ol Simbu husat i stap nating long taun mas go bek long ples

Dia Edita,

Mi wanpela manki Simbu. Mi stap nau long School of Nursing long Madang.

Mi laik tokim ol brata na susa bilong Simbu husat i stap nating, no gat wok na save raun nabaut long olgeta hap taun bilong Papua Niugini.

Mi sem pinis long lukim planti tok bilas i kamap long mipela long *Wantok Niuspepa*, olsem mipela save mekim planti deti pasin olsem pamuk, stil pait na moa yet.

Mi laik askim ol dispela lain manmeri long

senisim pasin bilong yupela. Mi bilong Simbu, na mi save sem na les tru long lukim dispela kain pasin.

Mi les long ritim kain tok bilas moa. Oisem na mi tokim yupela na, ol wantok bilong mi. Plis, traim na harim tok.

Husat laik sapotim mi, o bel kros long mi, autim tasol long pepa. Mi bai amamas long ritim bekim bilong yupela.

**Symackus Yungo
MADANG**

Hesingut i no tingim Pindiu eria liklik

Dia Edita,

Mi wanpela manki Pindiu insait long Finsafen eria bilong Morobe provins. Mi laik save sapos memba bilong mipela long palamen, Henu Hesingut i dai pinis o istap laip yet long Palamen Haus.

Mi no amamas tru long dispela memba. Em i save opim maus liklik long toktok long ol developmen long Pindiu eria. Em i save kisim bikpela potnait mani, apsim maus na stap nating.

Mipela ol pipel bilong Pindiu i no kisim helpim long dispela Iektorel Developmen Fan bilong

memba liklik.

Mi laik tokim memba olsem em i mas tingting gut. Mipela ol pipel i no laik votim kain memba gen long 1992 ileksen, em bai kamap long Jun.

Ol developmen em i kamap nau long Pindiu em Morobe provinsal gavman i mekim. na i no nesanel memba bilong mipela. Mi laik givim tok amamas i go long Primia Jerry Nalau long kirapim nupela haikul long Pindiu.

**Beric Tula Nene
Pindiu-Morobe**

Pangu kendidet mauswara tumas long Wosera eria "Yu no ken kolim nating nem bilong God bilong yu"

Dia Edita,

Mi wanpela manki bilong Wosera husat i stap long Wewak. Mi no amamas tru long ol man i laik sanap long ileksen long dispela yia long sait bilong Pangu.

Ol dispela kendidet i save mauswara tumas. Na ol i no save mekim wanpela samting long eria bilong ol.

Mipela ol manmeri i gat klia aidia pinis long tupela man nau i sanap olsem nesanel memba na provinsal minister. Tupela em Paul Wanjik na Cleus Kox.

No gat wanpela senis i go insait long hap bilong

mi, olsem na mi laik tokim ol Pangu olsem nogut yupela mauswara nating long mipela. Mi laikim wanpela bilong mipela i mas traim Melanesian Alaiens (MA) bai ol toktok bilong mipela i karim kaikai.

Mi laik tok olsem em laik bilong ol manmeri long vot long dispela yia. Tasol yupela mas tingting gut na makim vot.

Em tasol liklik wari bilong mi. Mi bai amamas tasol long lukim husat manmeri i sapotim o egen-sim toktok bilong mi.

**M. Galindus
Wewak**

Stapim pasin bilong kirapim belhat namel long ol sios

Dia Edita,

Mi wanpela manki husat i save lotu long SDA Sios. Mi stap nau long wanpela blok long Ten siti insait long Lae siti.

Mi laik bekim pas bilong brata David

Kambu bilong Karkar ailan long Madang provins. Pas bilong brata David i bin kamap long *Wantok Niuspepa* namba 884.

Brata ya i bin tok em i laikim olgeta manmeri bilong Luteran Sios i mas go long Karkar

ailan na brukim sios bilong SDA na kukim.

Yes brata, mi yet mi no amamas long dispela toktok bilong yu. Yu save ritim buk Baibel tu o no gat? Brata yu mas tingting gut na yusim het bilong yu.

Nogut bekim bilong pas bilong yu bai mekim yu sem. Nau em i taim bilong olgeta sios long bung wantaim na mekim wok bilong God papa. Tenkyu tru brata David long raitim pas bilong yu i go long *Wantok*.

**Douglas Asuwai
LAE**

Muruk painim olupela wan skul

Dia Edita,

Mi painim wanpela gutpela pren bilong mi nem bilong em Sam Tope. Mitupela i pinis skul long Divine Word Institute, Madang long 1988. Nau mi no save em i stap we. Sapos husat man i lukim dispela toksave inap yupela tokim em long rait long mi long dispela edres:

**Imakin Muruk (Seng)
Brain Bell Co.
P.O.Box 336
GOROKA, EHP.**

Toksave bilong Tony San

Dia Edita,

Dispela toksave bilong mi i go long Tony San long Kimbe, Wes Nu Briten provins. Sapos yu harim dispela toksave, yu mas kam hariap long Lae na lukim Paul Tamson.

Husat wantok i lukim

dispela toksave, plis toksave long Tony San long kam lukim mi long beng long Lae. Sapos mi no painim yu insait long tupela mun, bai mi go long ples. Mi bai lusim Lae long Epril 2 bilong dispela yia, olsem na sapos yu

lukim dispela toksave, yu mas hariap namel long 2 0 3 mun tasol.

**Paul Tamson
Kamkumun
P. O. Box 1332
Lae, Morobe provins
Ph: 422677**

No ken givim wok long ol wantok tasol

Dia Edita,

Mi wanpela manki bilong Is Awin long Westen provins. Mi stap nau long Tabubil taun.

Mi laik autim belhevi bilong mi long pasin mi lukim em planti kampani i save mekim long Tabubil. Planti taim mipela i go askim ol

long wok, ol save tok i no gat wok. Tasol bihain mipela save lukim planti wantok bilong ol i go.

Manfred Baiyage

Ol bikman bilong Expo '92 raun long Is Sepik provins

Wantok ripota, Francis Uliau i raun wantaim ol bikman bilong Expo '92 na kisim ol stori na piksa. Wanpela nupela balus bilong ami em gavman i baim long Spain yet i karim ol i go long Is Sepik provins long las wiken....

Namba wan taim PNG kamap long bikpela so

DISPELA em i namba wan taim bilong Papua Niugini long stap em yet insait long ol bikpela so bilong eksposisen. Dispela so bai kamap long Sevil long Spein long narapela mun.

I no dispela tasol. Papua Niugini bai kamap tu olsem wanpela kantri tasol bilong soim ol samting long tupela haus o pavilien. Em bai soim ol samting long haus bilong em yet na tu long Saut Pasifik pavilien. Na tu, PNG i save givim bikpela mani bilong helpim Saut Pasifik pavilien.

Patron o papa bilong Yuni- vesel Eksposisen '92 na Foren Afeas minista, Sir Michael Somare i tok wanem samting PNG i mekim long stap insait tu long Saut Pasifik pavilien i soim bikpela laik em kantri i laik wok bung wantaim ol arapela insait long Saut Pasifik rijon.

Em i tok wanem bekim i kamap long dispela bai givim bikpela helpim tru long ol wok bisnis, turis na arapela samting insait long kantri.

Sir Michael i bin mekim ol dispela toktok long las wik Fraide

long Wewak. Em i tok so bilong dispela yia bai i bikpela tru na winim ol arapela we i bin kamap pinis insait long dispela 100 yia.

"Dispela bai i bikpela so tru long wol. Wanem samting PNG i mekim nau i soim olsem mipela i kamap man pinis. Na inap sanap na mekim samting olsem ol narapela kantri long wol," em i tok.

Sir Michael i bin tokaut strong tu long sapot em ol provins, gavman bodi na arapela grup i mas givim bilong helpim PNG long Expo '92.



• Ol memba bilong Raun Isi Tieta Grup bilong Wewak i putim kamap "Wama" danis long Wewak hotel. Dispela wankain danis bai ol i soim taim ol i go long Spein



• Ol manmeri i raun insait long CASA balus taim em i karim ol bikman bilong Expo i go long Is Sepik



• Patron bilong Expo '92, Sir Michael Somare na seketeri jenerel, Camillus Narokobi na ol narapela bikman long taim Is Sepik i givim sek long Expo '92 komiti

Planti pipel bung long Boram ples balus long lukim. CASA balus bilong ami

PLANTI pipel i bin bung long Boram ples balus long Wewak long Fraide apinun bilong lukim nupela CASA balus bilong PNG Difens Fos taim em i pundaun long hap.

Dispela balus em wanpela bilong tupela nupela ami balus em gavman i baim long kantri Spein. Na tupela ami pilot bilong Papua Niugini yet wantaim ol kru i bin kisim balus i go long Is Sepik provins.

Balus i lusim Mosbi long 10 minit i abrusim 3 klok na kamap long Wewak long 15 minit i abrusim 7 klok.

Namel long ol lain husat i bin kamap long bungim patron bilong Expo '92 komiti na Foren Afeas minista, Sir Michael Somare na ol lain bilong em long Mosbi em provinsal seketeri, Vincent Maragu.

Ol arapela lain husat i bin go wan-

taim Sir Michael em Komisina Jenerel bilong Expo '92 komiti, Camillus Narokobi, ol wokman na meri long opis bilong em na ol ripota.

Dispela em i namba tu taim bilong nupela CASA balus long pundaun long narapela hap. Namba wan ron bilong balus bihain long ol i kisim i kam long Spein em long go long Rabaul.



• Seketeri Jenerel bilong Expo'92, Camillus Narokobi i go antap long long asembli graun long toktok long ol studen bilong St. Xavier

Ol studen bilong Sen Xavier's kirap nogut long Expo '92

OLGETA het i meknais na ol ai i lait long stori bilong bikpela wol so long kantri Spein.

Tasol taim ol studen bilong Sen Xavier's haikul long Kairuru ailan i harim olsem Papua Niugini tasol bai i gat watafols long hap bilong en long Expo,

amamas bilong dispela i moa moa yet.

Sen Xavier's i gat nem olsem wanpela nambawan skul long kantri bipo yet i kam inap nau.

Dispela i bin namba wan taim bilong ol dispela lain studen bilong Is Sepik provins long

harim stori tru bilong wanem samting em i dispela wol Expo '92. Na long wanem kain kantri em Spein na ol kalsa na pasin bilong ol pipel long hap.

Long lukluk bilong planti, em i olsem skul bilong histori em ol studen i kisim long wan-

pela olpela studen. Na dispela olpela studen em Komisina Jenerel bilong wol Expo '92 so komiti long PNG, Camillus Narokobi.

Mista Narokobi wantaim ol lain long opis bilong em. Is Sepik provinsal seketeri, Vincent Baragau na ol

nusman i bin go long ailan long Sarere, 14 Mas, 1992.

Long ol toktok bilong em, Mista Narokobi i stori long ol studen long as tru bilong dispela bikpela wol so. Na wanem samting bai kamap long hap.

Em i tok, "Dispela em

i wol so. Na 130 kantri na 20 intanesenel oganaisesen i redi pinis long dispela Expo '92.

"Gavman i laikim PNG long stap insait tu long dispela so long wanem nem bilong kantri inap kamap bikpela long ol dispela kain bung.

Olsem na gavman yet i givim sampela mani bilong helpim mi na opis bilong mi long redi long so."

Em i tok klia long ol studen tu olsem wanem samting em Expo '92 komiti i mekim i wankain tasol long ol kempen.

WANTOK BISNIS LONG PAPUA NIUGINI WANTOK

KOPRA

Pe bilong kopra i go antap nau long K30 long wan wan tan long dispela yia. Pe bilong ol bikpela depo olsem Mosbi, Alotau, Lae, Madang, Wewak, Kavieng, Toboi, Kimbe na Kieta i stap olsem:

Smoke	K263
F.M.S	K265
Hot Air	K268

Na pe bilong kopra long ol liklik depo i stap olsem:

SAMARAI	Smoke	K231
	F.M.S	K233
	Hot Air	K236
KANDRIAN na WAMATANAI	Smoke	K228
	F.M.S	K230
	Hot Air	K233
BUKA	Smoke	K227
	F.M.S	K229
	Hot Air	K232
FINSCHHAFEN	Smoke	K223
	F.M.S	K225
	Hot Air	K228
LORENGAU	Smoke	K198
	F.M.S	K200
	Hot Air	K203
KEREMA	Smoke	K218
	F.M.S	K220
	Hot Air	K223
KARKAR	Smoke	K200
	F.M.S	K202
	Hot Air	K205

CMB nau bai i no inap long kisim moa prais sapot long Gavman. Dispela i stat long Janueri 1, 1992

KAKAO

PRAIS bilong drai kakao long wan wan tan long Rabaul long Mande inap long Fraide long las wik.

Mande	Tunde	Trinde	Fonde	Fraide
09/03	10/03	11/03	12/03	13/03

Pe ol baiya sasim long papa bilong fementri

K714	K702	K710	K716	K730
------	------	------	------	------

Sapot prais K338 K338 K338 K338 K338

Prais ol papa bilong fementri i kisim K1052 K1040 K1048 K1054 K1068 Sapot prais bilong kakao long dispela mun em K338.40 Dispela prais i no wankain olsem pe bilong kakao long ol narapela hap bilong kantri.

KOPI

Pe bilong drai arabika kopi long wan wan kilogram long Februeri 17. Dispela i karamapim prais bilong kopi long dua bilong fektori na i no long sait bilong rot.

Kainantu	K0.80
Goroka	K0.82
Kundiawa	K0.80
Minz na Banz	K0.63
Hagen	K0.80
Lae	K1.00
Erap	K0.90
Wau/Bulolo	K0.80
Aseki	K0.85
Madang	K0.60
Is Sepik	K0.60

Ol ripot i kam long Kopi Industri Bod. Mipela i no kisim ripot bilong Mendi, Kundiawa, Aseki, Wasu, Mumeng na Wapenamanda

RABA

Gavien faktori (ESP) - 21 1/2 kg Doa faktori (Sentrrel) - 36 1/2 kg inap long 39 1/2 kg

KADAMON

Prais bilong kadamon em A. T. Agri Ejenisi Pty Ltd long Madang i tok aut long en i stap olsem, Drau long san em namel long K0.80 na K1.10. Drau long fektori em namel long \$6.50 na \$8.00. A. T. Agri i lukautim Kobum Spice em i stap long Bundi we planti ol kadamon i save kam long en.

PRAIS BILONG OL BENSIN

Kos long wanpela lita	
Ex Pump (Wantaim takis)	
Petrol	55.1 toea
Disil	42.3 toea
Kerosin	46.6 toea



Ol beng kotim Bogenvil bisnisman ...bikos em i no bekim dinau

OL beng nau i kisim wanpela bisnis man bilong Not Solomons, Rober Matarrelli i go long kot bikos em i no bekim ol dinau bilong em.

Matarrelli i no inap long bekim ol dinau bikos ol trabel long Bogenvil i bagarapim olgeta bisnis bilong em na em i lusim olgeta mani na ol narapela samting, tasol ol beng i em i mas bekim ol dinau bilong em.

Em i tok em i bekim gut ol dinau taim ol samting i orait, tasol em i stap taim hevi i kamap. Taim em i no gat moa mani long bekim ol dinau bilong em i kisim interes na i wok long go antap olgeta taim.

Na taim em i go long beng long stretim toktok wantaim ol, beng i

givim samon pepa long kamap long kot.,

Long beng ol i tokim em olsem, "Mipela i no inap long givim wanpela moa mani long yu."

Na long wankain taim tu, Matarrelli i wok long askim ol gavman dipatmen husat i yusim ol sevis bilong em taim kampani bilong em i wok yet long bekim ol dinau bilong ol bai em i ken bekim dinau long beng.

Planti ol han bilong gavman i gat moa long K100,000. dinau long kampani bilong em. Ol sekyuriti fos i gat bikpela moa long dispela mani. Ol i gat klostu samting olsem K23,000 olsem pe bilong ol ka ol narapela samting ol i

yusim long wok long taim bilong Stet ov Imejensi long Bogenvil.

Not Solomons provinsal gavman i gat dinau long samting olsem K70,000 na Woks Dipatmen i dinau long K23,000. Ol narapela gavman bodi em PTC, Plis, Fire Brigade na Air Niugini.

Matarrelli i raitim wanpela pas i go long Woks Dipatmen opis long Rabaul na bekim bilong pas long Oktoba 10 1991 i tok, "Bai mipela salim ol kopi bilong ol pepa bilong yu i go long rijonol opis long Lae long lukluk long en.


"Bikos olgeta rekot bilong mipela long Kieta opis i bagarap long 1990 na bai i hat long stretim ol dinau nau mipela i gat."

Provinsal Woks Menesa long Rabaul, Albert Jalmei i sainim dispela pas. Na long narapela pas long Novemba 11, Jalmei i tokim Matarrelli olsem, "Mipela i no gat wanpela samting long wokim long ol askim bilong yu."

Matatereli i askim minista bilong Jastis, Bernard Narakobi long raitim pas i go long minista bilong Fainens Paul Pora long helpim.

Matarrelli bilong Itali na em i marit long Maria Kumpeta bilong Kieta. Kampani bilong tupela em Arco Holdings. Aninit long kampani i gat ol narapela 5-pela liklik kampani.

Olgeta ol dispela kampani i bagarap na kos bilong ol samting i lus inap olsem K14 m olgeta.



Nupela kain Mazda • PNG Motos long Mosbi nau i gat nupela kain Mazda ka. Ol i putim aut ol dispela ka long ol manmeri long lukim long taim bilong Moto So long dispela wik. Dua bilong dispela kain Mazda taim yu opim bai klap go antap

NPF i stat baim win mani long ol memba

NESENEL Providen Fan NPF i baim pinis 10.6 pesen interes o win mani long olgeta memba bilong en.

Dispela 10.6 pesen win mani ol eksekyutiv i tokaut long en long Februeri bihain long Insurens Plan bilong Nesenel Employas i tokaut long en. Na toktok bilong putim dispela win mani long akaun bilong wan wan memba i kamap pinis long las wik Mande.

Mausman bilong Fan Menesa, Michael Clarke i tok 10.6 pesen ya i kamap bikos 140 pesen we i kam insait long NPF namel long 1988 na 1991. Clarke i tok dispela 10.6 pesen NPF i putim pinis long wan wan akaun bilong olgeta memba. Em i tok moa long 100,000 memba long Papua Niugini i kisim dispela 10.6 pesen.

Long tok piksa, Clarke i tok sapos wanpela memba i gat K1000 long akaun bilong em, NPF bai putim K106 long akaun bilong em. Na total mani i stap long akaun bai kamap K1106.

Tupela brata i papa long pis projek long Madang

Ples Tamokot long Bogia District i go pas nau long wanpela pis projek we Madang Provinsal Gavman i sanap baksait long en.

Long taim ol i bin opim dispela wok bilong painim pis long Sarere long wik i g pinis, Primia Andrew Ariako i tok, dispela wok i bilong bungim ol ples olsem Malala, Simbine wantaim Tamokot yet long painim pis na kisim liklik wansiling bilong lukautim ol.

Primia tu i bin givim ol wanpela bot wantaim masin bilong go long solwara na kisim ol pis i kam long ples. Em tu i hamamas long lukim olsem ol samting em Madang Gavman i givim i no lus nating.

Ol lain bilong Malala na Simbine i save slim ol pis, kindam, urita na tauka i kam long bikpela bokis ais bilong holim pis long Tamokot. Taim dispela bokis i pulap liklik, ol i save slim ol dispela pis i kam

long Madang bilong ol manmeri long baim.

Ol tupela man husat i go pas long dispela pis projek long Tamokot em long tupela brata David wantaim Ivan Mullul.

David Mullul i tokim *Wantok Niuspepa* olsem long ples i gat planti pis na ol manmeri i ting olsem i mas gat sampela rot bilong kisim wansiling long dispela samting.

• Olsem na mipela i tingting i go na mipela i kirapim dispela samting long hatwok bilong mipela wantaim helpim provinsal gavman", Mr. Mullul i tok.

Ol planti bikman na meri bilong Madang provinsal gavman i bin kamap long dispela de. Long hamamasim ol ples Tamokot wantaim Korak i bringim olgeta manmeri long ples long holimpasim ol gutpela pasin bilong ples wantaim wok bisnis.

Placer bai wok wantaim CRA long Hiden Veli

PLACER (PNG) Pty Limited bai wok bung wantaim CRA Minerels (PNG) Pty Ltd long painim gol long Hiden Veli gol projek long Morobe provins.

Menesing Dairekta bilong Placer, Victor Botts na Menesing Dairekta bilong CRA, Ian Johnson i tokaut long las wik olsem tupela bung bihain long sampela ol tok orait ol i kisim long gavman.

Ol i bilip olsem taim tupela wok bung wantaim bai ol i inap long painim gut gol na givim ol gutpela helpim long ol papa bilong graun na kantri wantaim.

Vot no gat bilip bin kamap long presiden bilong LIKBA

OL memba bilong Liklik Bisnis Manmeri Asosiesen (LIKBA) i pasim tok pinis long holim wanpela vot i no gat bilip long presiden, Nelden Matautu sampela taim long dispela wik.

Ol dispela lain memba husat i go pas

long ol narapela em Harry Hoela, Robin Kumaina na John Koile na ol narapela memba.

Plantu long ol em ol nupela memba bilong LIKBA. Ol dispela tripela hetman ya i joinim asosiesen long las yia tasol. Ol i laik rausim lapun bilong

LIKBA, Matautu na putim wanpela bilong ol yet em Harry Hoella long kisim ples bilong em.

Toktok i bin bruk long Mande, Mas I6 olsem ol lain ya i plen long rausim Matautu. Na Matautu yet i harim dis-

pela tok win na em i askim loya bilong em long painim aut sapos wanem samting ol bai mekim stret long lo bilong LIKBA o nogat.

Em i painim aut olsem dispela tripela man i no gat rait aninit long lo bilong LIKBA.

Ol saveman painim gutpela graun bilong wok bisnis long Sandaun

BENSTEAD TARU I raitim

NAMBA WAN hap bilong wanpela stadi bilong painim ol gutpela graur long planim ol kes krop long Sandaun provins i pinis long las wik.

Nem bilong dispela wok painim aut em "Wes Sepik Invesmen Stadi" na wanpela tim bilong wanpela kampani ol i kolim long Hassall & Associates (PNG) Pty Ltd i kamapim. Man i go pas long tim em Richard Doery.

Wanpela memba bilong tim,

John Alderick i tok astingting bilong dispela painim aut em long painim tupela hap graun long Aitape na Vanimo distrik long kirapim wok bilong kes krop na long kamapim tu wanpela riipot long givim long gamvan, Wol Beng, ol narapela intanesenel ogenaísesen i save givim mani long PNG na ol narapela kampani husat i gat laik long wok bisnis long provins.

Alderick i tok nau yet tim i bruk long tupela hap, wanpela i wokim ol wok painim long hap bilong Bewani long Vanimo distrik na narapela hap tim i wok long ol

wok insait long Aitape distrik. Alderick husat i go pas long tim long Aitape sait i go wantaim wanpela sivil ensinia, don Best na ol saveman bilong divisen bilong Prameri Industri.

Insait long dispela stadi, tim i bin skelim ol kain samting olsem gris bilong graun na wanem kain samting bai kamap gut long en, ol namba bilong kain kain diwai na sais bilong ol, rot bilong skelim ran bilong wara na strong bilong ol na ol rot, bris, bisnis na wok bilong komyunikesen, skul na haus sik.

Long wankain taim, Rurel Divel-

opmen Opisa, Joseph Songi i tok dispela stadi i wanpela bikpela samting long ol pipel bilong tupela distrik wantaim, na ol ppa bilong graun i mas kisim gutpela klia long as bilong stadi bipo ol i ken givim sapot na tok orait long wok painim long go het long graun bilong ol.

Em i tok ol wokman bilong DPI long Aitape i bin holim planti kibung wantaim ol papa bilong graun pinis na em i amamas long sapot ol i redi long givim.

Dispela stadi i kamap aninit long wanpela dinau mani bilong Wol Beng. Na ol i ting bai pinis long Novemba bilong dispela yia.

PE BILONG AIR NIUGINI LONG PNG TASOL

KISIM LONG I GO LONG PE BILONG BALUS	PE BILONG KAGO
POM Alotau	K101 K1 01
POM Daru	K117 K1 17
POM Goroka	K114 K1 14
POM Hoskins	K140 K1 40
POM Kavieng	K234 K2 34
POM Kundiawa	K113 K1 13
POM Lae	K95 K0 95
POM Madang	K129 K1 29
POM Manus	K205 K2 06
POM Mendi	K138 K1 36
POM Misima	K155 K1 65
POM Mount Hagen	K137 K1 32
POM Popondetta	K59 K0 58
POM Rabaul	K187 K1 87
POM Tabubil	K189 K1 89
POM Tari	K151 K1 53
POM Vanimo	K214 K2 34
POM Wapenamanda	K141 K1 41
POM Wewak	K180 K1 80

Ol kago em hevi abrasim 16 kg bai gat pe



Exchange Rates

PNGBC		
Bank buys at:	<i>Notes</i>	<i>T/T</i>
Australia	1 4050	1 3757
USA	1 0800	1 0455
UK	0 6290	0 6051
Bank sells at:		
Australia		1 3647
UK		0 5931
USA		1 0375
Solomon Islands		2 9638
China		5 6020
Fiji		1 5451
Hong Kong		7 9700
India		19 1160
Japan		136 6200
New Zealand		8 915
Singapore		1 6900
Switzerland		1 7390
Germany		1 6350
Gold rates (in US\$):		
per ounce		\$197.75
per gramme		\$5.75

Is Sepik i givim K40,000 long Expo '92

IS Sepik em i namba wan provins bilong kantri long givim sampela helpim mani i go long Expo '92 komiti.

Dispela mani i bilong helpim na sapotim PNG long bikpela wol so (Expo '92) em bai i kamap long Sevil long Spein long neks mun. So bai stat long 21 Epril i go inap long mun Oktoba.

Long makim Is Sepik provinsal gavman na ol pipel bilong en, edministreta Tony Bais i bin givim K40,000 i go long patron bilong Expo '92 komiti na Foren Afeas ministra, Sir Michael Somare. Bung bilong dispela i bin kamap long Wewak Hotel long Fraide apinun.

Edministreta Bais i tok, "Kain kain riipot i bagarapim pinis nem bilong Is Sepik provins. Tasol wanem samting mipela i mekim nau inap daunim dispela. Em i soim olsem mipela long Is Sepik inap mekim wok wantaim wanem liklik samting mipela i gat long en."

Edministreta i go het long tokaut olsem Is Sepik i redi tasol long tilim


wanem samting em i gat wantaim ol arapela provins.

"Long wanem, ol kain sindaun na stail bilong ol pipel long Is Sepik i no moa samting bilong ol kanaka. Em i samting bilong stap laip na wok oltaim bilong helpim kantri long go het," Mista Bais i tok.

Long taim em i kisim dispela mani long edministreta, Sir Michael i tok dispela mani Is Sepik i givim i makim bikpela helpim tru bilong PNG long wol Expo '92 so long Spein.

Sir Michael i tok, "Dispela helpim mani i soim ples klia luksave em ol pipel bilong Is Sepik i gat long nem em mipela i mas kirapim long ovasis. Long wanem dispela inap pulim na bringim moa ovasis bisnis kampani long kirapim ol wok long PNG bilong helpim kantri."

Wanem samting Is Sepik i mekim nau i olsem wanpela salens long ol arapela 20 provins bilong kantri. Na planti bai traim long winim dispela mak.



Patron bilong Expo '92, Sir Michael Somare kisim K40,000 sek long edministreta bilong Is Sepik, Tony Bais na seketeri Vincent Maragau. Poto na stori: Francis Uliau

Hevi long Bogenvil i kamapim bikpela bagarap long ol liklik bisnis manmeri

PLANTI nesanel bisnis manmeri bilong Bogenvil nau i wok hat tru long kirapim gen bisnis bilong ol long i bin bagarap taim trabel i kamap long ailan.

Ol i bin askim gavman long helpim ol na gavman i promis long helpim, tasol dispela nau ol i wet yet long dispela helpim. Ol bisnis man ya i laikim gavman long helpim ol bikos ol i baim bikpela takis long helpim kantri taim bisnis bilong ol i wok yet long ailan.


Olpela menesing dairekta bilong Bogenvil Developmen Kopresen (BDC) i gat gutpela bisnis tru. BDC em bisnis han bilong Not Solomons provin-sal gavman. Kampani i

lusim ol samting bilong en long Bogenvil tasol em i wok yet long Mosbi. Wanpela bisnis han bilong en em Long Reach Clothing.

Em i papa long wanpela sevis stesin, PMV bas sevis, stua bilong salim ol buk na ol narapela samting bilong opis na skul, Riel Estet bisnis na kakao plantesen long Buin na saut Bogenvil.

Em i gat 40 wokman na em i save baim K50,000 olsem kampani takis long wan wan yia i go long gavman. Taim trabel i kamap, em i lusim ol samting bilong bisnis bilong em kos bilong ol olsem K2.5 milien.

Paul i bin stap long Mosbi long traim long



Ol bod ov dairektas bilong Begenvil Developmen Kopresen (BDC) taim i no gat hevi i kamap yet long Not Solomons. Olpela menesing dairekta, Paul Narau i sindaun namba tri long railthan. Em i lusim pinis BDC na ranim bisnis bilong em yet

opim brens bilong BDC long Mosbi taim hevi i go bikpela long ailan. Em i no inap long go bek olsem na em i yusim sikspela mun olgeta long askim ol

beng long helpim em long statim bisnis bilong em yet long Mosbi.

Em i ranim nau wanpela liklik bisnis bilong em tasol em i tok wok

bisnis long Mosbi i hat moa long wok bisnis long Bogenvil. Em i no moa menesing dairekta bilong BDC.

"Mi bin lusim planti bisnis samting bilong

mi long Bogenvil na ol beng i les long helpim mi. Mi traim hat tru na ol i harim tok bilong mi tasol em i no isi samting," em i tok.

Narapela em Leo

Hannet. Em i bilong Nissan Ailan na mer bilong em bilong bikples Bogenvil. Em i olpela primia bilong Not Solomons na tu siaman bilong BDC.

Taim em i wok wantaim BDC, meri bilong em Elizabeth i ranim bisnis bilong ol Elizabeth i lukautim ol stua bilong ol long Arawa, Toniva na Buka. Ol i gat kakao plentasin tu long Inus.

Ol i gat 50 wokman na i save baim K40,000 olsem kampani takis i go long gavman long wan wan yia. Ol i lusim ol bisnis samting em kos bilong ol i inap olsem K800,000.

Narapela em Robert Matarelli bilong kantri Itali tasol em i marit long Maria Kumpota bilong Kieta.

Kristen grup tokaut long gutpela rot bilong famili plening

WANPELA kristen grup long PNG i tokaut olsem i gat wanpela rot tasol ol papa i ken bihainim long plenim gut famili bilong ol.

KRISTEN Famili Laip na Komyuniti Dvelopmen (CFLCD) i wok aninit long Asdaioses bilong Rabaul long Is Nu Briten provins.

Wanpela ripot bilong CFLCD i go long Wantok i tokaut olsem i gat wanpela gutpela rot tru ol marit i ken bihainim na makim taim long nupela pikinini i kamap long bel bilong mama.

Ripot i tok ol mama i noken dringim marasin o bihainim narapela rot long givim spes namel long ol pikinini em i karim. Tupela marit i mas kism save tasol ol senis i kamap long bodi bilong mama.

I gat taim bilong em stret. Na i gat mak we mama i ken save olsem nupela pikinini i ken kamap long em. Ol meri i save olsem ol bai kism sikmun long wan wan mun. Na taim ol i no kism sik, ol i save olsem ol i gat bel.

Ripot i tok dispela i no gat bikpela

mining long en. Namel long tupela sikmun, i gat narapela samting meri i ken pilim.

Mak bilong dispela samting olsem, samting olsem gris i kamap insait long bodi bilong meri, na em inap long ran isi isi na i welim skin tambu bilong meri.

Meri i ken-pilim dispela samting. Dispela mak i stap long tupela ol tripela de tasol na kwiktai i pinis. Dispela gris em mak bilong meri i save olsem bodi bilong em nau i laik redi long nupela pikinini i kamap.

CFLCD i tokaut olsem dispela em taim nogut tru. Long wanem sapos man i slip wantaim meri taim em i pilim ol gris, em bai gat bel. Long stapim dispela, CFLCD i tokaut long rul olsem i tambu tru long man i slip wantaim meri;

- taim em i pilim dispela gris; na
- tripela de bihain long dispela gris i pinis.

Sapos tupela i bihainim dispela, pikinini bai kamap tasol long taim ol i laik.

Olpela plisman i wet tripela yia long kism pinis pe

OMBUDSMAN Komisn i save kism namel long tupela na foapela yia long stretim komple bilong ol manmeri.

Planti long ol manmeri i save komple long pinis pe o mani long supanesen na ol narapela seving.

Long 1987 ripot bilong Komisn i karim stori bilong wanpela plisman husat i kism K36.29 bilong em bihain long Komisn i kism tripela yia olgeta long painim aut. Na em i kism dispela mani I3-pela yia bihain long em i risain long Plis Fos.

Man ya i joinim plis long 1958 na em i lusim long 1973. Ol ripot i tok em i no kism ol pinis pe bilong em bihain

long i askim planti taim.

Komisn i stat long painim aut long hevi bilong man ya long Epril 8, 1983. Komisn i traime I6-pela taim olgeta long kism bekim bilong plis.

Na long Epril 19, 1984, wanpela opisa long Plis dipatmen i ringim Komisn na toksave olsem ol i stretim olgeta rekot bilong man ya pinis na bai ol i toksave i no longtaim nau. Na long Septemba 16, Plis depatmen i tokim Komisn olsem ol i salim pe bilong man ya long Morobe Patrol Pos long Septemba 25, 1973.

Tasol taim man ya i go long patrol pos long Disemba 12, 1984, em i painim aut olsem i no kism.

Gavman i lus tingting long ol olupela pablik sevan

SAPOS OL Dutch i no stap long Sandaun provins bipo long Wol Woa 2, ating bai PNG i nogat narapela kain pablik sevan olsem Francis Mayo husat i givim laip na sevis bilong em i go long helpim ol pipel bilong em yet na kantri wantaim.

Mayo husat i pinis long wok i gat bikpela wari bikos gavman i save lusim tingting long olgeta wokmanmeri. Planti bilong ol husat i givim laip bilong ol long gavman long helpim ol pipel na kantri long develop long kain kain we. Hap tok bilong Mayo i kra narakain tru. Tasol toktok bilong em i tru yet taim em i tok; "Gavman i yusim mipela olsem man i kaikaim tin pis. Gutpela mit ol i kaikaim pinis na tromoi skin long pipia. Dispela i wankain long gavman i save mekim long ol olupela pablik sevan.

Maria Poema na man bilong em Joseph Mayo i yangpela marit bilong ples Yako long Vanimo. Tupela i marit

na bihain long 12-pela mun. Peoma i karim namba wan pikinini man bilong ol.

Dispela pikinini bilong, tupela Francis Mayo husat i kamap olsem wanpela pablik sevan nau i pinis na sindaun long ples bilong em long Yako.

Taim mama i karim Francis Mayo long Jun 16, 1935, san i lait strong na i nogat klaut antap. Yangpela papa, Joseph Mayo luksave olsem laip bilong pikinini bilong em i gat gutpela mining. Tasol em i no save olsem pikinini bilong em, bai i kism ples bilong em olsem wanpela wokman bilong helt. Papa bilong Francis i save wok olsem wanpela dokta boi long Wewak haus sik.

Sori, Mayo i gat 4-pela krismas tasol taim papa bilong em i dai. Na taim bikpela pait bilong Wol Woa 2 em na mama bilong em wantaim ol tumbuna i bin hait long ol hul bilong ston long ol mauten baksait long Yako.

Taim bikpela pait i pinis, yangpela Mayo i statim pes yia bilong em long skul long prep long Katolik Misin skul long Yako yet. Dispela taim em i gat 11-pela krismas.

"Mi hamamas tru long go skul. Tasol skul bilong mipela long dispela taim mipela lainim planti toktok bilong bikpela antap. Skul i no olsem nau yupela i save brukim het long skul long lainim planti samting insait long wanpela yia.

"Mipela i no lainim Inglis na ol bikpela namba. I tru mipela lainim liklik namba, tasol i no winim 100 na i go long milien. Mipela i lainim tasol long kaurim i go i nap tasol long 100. Ol pater na sista i lainim mipela long i mas laikim narapela olsem toktok Bikpela i tok long en," em i tok.

1952 em namba 7 yia bilong Mayo long skul. Long dispela taim em i lusim pinis Yako na i skul long Katolik hai skul. Katolik misin i statim tasol long Lote

Australia bai helpim PNG long stretim Not Solomons ... taim hevi pinis

GAVMAN bilong Australia bai helpim PNG long stretim gen sindaun bilong ol pipel long Not Solomons provins taim olgeta hevi i pinis.

Minista bilong Foren Afeas na Tred bilong Australia, Seneta Gareth Evans i tokaut long dispela taim em i kibung wantaim ol

nesenel minista na Praim Minista bilong PNG, Rabbie Namaliu long Februari 6 long Madang.

Evans i tok ol minista bilong Australia bai amamas tasol long harim stori long ol pren minista bilong PNG long ol wanem kain samting i wok long kamap nau long

Bogenvil.

Em i tok Australia bai i no long senisim sapot bilong ol long PNG taim hevi i stat i kam inap nau. Tasol em i tok ol i luksave olsem hevi em bilong PNG yet na PNG yet bai stretim.

Evans i tok tu olsem Australia i sanap strong yet long tingting

bilong en olsem Bogenvil i mas stap yet olsem wanpela hap bilong PNG na em i askim PNG gavman long kamapim sampela rot hariap long stretim gen sindaun long ailan.

Na em i askim PNG gavman tu long go het long bringim ol sevis na saplai i go bek long ailan.



Ka i bagarap • Ol manki Sepik i save stap long Ramu i sevim laip bilong Marketing Menesa bilong Wod Pablisng, William Kotson taim ka bilong em i bagarap. Em i kam daun long Goroka na i laik go long Madang taim dispela hevi i painim em. Em i slip wantaim ol lain ya na long neks de em i go long Madang. *Poto: Sape Metta*



FRANCIS MAYO...gavman lus tingting long em

misin stesin. Bihain long 1953 misin i bin muvim hai skul i go long Selco Ailan.

Long 1952 yet, lewa bilong Mayo i bin bruk tru long lusim mama bilong em. Mama i bihainim man bilong em Joseph Mayo husat i dai-13-pela yia

"Tasol taim mi wokim dispela wok. Mi driman olsem mi helpim planti manmeri na pikinini. Ol i kam long mi na tok Francis mipela i gat sik na sua inap yu painim marasin bai mipela i drink long pinisim sik. Pasim sua bilong mipela. Papa i karim yu i man bilong halpim mipela. Bai yu amamasim papa bilong yu sapos yu bihainim lek bilong em.

"Mi no nap lusim tingting long dispela gutpela driman mi bin kism long planti nait long planti yia i go pinis. Mi save olsem papa laikim mi long pinisim wok bilong em. Olsem na mi lusim wok katikis na long sem yia mi go long Hollandia nau ol i save kolim Jayapura."

Mayo i stap wantaim ol wanblut bilong em long Hollandia Mayo i laki long painim spes long skul. Na em i skul inap tupela yia long Kotaraya. Bihain em i winin spes gen na go skul olsem dokta boi long Dok Dua haus sik long Hollandia yet. Na

long 1959 Francis Mayo i mekim trening bilong em.

"Mi wokim trening long 6-pela mun olgeta long ol ples olsem Merauke, Kalibade, Fakfak, Sorong, Manokwari, Biak, Serui, Sarmi na Tanahmerah. Na long Mas 25, 1960 mi greduet.

"Ol i holim mi stap wok long Dok Dua haus sik long Hollandia 5-pela de tasol na mi kism malolo bilong mi long Mas 30, 1960."

Planti lain wanblut i kirap lusim asples bilong ol long Hollandia na ronawe i kam taim em i holide i stap long PNG. Kam bilong ol tu i bringim planti kain stori bilong ol kain pasin nogut na birua i stap namel long ol bilak skin na ol wait skin long Indonesia.

"Ol dispela stori i senisim tingting bilong mi long go bek. Olsem na mi lukim Dokta Harvey Hardy long Vanimo haus sik na bikos mi gat pepa bilong wok helt, Dokta Hardy i tok orait na mi kism wok long Vanimo haus sik."

Kastom bilong nupela marit salim liklik brata long han bilong ol birua

BIPO bipo tru long hap bilong mipela long Talasea, sapos yu marit nupela, bai yu tambu tru long kaikai na toktok long ai bilong meri bilong yu.

I gat tupela brata i save stap long Talasea wantaim planti arapela manmeri long wanpela ples. Nem bilong tupela wantaim em Kamun. Olsem na taim ol manmeri i laikim bikpela brata bai ol i kolim "Bikpela Kamun", na liklik brata ol i save kolim "Liklik Kamun".

Tupela Kamun brata save stap gut tru. Bikpela Kamun i marit pinis na i gat sampela pikinini. Liklik Kamun tasol i marit nupela.

Wanpela nait, Bikpela Kamun i stori wantaim liklik brata i stap. Tupela stori i go na Bikpela Kamun tokim Liklik Kamun, "Tumora bai yu kirap long bikmoning tru na go wok long gaden. Na sapos nupela meri bilong yu i kam bihain long planim taro, bai yu ranawe i go insait long bus na painim wanpela galip diwai. Taim yu painim pinis, yu goapim na kisim galip i stap, bai mi kam bihain."

Tupela pasim tok pinis na go slip. Bikmoing tru Liklik Kamun kirap na go pas long gaden. Em kamap long gaden na mekimsave long wok i stap.

I no longtaim nupela meri i kamap bihain long planim taro. Em

tingting long stap, tasol em tingim kastom bilong ples na go hait long bus.

Em bihainim toktok bilong Bikpela Kamun na wokabaut i go insait long bikbus, na lukim wanpela Galip diwai. Em goapim na kisim ol galip i stap.

I no longtaim sampela birua i kamap na lukim. Ol putim was long aninit na wetim Liklik Kamun long kam daun, bai ol i ken lukim ples bilong em.

Trangu, Liklik Kamun i no save olsem birua i wetim em pinis aninit long as bilong Galip. Em mekimsave long kisim ol galip na wetim Bikpela Kamun long kamap.

Klostu apinun na em go daun. Ol birua i banisim olgeta hap pinis. Ol i holim pasim em na kilim.

Long gaden, Bikpela Kamun kisim meri pikinini bilong em wantaim meri bilong Liklik Kamun i go bek long haus, na kam long sekim Liklik Kamun.

Em bihainim lek i go na kamap long as bilong Galip diwai. Na aste yet dewel bilong Liklik Kamun wet i stap. Em lukim Bikpela Kamun na tokim em, "Mi wetim yu longpela taim na yu no kam hariap." Na Bikpela Kamun i bekim, "O sori tru, mi kisim meri pikinini wantaim nupela meri bilong yu i go bek long ples. Olsem na mi no



kam hariap. Mitupela kisim ol galip nau, na go bek hariap long ples."

Tupela kisim galip i stap na Bikpela Kamun lukim blut i pas nabaut long as bilong galip diwai. Em save pinis olsem wanpela samt- ing i mas rong. Hariap tru em askim dewel bilong Liklik Kamun, "Em ol wanem blut ya." Bikpela Kamun i no save olsem em i toktok

long dewel bilong liklik brata.

Dewel bilong liklik brata i bekim nau, "Sori tru Bikpela Kamun, mi wetim yu go na yu no kam hariap. Bai mi helpim yu na mitupela karim bodi bilong mi i go long ples."

Bikpela brata lukim bodi bilong Liklik Kamun na kra i nogut tru. Tupela wokim bed na karim bodi i go bek long ples. Klostu long

ples, dewel bilong Liklik Kamun i lus nating, na Bikpela Kamun tasol karim bodi bilong liklik brata i go long haus.

Olgeta manmeri lukim na kalap nogut tru. Ol i kam bung na kra i go inap tulait. Na long moning, ol i planim bodi bilong Liklik Kamun.

Andrew Taroa KIMBE
Wes Nu Briten provins



□ Kanage stap long Kerema na bungim wanpela man, nem bilong em Pita.

Yu save pinis long kain toktok bilong ol Kerema. Kanage askim man ya, "Nem bilong yu Pita o Fita?" Na Pita i tok, "Nem bilong mi Fita".

Kanage askim gen, "Yu save spelim nem bilong yu wantaim PEE o EFF?" Na Pita i tok, "Wantaim PEE".

Jimi Pita MOSBI

■ Kanage em man bilong tok pilai. Olgeta taim em i save tok pilai na holim as bilong tambu man bilong em.

Mekim na olgeta taim tambu i save belhat nogut tru. Wanpela taim Kanage i hatim wanpela ston long paia na putim i stap. Bihain em i go pekpek na i no klinim as. Em wokabaut i go bek na sindaun klostu long dispela hatpela ston i stap.

Sem taim Kanage i kam na lukim olsem tambu i no sindaun gut. Isi tasol em wokabaut i go long baksait na holim as bilong tambu. Em kalap nogut na lukim pekpek long han bilong em.

Em painim samtung long rabim pinga, tasol no gat. Em rabim tasol antap long hatpela ston. Pinga bilong em i hat nogut tru. Em painim wara long kolim pinga tasol no gat. Mekim no gat na em supim pinga i go insait long maus. Tingim pekpek wantaim ya.

Tambu bilong em i kolim skin stret long lap na tok, "Olsem na mi tok, as i no bilong holim, em i bilong pekpek ya." Man Kanage i sem pipia stret, na i no save tok pilai moa wantaim tambu bilong em.

Michael J. Fox MADANG

□ KANAGE wantaim tumbuna bilong em i go stilim buai long bus. Lapun tokim Kanage long go antap tasol em i les. Olsem na lapun yet i go antap long buai. Taim lapun i go antap, hariap tasol Kanage i go karim sampela kunai gras i kam pasim long longpela diwai na suvim i go poromanim namel bilong buai. Taim lapun i kam daun na lek bilong em i pas long kunai, em i ting graun ya. Olsem na boi i lusim han na hetwin i kam daun na hap indai daunbilo. Kanage lukim olsem na kirapim das i go long ples.

Bob Isin, Kaiapit, M.P.

Skulboi painim hat long baim meri



Dia Laipplain,

Mi go malolo long ples na ol pren i suvim mi long marit. Na mi marit long ples, tasol mi skul yet.

Bihain ol lain bilong meri i sasim mi long baim K1,000 na givim ol wanpela motobaik.

Mi skul yet na dispela mani i bikpela tumas. Tasol mi no laik lusim gen dispela meri. Bikos mi laikim em tumas.

POOR STUDENT

Dia Pren,

I gat tupela hap long hevi bilong yu. Namba wan em yu stap skul

yet. Namba tu hevi em yu no gat mani bilong baim meri.

Ating krismas bilong yu i mas stap olsem 17 yia. Long ples bilong yu, ol yangpela i save marit olsem o no gat? Yu ting wanem long marit taim yu skul yet.

I gutpela long man i marit bihain long skul taim em i wok. Yu luksave long dispela, olsem na yu sutim tok long ol arapela i grisim yu.

Tasol yu mas save olsem yu yet i statim dispela hevi. Na no ken ting olsem ol inap helpim yu. Dispela i no min olsem i no gat man bilong helpim yu. I gat ol lain i stap. Tasol yu yet bai karim bikpela hap bilong dispela hevi.

Yu i no inap baim meri bikos yu skul yet. Tasol dispela mak

bilong mani tu i antap tumas. Na dispela em i wanpela bikpela hevi long kantri tude.

Pasin bilong senisim samtung long taim bilong marit i bilong strongim dispela pren nau i kamap. Olsem ol bai inap helpim wanpela na narapela long taim bilong trabel na hevi.

Long sampela hap, ol i save givim namba wan pikinini i go long lain bilong meri. Tasol nau dispela pasin i dai. Bikos tingting bilong mani na ol samtung bilong waitman i kamap bikpela tru. Pe bilong meri i antap moa.

Sampela papamama i save baim bikpela mani bikos ol i laik so op olsem ol i gat planti samtung. Bihain narapela famili i baim antap moa bilong daunim dis-

pela namba wan lain.

Yu yangpela man. Sindaun na skelim hamas hatwok papa na mama bilong meri i bin lusim long lukautim dispela meri. Olsem bai yu inap givim dispela mani ol i laikim long en.

Dispela em hevi bilong yu na ol hauslain bilong yu. Inap ol kandre i helpim tu o no gat? Ating ol inap stretim toktok wantaim papamama bilong meri long mak bilong mani. Na baim hap long bihain taim.


Ating ol bai inap givim yu sampela dinau mani long baim meri nau.

Sapos yu laik marit taim yu stap skul yet, orait yu yet mas karim ol hevi bilong ol dispela dinau. Inap long taim yu bekim olgeta mani long taim bihain.

Mi Laipplain



Kas bilong ol Sauten Hailans • ol sauten Hailans i bilas long tumbuna bilas bilong ol yet na na sanap wantaim tupela Souths pilai. Ol i redi long opim 1992 ragbi sisen bilong Mosbi lig long Lloyd Robson Oval las wiken.



TELEVISIEN na MUSIK



Tripela danis grup bai go danis long Spein

FRANCIS ULIAU i raitim

TRIPLEA danis grup bai go long kantri Spein bilong soim ol kain danis bilong tumbuna long wol Expo '92 so.

Na namba wan grup husat bai lusim Papua Niugini long 21 Epril em Raun Is tieta grup bilong Wewak. Ol bai go olsem long Singapo, Amsteden na bihain i go olgeta long Spein.

Ol yangpela man na meri bilong Raun Is tieta bai soim 4-pela kain singsing bilong provins. Namba wan singsing na danis tumbuna i stori long wanem samting i save kamap insait long haus tambaran. Dispela em long taim ol i katim skin bilong ol yangpela boi long kamap olsem man. Na ol i kolim dispela long "Dipma". Namba tu danis na singsing i stori long pisin koki em ol i kolim long "Wama" na namba tri danis na singsing bilong Raun Is tieta grup i kam yet long hap bilong Murik Leks. Na ol i kolim dispela long "Mandep". Namba 4 singsing na danis i stori long wanem

samting i save kamap long haus man na i kam long ples Kambianum long Sepik wara yet.

Ol lain bilong Raun Is tieta grup i bin soim dispela olgeta singsing na danis long Wewak las Fraide. Dispela em long taim Is Sepik provinsal gavman i givim K40,000 i go long helpim wok bilong Expo '92 wol so komiti long Spein.

Na dispela mani provinsal gavman i givim long Expo komiti bai helpim tru wokabaut bilong ol dispela lain. Long wanem, ol bai namba wan lain bilong go long hap.

Long tok amamas long dispela helpim, Expo '92 Komisina Jenerel Camillus Narokobi i tok, "Papua Niugini i no pulap long ol buslain husat i save bilas na danis nating. Nogat. Kain danis na pasin tumbuna bilong yumi i gat bikpela nem."

Em i skruim tok olsem, "Mipela i no ol buskanaka olsem ol waitman i save kolim mipela bipo. Danis na pasin tumbuna bilong PNG i gat stail

na dispela em wanem samting ol lain bilong Raun Is tieta bai soim long dispela bikpela wol

so." Em i tok long ol dispela kain samting, nem bilong Papua Niugini inap kamap

bikpela long wol. Na helpim ol bisnis na kain bisnis olsem wok turis long kamap bikpela.



• Tupela yangpela ya bilong Raun Is tieta grup long Is Sepik i putim kamap ol tumbuna danis long ai bilong ol Expo '92 opisal. Dispela i bin kamap long Wewak las wiken. Ol lain ya bai go danis long Expo '92 long Spein.

MUSIK - AMERIKA TOP 40

POP

- To be With you - Mr Big
- I Love Your Smile - Chance
- Remember the Time - Michael Jackson
- I'm Too Sexy - Right Said Fred
- The Way I Feel About You - Karyn White
- Vibeology - Paula Abdul
- Missing You Now - Michael Bolton
- Masterpiece - Atlantic Star
- What Becomes of the Broken Hearted - Paul Young
- Justified and Ancient - KLF

COUNTRY-AND-WESTERN

- That's What I Like About You - Trisha Yearwood
- Turn That Radio On - Ronnie Milsap
- Is it Cold in Here - Joe Diffie
- A Better Class of Losers - Randy Travis
- After the Lights Go Out - Rickey Van Shelton
- Dallas - Allen Jackson
- If You Want to Find Love - Kenny Rogers
- Momma Don't Forget to Pray For Me - Diamond Rio
- What She's Doing Now - Garth Brooks
- Jealous Bone - Patty Loveless

LONDON: The British top ten network singles and albums as rated by Melody Maker Magazine.

- Stay - Shakespear's Sister
- I Love Your Smile - Shanice
- My Girl - The Temptations
- November Rain - Guns N' Roses
- America: What Time Is Love? - The KLF
- It's A Fine Day - Opus 111
- One - U2
- It Must Be Love - Madness
- Weather With You - Crowded House
- Thought I'd Died And Gone To Heaven - Bryan Adams

ALBUMS

- Tears Roll Down (Greatest Hits 82-92) - Tears For Fears
- Divine Madness - Madness
- Stars - Simply Red
- Hormonally Yours - Shakespear's Sister
- Seven James
- Your Sincerely - The Pasadenas
- Dangerous - Michael Jackson
- High On The Happy Side - Wet Wet Wet
- We Can't Dance - Genesis
- Simply The Best - Tina Turner

ALBUMS

- Hepfidelity - Diesel
- Baby Animals - Baby Animals
- Greatest Hits - Salt-N-Pepa
- The Commitments - Soundtrack
- Help Yourself - Julian Lennon
- Nevermind - Nirvana
- Soul Deep - Jimmy Barnes
- The Commitments Volume 2 - The Commitments
- It Had to Be You - Harry Connick Jr
- Dangerous - Michael Jackson



NEKS WIK: Lukim stori bilong SANDAUN MISFITS na Riwo Bamboo ben. Tupela kaset ya i kam aut pinis na stap nau long ol stua

EMTV		
THURSDAY 19TH MARCH, 1992	FRIDAY 20TH MARCH, 1992	SATURDAY 21ST MARCH, 1992
5.00 TEST PATTERN AND MUSIC	5.00 TEST PATTERN AND MUSIC (G)	7.47 STATION OPEN
6.27 STATION OPEN	6.27 STATION OPEN (G)	7.50 WORLD SERIES CUP CRICKET
6.30 LIPTON TENNIS CHAMPIONSHIP (G)	6.30 ITN NEWS (G)	10.30 SKY ROCK (G)
7.00 TODAY SHOW	7.00 TODAY SHOW (G)	11.30 GILLETTE (G)
9.00 STATION CLOSE	9.00 STATION CLOSE	12.30 WORLD SERIES CUP CRICKET
1.42 STATION RE-OPEN	1.42 STATION RE-OPEN	4.00 1992 AUSTRALIAN GOLD COAST INDY CLASSIC
1.45 MIDDAY SHOW WITH RAY MARTIN	1.45 MIDDAY SHOW WITH RAY MARTIN	6.00 NATIONAL EMTV NEWS
3.00 SESAME STREET	3.00 SESAME STREET (G)	6.30 HEY HEY IT'S SATURDAY
4.00 KIDS KONA FLINTSTONE PROLICHS HUCKLEBERRY HOUND	4.00 KIDS KONA FLINTSTONE FROLICS (G)	8.22 EMTV TOK SAVE
5.00 GET SMART (G)	4.30 HUCKLEBERRY HOUND (G)	8.25 NATIONAL EMTV NEWS
5.27 EMTV TOK SAVE	5.00 GET SMART (G)	8.30 AUSTRALIA'S FUNNIEST HOME VIDEO
5.29 EMTV NEWS BREAK (G)	5.27 EMTV TOK SAVE	9.00 JAKE AND THE FATMAN
5.30 HOME AND AWAY (G)	5.29 NATIONAL EMTV NEWS BREAK (G)	10.00 MTV
6.00 NATIONAL EMTV NEWS	5.30 HOME AND AWAY (G)	12.00 NATIONAL EMTV NEWS
6.30 A CURRENT AFFAIR (G)	6.00 NATIONAL EMTV NEWS	12.27 MEDITATION
7.00 SALE OF THE CENTURY (G)	6.30 A CURRENT AFFAIR (G)	12.30 STATION CLOSE
7.25 EMTV NEWS UPDATE	7.00 SALE OF THE CENTURY (G)	
7.30 NEIGHBOURS	7.25 EMTV NEWS UPDATE	SUNDAY 22ND MARCH, 1992
7.52 EMTV TOKSAVE	7.30 NEIGHBOURS (G)	11.47 STATION OPEN
7.55 EMTV NEWS UPDATE	7.52 EMTV TOKSAVE (G)	11.50 BUSINESS SUNDAY
8.00 THE COSBY SHOW	7.55 EMTV NEWS UPDATE (G)	12.50 SUNDAY
8.30 ALL TOGETHER NOW	8.00 THE COSBY SHOW (G)	2.00 WORLD SERIES CUP CRICKET
9.00 THE GOLDEN GIRLS (PGR)	8.30 ALL TOGETHER NOW	6.00 NATIONAL EMTV NEWS
9.30 MARRIED WITH CHILDREN (PGR)	9.00 THE GOLDEN GIRLS	6.30 RUGBY LEAGUE ACTION
9.52 EMTV TOKSAVE (G)	9.30 MARRIED WITH CHILDREN	7.30 60-MINUTES
9.55 EMTV NEWS UPDATE	9.52 EMTV TOKSAVE (G)	8.30 WORLD SERIES CUP CRICKET
10.30 BURKE'S BACKYARD	9.55 EMTV NEWS UPDATE (G)	10.00 MAN ABOUT THE HOUSE (G)
11.00 NATIONAL EMTV NEWS	10.30 BURKE'S BACKYARD	11.00 EMTV NATIONAL
11.30 NATIONAL EMTV NEWS	11.00 NATIONAL EMTV NEWS	11.27 MEDITATION
11.57 MEDITATION	11.30 NATIONAL EMTV NEWS	11.30 STATION CLOSE
12.00 STATION CLOSE	11.57 MEDITATION	
	12.00 STATION CLOSE	

WANTOK PABLIK NOTIS

NIUSPEFA BILONG OL PAPUA NIUGINI STRET

Sapos yu laik advertais, telepon 25 2500 na askim long

PH: 77 1079 Fax: 77 1079
 P.O. Box 52 Kainantu
 Boroko H.P. 1992

Mobil

MOBIL OIL NEW GUINEA LIMITED

ASKIM LONG OL TENDA

Long salim nau ol ka long ol dispela senta aninit:

PORT MORESBY:

- 1 x Mazda 929 - Manual Maroon
Registered till 26.11.92. Rego: AFB 335 71,370 km
- 1 x Mazda 929 - Auto Red
Registered till 26.11.92. Rego: AFB 336 67,559 km
- 1 x Mazda 929 - Manual Beige
Registered till 31.01.93. Rego: AGO 146 46,012 km
- 1 x Mitsubishi Magna - Auto Blue
Registered till 25.03.93. Rego: AGH 280 14,511 km
- 1 x Honda Motor Cycle 105 cc
Registration expired 26.3.90. Rego: AO 174

Contact: Tony Kuiu on Ph: 21 2055.

LAE:

- 1 x Mitsubishi Truck Cab & 6x4 Chasis - Beige
Registered till July, 1992. Rego: AFG 760 57,547 km 'Year 86'
- 1 x Mitsubishi Cab & 6x2 Chasis - Beige
Not Registered. Rego: AET 438 56,000 km 'Year 86'

Contact: Bill Yegiwale on Ph: 42 1238.

MADANG:


- 1 x Nissan Truck Cab & 6x4 Chasis only - Beige
Registered till 21.08.92. Rego: AFA 447 60,000 km Year 1985

Contact: Vagi Moale on Ph: 82 2522.

Vehicles can be inspected at each Depot by ringing respective personnel to arrange for inspections.
 All tenders should be submitted in a sealed envelope and marked 'Vehicle Tender' and addressed to:
 The Accounting and Finance Manager
 Mobil Oil New Guinea Limited
 PO Box 485, Port Moresby

Tenda bai pas long 4 klok apinun long Mande 23 Mas, 1992.

HAPPY BIRTHDAY



SAMMY THECLAMETTA

who turns 3 on Sunday March 22, 1992.

Many happy returns on the third birthday from bro. Hayden, mum Bennie and a very special one from dad Sape. Also a big hug from aunty Louisa at Word.

"STAP ISI - NO KEN DANIS TUMAS"

FOR SALE

Datsun 120Y
 Good condition
 Reg. till Oct.
 K2,750
 Call Willie - 25 2500

REWARD

P.K WRECKERS

i laik tokaut long pablik long nupela woksop sevis bilong ol long Kainantu!

VERY REWARDING!!



You can be assured of our services in:
 PANEL BEATING, SPRAY PAINTING,
 MECHANICAL REPAIRS,
 SECOND HAND PARTS
 SALES AND YOU WILL EVEN BE
 GUARANTEED OUR 24HRS TOWING
 SERVICE

Olsem na sapos yu wanpela man bilong raun o papa bilong PMV, tingim.



P.K WRECKERS

PHONE: 77 1079
 P.O. BOX 52 KAINANTU, EHP.

Papua New Guinea Football (Soccer) Association
 P.O. BOX 1716 BOROKO NCD PNG

PAPUA NEW GUINEA FOOTBALL (SOCCER) ASSOCIATION INC.

The Executive and all member associations of PNGFA convey our deepest and heartfelt sympathy and our condolence to Lyna, Aplena and Leo Waho for the sudden loss of husband and father, the late:


ANDREW PENI WAHO

who was called away by God on the afternoon of 16 Monday March, 1992, at the Port Moresby General Hospital.

This condolence message is also conveyed to Adam Lema, Steven Rahe and relatives in Port Moresby, Wutung and PNG, and also to those very close to Lyna during this time of sorrow.


Papua New Guinea Soccer will certainly miss him in person, and his services.

Peter Mommers
President - PNG Football Association



PORT MORESBY SOCCER ASSOCIATION INC.

The president of Port Moresby Soccer Association (PMSA), Mr. G. B. Manoi and his executive members, and all the affiliated clubs in Port Moresby Soccer Association, express much shock at the untimely death of the late Andrew Waho, on Monday 16 March, 1992, at the Port Moresby General Hospital.



The late MR. ANDREW WAHO, who was appointed vice president of PMSA, last year, was a former Secretary of PMSA, for many, many years. Late Mr. Waho was a Port Moresby representative player as well as a national player.

Andrew Waho's untimely death is a GREAT LOSS to the soccer followers in Port Moresby and the National as a whole.

Mr G. B Manoi, wishes to express his condolences to Mrs. Lynna Waho, her two children Aplena (8) and Leonard (3), and their many relatives throughout the country, at this time of bereavement.

MAY HIS SOUL REST IN PEACE
 Gapai Ben Manoi PRESIDENT

WANTOK


NIUSPEPA BILONG OL PAPUA NIUGINI STRET

PABLIK NOTIS

Sapos yu laik advertais, telepon 25 2500 na askim long

PH: Miri Aior - Ext. 203
Kosinto Fosagu - Ext. 216
Bonner Hul - Ext. 202
John Iagata - Ext. 215

**BIKPELA TOKSAVE
I KAM LONG MINISTA
BILONG HELT HON.
GALEVA KWARARA MP**

**AIDS: WANEM SAMTING OL SAVEMAN I TOK**

Planti manmeri bilong i luksave nau long wanem samting bai AIDS kamapim long kantri bihain long wanpela kibung bilong AIDS i kamap long Mosbi. Insait kibung ol saveman bilong AIDS long kain kain kantri long wol i kamap na toktok long wanem samting AIDS bai kamapim long laip bilong ol manmeri na ikonomi bilong yumi long dispela kantri.

Plis yupela ridim gut wanem samting ol saveman i toktok long en:

"Insait long dispela 15 minit taim kibung i op i kam inap nau 52 manmeri long wol i kisim AIDS pinis. Na bipo long pinis bilong dispela de moa long 5,000 manmeri bai i gat AIDS. Na moa long 10-pela yia bihain ol dispela manmeri bai i dai."

Mista Elihu Dekel, Wol Helt Oganaisesen

"Yumi painim dispela sik nogut bikos planti manmeri i no laik long wok. Na tu planti man i no gat kaikai. Dispela em i wanpela bikpela hevi. Dispela sik i narapela kain long ol arapela sik olsem gonoria, sipilis na planti moa. AIDS i ken kilim man. Nau yet ripot i tok planti manmeri i kisim dispela sik hariap long sotpela taim. Na dispela em i wanpela bikpela samting dispela kantri i mas lukluk long sosel na ikonomik developmen bilong em."

Nau olgeta manmeri i mas lukluk long ol yet, laip wantaim ol arapela manmeri na tu laip long wokples bilong wan wan. Dispela em i wanpela bikpela hevi ol pipel bilong dispela kantri i mas lukluk long en."

Mista Siba Kumar Das, Yunaited Nesen Developmen program:

"HIV em i stap pinis long Papua Niugini. Nau yumi bai i no inap long kaunim amas man i gat jem bilong HIV. Tasol em i kamap wankain olsem ol arapela sik bilong slip wantaim planti manmeri."

Sik gonoria na sipilis em i bikpela long wol na tu long Papua Niugini. Na dispela i soim olsem HIV i bikpela pinis long Papua Niugini. Long 1987, ripot i tok moa long 100 manmeri long Tailan i gat sik AIDS. Bihain long 5-pela yia ripot i tok moa long hap milien manmeri long Tailan i gat HIV. Dispela em i bikpela namba tumas.

Bikpela opis long Kampala i tok olsem, nau planti manmeri bai lukluk long ol yet long wok ples. Na tokaut olsem wan wan man insait long tripela man i gat HIV. Na inap long painim sik namel long wan na 10 yia.

Planti mamapapa i dai long sampela viles we mipela i lukluk long en. Na planti manki i stap lukautim ol yet. Mipela mekim wanpela wok bilong kaunim ol man. Na mipela i painim aut olsem moa long 30,000 manmeri i dai long sik AIDS. Nau mipela bai i no inap painim aut long famili bilong ol dispela manki. Tasol sampela taim bihain ol bai kamap joinim ol arapela manmeri husat i raun i stap nabaut long strit."

I no gat wanpela marasin i stap, tasol ripot i tok lukautim skin bai inap stapim dispela sik long kamap nating long yu:

Sapos gavman bilong Papua Niugini i tingting long stapim AIDS/HIV em i mas putim moa mani long wok bilong helt. Nau yet long Tailan wan wan dipatmen i gat baset bilong em long stapim dispela sik.

Yumi mas toktok long dispela sik na traim long stapim bipo em i kamap bikpela long Papua Niugini. Yumi i stap long gutpela taim long tokaut long wanem samting dispela sik bai kamapim, long skulim ol manmeri bipo dispela HIV i bikpela long Papua Niugini.

Dokta John Ballard, Australia Nesenel Yunivesiti

"HIV/AIDS bai senisim olgeta samting long wol. Planti manmeri bai i dai, na ol nupela bai kisim yet dispela sik."

Nau em i no toktok bilong helt. Tasol em i toktok bilong yumi stapim pasin bilong painim pasin nogut raun.

Insait long Afrika, helt dipatmen i tokaut long ol manmeri long lo bilong mekim pasin nogut. Na husat manmeri i brukim lo bai baim. Wanpela komyuniti bai tok em i no gat sik long ples bilong em. Tasol tupela o tripela manmeri insait long dispela komyuniti i gat dispela sik.

Na planti bai i no inap save inap planti i dai. Tasol tokaut bai kamap bihain bikos planti manmeri bai i gat sik ya. Long stapim HIV/AIDS olgeta manmeri olsem, politisen, ol woka bilong helt, na ol arapela gavman dipatmen i ken tokaut klia long wanem samting ol i tingting long stapim dispela sik.

Singaut i kam long gavman long helpim wanwan komyuniti. Gavman i mas lukluk long laip bilong ol pipel na kamapim sampela gutpela samting long lukautim ol."

Dokta Lillian Kimani, Komyuniti Helt Oanaisesen, Kenya:

"Afrika i lusim sans bilong em long stapim dispela sik long stat bilong 1980 yet. Long 1980 yet gavman bilong Afrika i tingting long dispela toktok egensim sampela ripot we i toktok egensim ol long sik HIV/AIDS em bilong ol Afrika."

Dispela hevi i kamap bikos planti kantri i laikim gutpela nem bilong kantri bilong ol i mas i stap. Long helpim turis indastri bilong ol. Tasol taim ol i streim olgeta samting, planti manmeri bilong Afrika i gat HIV/AIDS."

Mista Bernard A Zulu, Risos Konsalten, Zimbabwe:

"Nau planti hevi bilong sik HIV/AIDS i kamap long ol manmeri slip nabaut wantaim ol arapela manmeri husat i gat dispela sik long Papua Niugini."

STD em i bikpela long olgeta taun na siti. Em i bagarapim pinis planti manmeri husat i gat krismas namel long 15 na 34. Ol yangpela husat i gat STD bai kisim HIV/AIDS. Sapos ol i bungim wanpela man o meri i gat liklik natnat bilong HIV na AIDS."

Dokta Levi Sialis, Seketeri bilong Helt:

"Olgeta manmeri long Papua Niugini i mas save olsem yumi i no inap kisim sik HIV/AIDS sapos yu i stap klostu wantaim manmeri i gat dispela sik, o kis long em o long natnat, nogat. I gat tupela rot tasol ol manmeri i kisim dispela sik, wantaim em long givim sut we ol dokta i yusim pinis long em, na tu long slip wantaim ol manmeri husat i gat dispela sik. Yumi mas yusim kondom sapos yumi laik stapim dispela sik i kamap bikpela."

Dokta Michael J. O'leary, WHO Konsalten/Epidemiologis, Helt dept.:

"I gutpela long Papua Niugini i klia pinis long dispela sik hariap. Olsem na yumi i gat sampela taim i stap bilong tokaut long ol arapela gutpela manmeri husat i no kisim dispela sik yet. Yumi ol manmeri husat i gat dispela infomesen long dispela sik i mas tokaut long ol manmeri husat i no gat. Yumi mas wok hat long stapim. Bikos dispela sik i ken kilim planti gutpela manmeri na tu ol pikinini bilong yumi."

Dokta Tompkins W Tabua, Kodineta STD/AIDS Yunit, Helt dept.:

"Nau yet i no gat wanpela marasin i stap bilong stapim dispela HIV/AIDS. Tasol yumi ken stapim sapos yumi slip wantaim wanpela man o meri tasol. Narapela rot em long yusim raba gumi (kondom) olgeta taim. Nau i no gat wanpela samting i stap long yumi guria long en. Yumi mas lukautim tingting bilong yumi long pasin nogut."

Dipatmen bilong helt i gat sampela saveman i stap long toktok wantaim yu na kliam tingting bilong yu long sik HIV/AIDS. Telepon namba bilong tok lukaut bilong AIDS em 24-8718, i stap long pes 2 bilong telepon dairektori.

Sapos wok bilong mipela stapim AIDS i gutpela, mipela laikim olgeta manmeri long Papua Niugini i mas helpim mipela tu long stapim dispela sik kamap bikpela. Gavman i no inap stapim dispela sik em yet."

Tenkyu long lukim tokaut bilong mi.

GALEVA KWARARA, M.P.



SOFBAL



Ampaya na kosa kos i kamap gut long Goroka



• Martina Koki husat i stap insait tu long dispela kos i lainim stail bilong batim bal long NSI oval. Poto na stori : Sape Metta.

• NSI spot instrakta, Florence Bundu wantaim tupela man husat i stap insait long kos i trening long fil.

NAMBA wan prilimineri kosa na ampaya kosa bilong sofbal i bin kamap long Isten Hailans provins long las mun. Dispela kos i bin kamap long Nesenel Spot Institut (NSI) long mun Februari, 1992.

kamap gut tru, na i karim kaikai bilong em. Bikos ol manmeri husat i kamap i kisim gutpela skul tru long dispela kos, we ol i ken karim i go bek long skulim ol arapela pilaia.

pela save long skulim ol junia pilaia. Bikos ol junia pilaia bai karim nem bilong Papua Niugini long bihain taim.

Na lainim kain kain samting long eria bilong ampaya o referi na kosa.

Long ol dispela manmeri i gat 9-pela man, na 4-pela meri. Olgeta i save stap long Goroka, biktaun bilong Isten Hailans provins.

Ripot i tok dispela sofbal kos i bin

Bikpela samting em long yusim dis-

Ripot i tok 13 manmeri olgeta i bin kamap na stap insait long dispela kos.

Zale famili gat nem nau long Madang sofbal

WANPELA hepi sofbal famili tru long Madang em ol Zale famili.

Bikos 4-pela memba bilong famili i gat nem long pilai insait long gren fainal bilong wanpela klap tasol, na olgeta i winim gren fainal. Ol Zale famili i save pilai long Kabiu sofbal klap.

Gren fainal i bin kamap long tupela wik i go pinis long Ron Albert oval, we planti 100 manmeri tru i bin kamap na lukim.

Ol 4-pela Zale famili em papa Joseph, mama Joyce, bikpela

pikinini meri Judith, na liklik brata Desmond. Olgeta i bilong Petats ailan long Buka Passage, Not Solomon provins.

Papa Joseph na pikinini Desmond i save pilai long B gret tim bilong ol man, na Joyce na Judith i save pilai wantaim A gret tim bilong ol meri Kabiu.

Tingting bilong pilai sofbal i bin stat tasol long 1980 na i kam taim Joseph i wok long Kainantu, Isten Hailans provins. Bihain em trense i go long Mosbi na pilai

long tupela yia olgeta. Dispela em long 1978 na 1979.

Long 1980 na 1984, Joseph i holim wok olsem man bilong lukautim mani, tresera bilong PNG Sofbal Federesen.

Taim papa i mekim ol wok bilong sofbal, na tu pilai sofbal, ol famili memba i stat long luksave long dispela pilai.

Joseph Zale i save tis long Para Medikel Koles, na holim wok tu olsem presiden bilong Helt Ekstensen Opisa (HEO).

Zale yet i no save long wanem as na famili bilong em i laikim sofbal. Em i tok wan wan memba long famili i traim sofbal long laik bilong em yet. Na bihain olgeta i painimaut olsem ol i gat bikpela laik long pilai sofbal.

Ol i no save olsem wanpela taim bai olgeta i pilai insait long gren fainal bilong wanpela klap tasol.

Tasol long tupela wik i go pinis, 4-pela wantaim i stap insait long tim husat i winim gren fainal. Na ai wara i pundaun long soim hat-

wok bilong ol i karim kaikai, na kalap isi tasol i go antap long repela Toyota Corolla bilong ol, na draiv isi i go long haus.

Papa Zale i tok, "Famili bilong i i amamas tru long pilai sofbal long wanem, sofbal em i wanpela famili spot.

"Lewa i stap yet wantaim Kabiu sofbal klap. Olsem na mipela bai pilai yet wantaim Kabiu."

Ol arapela famili husat i save pilai sofbal long Madang em Luxton, Tavua na Tamilong famili.



BENSON and HEDGES



Goroka lig gat stail • Pilaia bilong Brothers long lephan i tromoi bal pinis long wan pilaia, na birua bilong Tigers i sisti kamap klostu long em long Goroka lig resis las wiken. Brothers i strong na win 18-11. Foto : Sape Metta.

Madang ragbi tas makim pinis tim bilong nesenel sempionsip

BEN TAUMAI i raitim

MADANG Ragbi Tas asosiesen i makim pinis fainal skwat bilong pilai long winim Peter Yama Kap long Nesenel sempionsip. Peter Yama, olupela siaman bilong PTC Bod ov Dairektas em petron o wasman bilong PNG Tas Asosiesen. Na em yet i sponsarim dispela kap bilong sempionsip.

Sempionsip bai kamap long Madang long Ista wiken. Dispela em long namba 17, 18, 19 na 20 de bilong mun Epril.

I gat 4-pela tim bilong ol man, na 4-pela bilong ol meri long open na sinia divisen. Ol kolim ol yet olsem Madang Wan na Madang Tu.

Hia em nem bilong ol pilaia insait long Madang 1 skwat stat long Open divisen bilong ol man na go daun:

Open divisen bilong ol man - Peter Suap, Jack Simon, Paul Kipma, George James, Denny Lau, Ronny Namox, Stenly Asak, Alphonse Tama, Paul Yande, Alex Ila, Ade Waman, na Martin Ray. Ol risev pilaia em Lawrence Supuku, Sawan Noan na Steven Ansin. Kosa bilong tim em Donald Tore.

Sinia tim bilong ol man - Gregory Babua, Clement Singin, Boston Jack, Amose Hadu, Anton Jangit, Joe Kangi, Otto Ban, Paul Rokani, Donald Tore, Morris Larivita, Luke Aspal na Abraham Wari. Ol risev pilaia insait long tim em Soun Damuni, Daniel (Bemlon), na Don. Kosa em Abraham Wari.

Open tim bilong ol meri - Nita Jack, Konga Ryen, Irene Gal, Freda Began, Lucy Kakol, Rose Baijah, Esta Seiwa, Carol John, Judy Mondona na Mary Maron. Kosa em Rokani Paul.

Sinia tim bilong ol meri - Martina Mandali, Thresia Mal, Daisy Sibun, Helen Potsimal, Betty Buga, Tina Podarua, Margaret Mike, Selina Polly, Helen Lau, Misemmah Elias

na Sibule Peter. Kosa em Morris Larivita.

Nau em nem bilong ol man na meri insait long Tim 2 stat long open tim bilong ol man:

Open tim bilong ol man - Daniel Yori, Joe Kumbu, Damien Levi, Noah Tati, Peter Banaga, Metoa Mova, Ken Walter, Adam Yua, Manfred John, Geery (Siar), Jacob Opu na Kundi Dambui. Ol risev pilaia em Michael Manam, Manu Ora na Rodney Jack. Kosa em David Mokela.

Sinia tim bilong ol man - Walter Normbe, David Mokela, John Duma, Whipi Mita, Paul Wabu, Peter Baico, Jerry Mark, Ray Larivita, Moksi Api Sai, Rex Titus na Samuel Yara. Ol risev pilaia em Leonard Ora, Loyd Ipai na Wally Kapu. Kosa em Luke Aspal.

Open tim bilong ol meri - Pauline Kipma, Sumal Francis, Jenny Luke, Dona Polly, Josephine Evoa, Loreta Kakara, Martha, Barbara M, Antonia Kra na Roger Kuli. Kosa em Daniel Yori.

Sinia tim bilong ol meri - Helen Wabu, Patricia Tore, Regina Wemi, Lucy Mark, Tekla Francis na Mary Kero.

Ol arapela senta husat bai salim tim long dispela sempionsip em Lae, Kainantu, Rabaul, Kimbe, Mosbi na Goroka. Lae, Rabaul, Kimbe, Kainantu na Mosbi bai salim 4-pela tim. Goroka bai salim tupela tim tasol.

Seketeri bilong Madang Tas asosiesen, Abraham Wari i tok olgeta gem bai kamap long Laiwaden oval. Na opening seremoni bai kamap long Sarere nait long Epril 18. Fainal bai kamap long Mande Epril 20.

Petron o wasman bilong PNG Tas Asosiesen, Peter Yama wantaim olgeta opisal bai kamap long opisal opening bilong sempionsip.

Bihain long sempionsip bai ol i makim PNG skwat bilong ol man na meri bilong go pilai long Australia.

Vanimo bai no gat basketbal resis long namba 4 yia

ARI HABA i raitim

PRESIDEN bilong Vanimo Basketbal Asosiesen, Peter Kanawi i tok, VBA bai no gat pilai bilong dispela yia.

Bilong wanem Vanimo i no gat ples bilong pilai basketbal. Ol wok long nupela basketbal kot i no pinis yet. Klostu tupela yia nau na dispela ol wok i no pinis.

Nau yet Kanawi wantaim eksekutiv bilong em i sutim tok i go long Vanimo Tendas Bot. Kanawi i tok olsem Tendas Bot i no bin skulim gut Vanimo Lokel Kontrakta long wokim nupela kot.

Long 1990 Sandaun provinsal gavman i bin givim

K48,000 i go long wanpela lokel kontrakta. Man husat i go pas long dispela kontrak Saul Dokolip i no bin pinis dispela wok.

Provinsal gavman i bin givim gen sampela mani long pinisim dispela wok. Long 1991, provinsal gavman i bin givim K28,000 i go long kontrak bilong Anton Charles.

Tasol dispela man i no bin stretim na pinisim wok. Em kirap na bagarap olgeta wok bilong basketbal kot.

Olgeta simen i bruk nabaut, ol fom bilong sindaun i no redi, na no gat lait bilong pilai long nait.

Kawani i tok olsem dispela asua tasol bai mekim na ol i no inap holim basketbal bilong dispela yia. Em i tok olsem Vanimo i no bin holim gem inap long tripela yia nau.

WEWAK SOCCER ASSOCIATION PRE-SEASON TOURNAMENT DRAW

SATURDAY MARCH 21, 1992.

Game 7

Time	Pool	Fixtures
1.00-2.25	A	ELcom Wullet vs Guria
1.00-2.25	B	Posino vs Brandi HS
2.30-3.55	A	Kumuls vs Mosquito
2.30-3.55	B	Kecee vs Wewak United
4.00-5.25	A	Medics vs Sunam

SUNDAY MARCH 22, 1992.

Game 8 :

1.00-2.25	A	Posino vs Kecee
1.00-2.25	B	Mosquito vs Guria
2.30-3.55	A	Elcom Wullet vs Medics
2.30-3.55	B	Brandi HS vs Blue Kumuls
4.00-5.25	A	Wewak United vs Sunamn

PORT MORESBY WOMENS SOFTBALL ASSOCIATION 1991/92 SEASON - ROUND TWO

SATURDAY, MARCH 21 1992 - GAME EIGHT

DIAMOND 1

TIME	TEAMS	GRADE	UMPIRE
1030	Nissan Fuji vs A/United	A	Simitap/Naron
1200	GI Gazelle vs Elcom	A	Terra/Misiel
1330	Chebu vs Yokomo	A	Talim/Sogai
1500	Mazda Carps vs NGI	A	Knox/Moe
1600	Wantoks vs Malangan	A	Naron/Talim

DIAMOND 2

1030	Chebu vs Aviat	D	Mesak
1200	NGI vs JJ Garamut	D	Duba
1330	Royals vs UPNG	D	K. Paivu
1500	Karanas vs Dodgers	D	Misiel

DIAMOND 3

1030	Mazda vs Royals	B	Sorang/Tovia
1200	Medics vs Dodgers	B	Knox/Moe
1330	Tarangau vs Wantoks	B	Simitap/Mesak
1500	Fuji vs Aviat	B	Paivu/Tokome
1630	Hanza Bay vs UPNG	B	Terra/Sogai

Bomana Police 'D' grade - bye

THIRD GAMES OF SECTION SATURDAY 21ST MARCH, 1992

GROUND 1

Time	Fixtures
12.30	Teachcom vs Lutheran Youth (Juniors)
3.00	Luth. Yth. vs Magani (Womens)
4.30	Tarakum vs Buresong (Seniors)

GROUND 2

12.30	Moku vs Buresong (Juniors)
3.00	Elcom/Tapi vs Buresong (Womens)
4.30	Magani vs Lutheran Youth (Seniors)

SUNDAY 22nd

GROUND NO.1

12.30	Magani vs Tarakum (Juniors)
3.00	Moku vs Tarakum (Womens)
4.30	Teachcom vs Elcom (Seniors)

GROUND 2

12.30	Buresong vs United (Juniors)
3.00	Teachcom vs United (Womens)
4.30	Moku vs United (Seniors)

NOTE: Kumuls have withdrawn. Buresong have come in.

ENGA SOCCER ASSOCIATION RESULTS FOR 7TH/8TH MARCH 1992.

JUNIORS

Luth. Yth. 1	lost	Elcom/G.P.'s 2
Magani 0	on forfeit	Buresong 0
Teachcom 3	beat	Tarakum (on forfeit)

WOMENS

Teachcom 3	beat	Luth. Yth. 2
Moku 2	beat	Magani 0
Elcom 3	beat	Tarakum 0 (on forfeit)

SENIORS

Luth. Yth. 5	draw	Moku 5
Tarakum 3	beat	Magani 0 (on forfeit)
Buresong 4	beat	Elcom 2

LFA DRAW (LEAGUE DIVISION)

SATURDAY 21/3/92

Time	Field	Fixtures
12.00	1	Guria vs PTC
2.00	1	Gaziga vs Mopi
4.00	1	Blue Kumul vs Titan Sobou

SUNDAY 22/3/92

12.00	1	Westpac vs Jaura
2.00	1	Sasalu vs Morobe United
4.00	1	Mitif vs Nadzab

All games to be played at LFA Park ground one.

LAE WOMENS SOFTBALL ASSOCIATION GRANDFINALS

Saturday 21 March, 1992

Venue: Nial Reserve

TIME	DIAMOND ONE	GRADE	Empires
9.00 - 10.30	Bismark vs Taubar	JNR	Helen Costigan
10.30 - 12.00	Tarangau vs Defence	2	Blaise Gion
12.00 - 1.30	Malangan vs Bismark	LR	Robin Kuna
1.30 - 3.00	Manolos vs Karanas	1	Michael Kalukal
3.00 - 4.30	Malangan vs Bismark	L	Enoch Darius



• Golkipa bilong Edukesen i soim stail bilong em long holim wanpela bal straika bilong Yunivesiti i kikim. Edukesen i kamapim strongpela gem na bagarapim sindaun bilong ol meri Yunivesiti 1-0, long Pablik Sevan Soka gran fainal resis.

GOROKA RIPOT

No gat inap tim

MARYLAND DISE i raitim

I LUK olsem soka long Goroka bai i no inap stat hariap long wanem Goroka Soka Asosiesen (GSA) i wok long skruim yet ol de bilong holim jenerel miting (AGM) bilong kirapim 1992 sisen propa resis.

Presiden bilong GSA, Channell Kakehe i tok bikpela wari i stap nau long tim nominesen. Em i tok namba bilong ol tim i sot yet, olsem na dispela i wok long skruim AGM.

Kakehe i tok 6-pela tim i putim nem pinis, tasol dispela namba bai i no inap kik insait long sisen propa. Olsem na em i laikim nau ol tim husat i laik pilai long putim nem hariap.

Planti soka asosiesen long ol arapela provins i holim miting bilong ol pinis, na i redi nau long

kirapim sisen propa. Olsem na dispela ken kirapim narapela hevi bilong GSA long stretim kalenda na soka dro.

Kakehe i tok asosiesen mas i gat 13 tim olgeta bilong ol man na meri wantaim long statim sisen propa.

Nok aut sisen bilong GSA bai stat sapos asosiesen i stretim hevi bilong tim nominesen hariap, Kakehe i tok.

Goroka tu i redi nau long holim Nesene! Wimens Sempionsip bai kamap long Epril 17 i go inap long 20. Kakehe i bin kosa bilong Goroka Wimens Skwat tasol i lusim dispela wok bihain long em i kamap presiden bilong GSA. Em i tok bai noga: planti hevi i kamap long stretim ol haus samting bilong slip, na graun bilong pilai. Ol wok i go het yet long stretim ol dispela samting bipo dispela bikpela soka resis bilong ol meri i kamap.

9-pela asosiesen i memba long Manus soka federesen

MANUS SOKA

SOKA em bun bilong ol pipel bilong Manus stret. Sapos yu go long planti hap bilong kantri bai yu lukim ol kas nogut ya i pulap stret long ol soka fil.

Olsem na long asples bilong ol long Manus, ol 9-pela asosiesen bai brukim bun long dispela yia.

Dispela 9-pela asosiesen i pilai aninit long nem bilong Manus Soka Asosiesen. Ol 9-pela asosiesen i makim tasol 9-pela kanstituensi long Manus.

Olgeta 9-pela kanstituensi i kamapim asosiesen bilong ol yet. Tasol ol i save afiliat i go long Manus Soka Federesen. Bihain MSF i save baim afiliesen fi i go long PNGFA. Olsem na dispela afiliesen fi i

save karamapim olgeta 9-pela asosiesen.

Presiden bilong Manus Soka Federesen, Jack Changau i tok olsem ol i bin kamapim dispela tingting long strongim pilai soka long ples. Bikos planti taim ol lain bilong ples i save panim hat long stap insait long ol bikpela tonamen. Bilong wanem planti tim long ples i save painim hat long afiliat wantaim PNGFA.

Na planti taim ol tim long taun tasol i save stap insait long ol tonamen. Dispela i save mekim sampela gutpela pilaia long ples i stap ausait. Olsem na planti man i no luksave long ol dispela pilaia bilong ples.

Nau yet olgeta asosiesen i no statim gem bilong ol. Namba wan pilai bilong pri sisen bai stat long mun Epril.

... na K1,000 bilong asosiesen i paul

GOROKA Soka Asosiesen i bungim gen bikpela hevi taim ol klap i bung long kirapim 1992 sisen bilong soka.

Ol klap opisal i painim aut olsem ol eksekutiv bilong 1991 sisen i no lukautim gut rekot o pepa wok bilong asosiesen, na tu i no kamapim mani ripot bilong asosiesen.

Planti klap opisal i bin kros bikos 1991 eksekutiv i bin kisim K1,000 long memba bilong Goroka na plis ministra, Mathias Ijape long pinis bilong 1991 sisen. Tasol ol i paini-

maut olsem dispela mani i no moa stap long pasbuk.

Nau yet asosiesen i makim pinis wanpela interim o was komiti long sekim ol dispela samting, na ripot bek long narapela kibung.

Siaman bilong interim komiti, Channell Kakehe i tok olsem ol i painim hat tru long kisim ripot bikos presiden Peter Siba i lusim Goroka na i go stap nau long Australia. Na tresera Gerald Dogimabi no save kamap long kibung.

Kakehe i tok planti

klap tu i gat tupela tingting bihain long kain hevi i kamap, na i luk olsem Goroka soka bai i no inap stat gut sapos ol i no kliam dispela hevi.

Interim komiti i holim pinis tripela kibung long kisim AGM ripot, na makim nupela eksekutiv. Tasol ol klap olsem Murat Tarangau, Makis na NGI i no kamap long kibung.

Nau yet Morobe Yunaitet na Elcom laik rausim nem bilong tupela long asosiesen bikos long dispela hevi.

PTC autim Mosbi Pablik soka taitel

PTC soka klap i soim olsem ol i no gat nem tasol long givim gutpela servis bilong pos opis na telepon servis i go long ol pipel bilong kantri. Ol i gat nem tu long pilai ol kainkain spot. Wanpela spot ol i gat nem long en em soka.

PTC soka tim bilong ol man long Mosbi i bin kamap namba wan insait long pablik sevan soka, taim em i autim ol boi bilong PNGBC 2 - 1 long gren fainal bilong Pablik Sevan soka resis (PSSA). Dispela gren fainal pilai i bin kamap long Sarere 14 long Klap Jemania.

Pilai i bin kamap strong tru long tupela sait wantaim, tasol ol boi PTC i no wet na hariap tru kikim bal i go insait long umben bilong PNGBC. Dispela namba wan trai i bin kam long fowat na roket bilong PTC, Mara Lungogo.

Tasol ol boi long beng i no wari long dispela, na bihain wanpela trai i kamap long namba tu hap

bilong pilai. Gem i wok long go strong moa yet long wanem long dispela taim tu ol sapota long olgeta sait kona bilong fil i toromoi kainkain toktok i go long ol pilaia bilong tupela tim wantaim. Na dispela i kirapim tru tingting bilong tupela tim wantaim long win.

Tasol PTC i no marimari long PNGBC, na poro bilong Mara, Kapen Yaga long rait wing i supim bal i go insait long umben bilong PNGBC namba tu taim long winim 1991/92 PSSA primiasip taitel.

Long gren fainal bilong ol meri, Edukesen i soim olsem ol i gat strong long winim maina primia bilong las yia, Yunivesiti. Olive Boko wantaim ol meri bilong em i stail tumas na brukim umben bilong Yunivesiti1-0. Kas meri bilong Edukesen, Clare Hou i bin putim dispela gol tasol long winim Lyna Waho wantaim ol meri bilong Yunivesiti long ful taim.

Momase autim Madang Kap

MOMASE i winim gen pri sisen resis na i autim Madang Kap, bihainim intanesenel FIFA rul.

FIFA rul i tok klia olsem sapos wanpela tonamen i bihainim raun robin sistem, wanem tim i sindaun antap long lata bai winim resis.

Wankain olsem Momase. Ol i bin sindaun antap tru long

lata wantaim 16 poin.

Bihain long Momase em Panafun wantaim 12-pela poin, Watabag wantaim 12-pela poin, na Waskia wantaim 11-pela poin.

Ol eksekutiv bilong Madang Soka Asosiesen i bin kibung wantaim ol klap opisal long las wik Fraide. Dispela kibung i bin kamap long belo taim.

Dispela em namba tu

taim Momase i bin winim Madang Kap. Long las yia, Momase i bin stapim sans bilong Gala United long winim dispela pri sisen taitel.

Kosa bilong Madang, John Girigo i tok em wantaim ol manki bilong em i amamas tru long winim gen dispela kap. "Mi yet mi amamas moa," em i tok.

"Tasol mi no amamas tumas long eksekutiv

bilong ol asosiesen. Bikos ol i no tokaut klia long wanem kain sistem dispela pri sisen resis i bihainim. Mipela i bin paul olsem resis i bihainim raun robin o nokaut stail.

"Sapos resis i bihainim raun robin sistem orait ol eksekutiv bilong Madang soka i mas tok klia olsem bai i gat fainal," Girogo i tok.

Jenerel seketeri bilong PNGFA, Andrew Waho i dai

HENRY MORABANG na WINIS MAP i raitim

JENEREL seketeri bilong Papua Niugini Futbol Asosiesen (PNGFA), Andrew Waho i dai pinis.

Waho i dai bihain long wanpela bagarap em i bin kisim klostu long nek. Dispela birua i bin kamp long wanpela soka gem long tripela wik i go pinis.

Waho i bin dai long Mande Mas 17 long Pot Mosbi Jenerel haus sik. Dispela em bihain long em i bin stap long haus sik long tripela wik olgeta.

Waho i gat 36 krismas na i bilong ples Wutung long Vanimo, Wes Sepik provins. Em i lusim nau meri bilong em, Lyno Waho na tupela pikinini. Meri bilong Waho, Lyno i save helpim tu man bilong em long wok soka. Na tu em yet tu i save pilai soka.

Planti bikman bilong soka i bin salim bikpela tok sori bilong ol i go long famili bilong em.

Insait long Mosbi, seketeri bilong PMSA, William Vui i tok bai i no gat ol kik resis long dispela wiken. Olgeta gem bai stap long tingim indai bilong Waho.

Waho i bin holim opis bilong PMSA olsem namba tu presiden. Tasol em i bin resain long las mun long holim gen opis bilong PNGFA olsem jenerel seketeri.

Indai bilong Waho i mekim na PNGFA i skruim taim bilong tokaut long wanpela bikpela sponsasip em wanpela kampani i tingting long givim long PNGFA. PNGFA presiden, Peter Mommers na namba tu bilong em, Gabriel Pise i skruim taim bihainim tasol indai bilong Waho.

Insait long tokorait ol i sainim. kampani ya bai sapotim opis bilong PNGFA seketeri long lukautim pepa wok na mani bilong ol kik insait long kantri.

Long stat bilong dispela yia, PNGFA i bin makim Waho long kamap jenerel seketeri bilong PNGFA. Tasol nau em i dai pinis, na PNGFA bai makim gen narapela

man long holim opis bilong seketeri. **Hatwok bilong Waho i lus nating**

Planti manmeri husat i save bihainim soka bai save olsem Waho em wanpela man husat i givim olgeta laip bilong em long soka. Taim em i holim wok long Nesenel Ats Skul, em i kamap seketeri bilong PNGFA aninit long lukaut bilong Wep Kanawi. Em i bin holim wok seketeri long 8-pela yia olgeta.

Wanpela bikpela tingting taim em i holim wok seketeri em long kamapim ful taim seketeri long lukautim wok bilong soka insait long kantri.

Dispela tingting bilong Waho i karim kaikai taim PNGFA na wanpela kampani long Mosbi i pasim toktok. Na PNGFA i bin makim gen Waho long lukautim dispela opis.

Opis bilong PNGFA i no op yet, na Waho i dai.



• Dispela em ol olupela intanesenel pilala wantaim Waho. Waho i sindaun namba tu long lephan long fran lain. *Wantok file foto.*



• Waho ... sanap namba tu long lephan long baksait wantaim ol olupela PNGFA eksekutiv aninit long lukaut bilong presiden Wep Kanawi. Dispela em long taim presiden bilong Osenia Futbol Konfederesen, Charles Damsey (namba tri long lephan-franlain) i kam kibung wantaim PNGFA long Travelodge Hotel, Mosbi long 1988. Petron bilong PNGFA, Sir Julius Chan i sindaun long raithan long fran lain. Waho i bin seketeri bilong PNGFA long dispela taim. *Wantok file foto.*

• (ANTAP) - Andrew Waho long yangpela taim bilong em, taim em i save pilai wantaim Mosbi Guria soka klap.

Sampela wok Waho i holim bipo em i dai

Waho i gat nem tu long holim opis bilong PMSA moa long tupela yia olsem seketeri. Dispela wok bilong em olsem seketeri i bin pinis long 1984, taim PMSA i bin makim William Vui long kisim ples.

Planti manmeri i bin luksave long gutpela wok bilong Waho. Olsem na PNG Spot Federesen i bin makim Waho long lukautim PNG tim olsem tim menesa i go long mini Saut Pasifik Gems long Tonga.

Bihain tasol long Waho i kam bek, na gavman i kirapim PNG Spot Faundesen long lukautim 1991 Saut Pasifik Gems. Orait spot faundesen i kisim Waho long wok olsem opresen menesa bilong Saut Pasifik Gems. Em i bin holim dispela wok long las yia, Saut Pasifik Gems taim PNG i bin winim planti gol medalm na i kam namba wan long dispela bikpela resis, we planti manmeri bilong kantri i amamas tru.



• Waho insait long Mosbi tim husati bin salim karkal long Lae 4-1. *Wantok file foto.*

Andrew Waho - em i wanpela gutpela papa, pren na wantok

Taim sori

Olsem planti ol manmeri i save tok . . . olgeta gutpela samting i gat pinis bilong em. Dispela tok i sut stret i go long laip bilong wanpela gutpela spot edministreta tru bilong PNG - Andrew Waho.

Waho i bin gat gutpela spot laip stret stat long taim em i stap long haikul i kam inap nau. Mi yet save olsem em i wanpela gutpela man bilong ran long ol resis. Em i save spit tru.

Long soka em i gat nem long Aitape. Tim bilong em Aitape haikul i winim planti prais. Em tu i save winim nambawan pilaia prais. Em i pinis long haikul na kam stret long Yuni.

Yuni

Long dispela taim nau, em i no moa tingting long ran. Em i pasim tingting tasol long kik. Planti ol Sepik na sampela man long Mosbi bai save long wan-



pela tim ol i kolim "Escube". Dispela em tim ol boi Sepik long Yuni wantaim go pas bilong Andrew Waho i bin statim na kik insait long Mosbi Soka Asosiesen.

Ol i kik gut tru na winim sampela taitel tu long PMSA. I bin gat sampela asua na dispela tim i pinis. Andrew Waho i go joinim Yuni na i bin kamap gutpela straiika tru wantaim ol biknem pilaia olsem Stalin Jawa, Moses Murray, Chalapan Kaluwin, Kisakiu Posman na Philip Ragi.

Insait long kik bilong em wantaim Yuni tu, em i helpim Yuni winim long planti kik resis na prais. Em i bin stap insait tu long

taim Yuni i go raun long Solomon Ailan, na tu long Jayapura, Wes Irian.

Guria

Ol Wes Sepik na Wes Irian i statim tim Guria. Em nau lewa bilong Andrew i kirap long kam kik insait long tim bilong em stret. Andrew i stap wantaim Guria i kam inap long Sande Mas 1, 1992 long taim em i pilai las gem bilong em long Guria na i bin kisim dispela bikpela bagarap.

Sem de ol dokta bilong Guria i kisim em i go slip long haus sik i kam inap long Mas 16, we em i lusim yumi olgeta long ples graun.

Wok edministresen

Wok edministresen bilong em long spot i stat tu long haikul de yet. Em i gutpela spotman. Olsem na planti manmeri i laikim em i go pas long ol wok spot

long haikul.

Long Yuni i wankain. Taim bilong em long Escube tim, na long Yuni tim, i kam long guria - em i gat nem long planti eria bilong wok edministresen. Long painim ol man long 'FAN RESING' o pulim mani i kam long klap - bai yu lukim Andrew Waho i go pas.

O sapos yu laikim wanpela man long lukim ol buk wok bilong klap, bai yu lukim Andrew Waho i go pas. Sem samting tu long kisim ol minit o raitim ol pas samting - em wok bilong ol klap seketeri, dispela wok tu i lukim Andrew i wokabout i go pas, na planti arapela ol klap memba i pulim lain i kam bihain.

Nesenel spot

Mosbi soka i luksave long em olsem wanpela gutpela soka pilaia. PNG tu i gat wankain

tingting. Olsem na em i sanap makim Mosbi na PNG planti taim.

Long taim em i stap yet, Mosbi soka na PNG i luksave olsem em i wanpela savemen bilong wok edministresen. Olsem na dispela tupela bodi i kisim em na yumi olgeta i save pinis. Em i putim planti taim na save bilong em long Mosbi soka, na tu long PNG soka.

Husat man i laik kisim ples bilong em nau inap mekim wok. Tasol, planti samting we Andrew Waho i gat, em dispela nupela man bai i no gat. Andrew i save long planti soka asosiesen long wol. Insait long ol dispela soka asosiesen.

Long taim em i toktok long ol dispela wokman ol i save tu long em. Olsem na ol i save mauswara liklik bihain orait, o i paitim ol toktok bilong wok.

PMSA stapim olgeta kik bilong wiken long tingim Waho

MOSBI Soka Asosiesen bai stapim olgeta kik bilong dispela wiken long tingim indai bilong olpela vais presiden bilong em, najenerel seketeri bilong PNGFA, Andrew Waho.

Waho i bin kisim bagarap long nek bilong em long pri sisen gem long tupela wik i go pinis.

PMSA seketeri, William Vui i tok ol bai stapim olgeta gem bilong dispela wiken long tingim indai bilong Waho. Waho i bin stap long haus sik long tripela wik olgeta, na i dai long Tunde Mas 16.

Long makim maus bilong PMSA, Vui i salim bikpela tok sore i go long ol meri bilong Waho, Lyna na tupela pikinini bilong em. Vui i salim bikpela tok sori i go tu long famili bilong Waho.

Waho i bin mekim bikpela wok long Mosbi soka, na tu long Guria soka klap. Dispela em long wok edministresen na pilai wantaim. Guria i karim nem nau olsem wanpela sempion klap long kantri.

Nau yet ol bikman bilong Guria soka klap, PNGFA na PMSA i redi nau long salim bodi bilong Waho i go long ples Wutung long Vanimo, Wes Sepik provins.

Vui i tok ol las gem bilong pri sisen i laik kamap long dispela wiken bihainim plen. Tasol ol i skruim i go nau long narapela wiken.

Bihain long pri sisen resis bai sisen propa i stat.

LUKIM FUL STORI BILONG WAHO - PES 26



• Cathy Davani bilong Yuni i soim stail. Tasol em i no strong na ol meri Edukesen i win 1-0 long Mosbi Pablik Sevan soka gren fainal las wiken.

RABAUl RIPOT

6-pela divisen long sisen propa

MARYLAND DISE i raitim

RABAUl soka i gat tupela moa gem i stap yet long pinisim pri sisen bilong em bipo em i go insait long stat bilong sisen propa resis.

Na 6-pela tim bilong ol man tasol i bin pilai insait long pri sisen kik. Ol dispela tim em Westpac 1 na 2, Pascol, Vitias 1 na 2, United na Vanakanau.

Nau yet ol boi long Vitias 2 i wok long go het long lata bilong pri sisen kik, tasol ol boi bilong Westpac 1 bai

i no inap larim ol Vitias i ranawe wantaim namba wan sia. Olsem na ol i wok long bihainim ol yet long namba tu ples long lata.

Presiden bilong Rabaul Soka Asosiesen, Albert Jalmein i tok bai i gat wanpela miting i bin kamap long Tunde nait.

Namel long miting, ol eksekutiv bilong RSA wok long soka kalenda bilong dispela yia, na tu namba wan dro bilong sisen propa.

Bai i gat 6-pela divisen i pilai anit long RSA. Ol dispela tim em prima, risev, anda 19, Anda 16 na Wimens divisen.

VANIMO SOKA

Ol meri Madang laik kotim Vanimo soka

VANIMO Soka Asosiesen i gat bikpela dinau mani yet long bekim i go long Madang Kantri Wimens soka Asosiesen.

Dispela dinau i bilong las yia yet taim Vanimo Soka Asosiesen i bin go pilai long Madang. Vanimo soka skwat i bin yusim haus slip bilong ol meri long Madang.

Menesa bilong ges haus bilong ol meri, Lucy Buck i tok olsem em bai baim samon pepa long Vanimo soka skwat. Na em bai askim ol long bekim K270 long haus kot.

Buck i tok em i sori tru long mekim dispela. Tasol rong i no stap long menesmen bilong Madang Kantri Wimens Asosiesen, rong i stap long Vanimo

soka skwat.

Ol i brukim promis bilong ol long i no baim hariap K270 dinau. Vanimo soka skwat i bin promis long baim dispela dinau taim ol i go bek long Vanimo.

Tasol tim menesa na kepten bilong Vanimo skwat i tok ol i bin kamapim dispela mani long Novemba las yia. Na ol i bin givim long presiden bilong Vanimo Soka Asosiesen long salim i go long Madang.


Tim menesa John Koiye i tok em bai samonim siaman bilong Vanimo skwat, John Nataleo long bekim dispela mani.

Narapela samting em Vanimo Soka Asosiesen i no baim yet afiliesen fi bilong em wantaim PNGFA. Asosiesen i wok long panim mani yet.


B&H

BENSON
and
HEDGES

B&H



Gutpela stail i popaia



WAHO I DAI - p26

PNGFA WETIM YET MOA SENTA LONG BAIM AFILIESEN FI

WINIS MAP i raitim

PAPUA Niugini Futbol Asosiesen i wok long wetim yet sampela senta long baim afiliesen fi bilong ol.

Nau yet planti asosiesen long ol senta A i baim pinis afiliesen fi bilong ol. Tripela asosiesen tasol long senta A i no baim yet ful afiliesen fi yet. Nem bilong ol em Manus, Wewak na Kainantu. Dispela tripela asosiesen i bin baim hap fi tasol.

Tasol 8-pela asosiesen long senta B i no baim afiliesen fi yet. Dispela ol asosiesen em Vanimo, Pependetta, Alotau, Daru, Tabubil, Banz, Mendina Simbu.

Namba tu presiden bilong PNGFA, Gabrel Pise i tok olgeta asosiesen i mas baim ful afiliesen fi bipo long Mas 31, 1992. Dispela em las de bilong dispela mun.

Pise i tok PNGFA bai i no inap long stapim ol asosiesen sapos ol i no afiliet.

Ol dispela asosiesen i

ken go het wantaim pilai bilong ol. Tasol ol i no inap kisim helpim i kam long PNGFA long wanem samting ol i laikim.

Dispela ol asosiesen i no afiliet bai i no inap kik insait long ol bikpela nesenel tonamen em PNGFA i oge-naisim. Dispela i min olsem pilai bilong ol bai i no gat sans long kik insait long ol intanesenel tonamen aninit long nem bilong PNG. Bikos ol bai lusim sans bilong seleksen.

Tasol sapos ol

asosiesen i afiliet bipo long taim bilong tonamen, PNGFA bai larim tim bilong ol i kik insait long tonamen.

Nau yet PNGFA i brukim pinis ol senta i go long tupela grup, A na B. Dispela aidia i bin kamap long bikpela kibung (AGM) bilong PNGFA, em i bin kamap long Mosbi long stat bilong dispela yia.

Presiden Peter Mommers i bin tok as bilong kamapim dispela aidia em long mekim isi long ol pepa wok bilong PNGFA.

• Kas meri bilong Yunivesiti long raithan i danis liklik na i laik banisim rot long birua bilong Edukesen. Tasol kain stail bilong em i no inap, na Edukesen i autim ol 1-0 long gren fainal bilong Mosbi Pablik Sevan soka resis las wiken. LUKIM RIPOT LONG PES 25.

PMSA bai stapim ol gem long wiken - p26

Mosbi skulbois soka pulim moa pilai

MOSBI Skulbois soka resis bai stat long Sarare April 25, 1992. Dispela kik bilong ol skul manki bai kamap bihain long namba wan tem holide.

Kik bilong ol manki long dispela yia bai i gutpela stret, bikos planti skul manmeri i tingting pinis long stap long dispela resis.

Long las yia, 1100 skul manmeri i bin stap insait long dispela resis. Tasol long dispela yia, stori i luk narakain liklik. Bikos dispela kik bai pulim 1500 skul pikinini.

Olgeta pilai bai kamap long Sarare moning stat long 8 klok, na pinis long 12 klok. Ol bai holim olgeta pilai long Waigani Spots Kompleks.

Long dispela yia, bai i gat 90 tim i kik long dispela resis. Ol dispela tim bai kik long wanwan divisen. Ol i brukim divisen bihainim tasol krismas bilong ol manki. Ol divisen bai stap long dispela

resis em Anda 7 i go inap long Anda 17.

Presiden David Conn i askim ol pilai na kosa long baim rejistresen fi hariap. Rejistresen bai pas long Mande Mas 23, 1992.

Presiden i askim olgeta opisal bilong wanwan klap long kamap long miting. Dispela miting bai kamap long Mande April 6, 1992. Ol bai givim dro bilong wanwan divisen iong taim bilong miting.

Narapela samting presiden i tok em ol bai salim tupela tim i go pilai long Australia. PMSSA bai salim tim bilong Anda 12 na 14 long stap insait long Anda 14 kompetisen long Kens. Dispela resis bai kamap long Ogas 8, na bai pinis long Ogas 30.

Asosiesen bai salim narapela tim gen iong go pilai long Kens. Long dispela taim, ol bai salim Anda 15 tim long kik insait long wanpela tonamen. Dispela tonamen bai kamap long namba tri tem holide.

B&H

BENSON and HEDGES

B&H

LUKIM INSAIT:

- Ol meri Madang laik kotim Vanimo soka - p27
- K1,000 bilong Goroka soka i paul - p25

MOA PABLIK SEVAN GREN FAINAL POTO

Printed and published by Anna Bernadette Solomon, of Bitten Place, Gordons, at Allotment 2, Section 209, Hohola.



RUGBY

Namba 40

Fonde Mas 19, 1992

NIUS

INTA SITI SALENS STAT NAU

... long Mosbi, Rabaul na Goroka

LEO WAFIWA i raitim

BIKPELA resis em planti manmeri na pikinini long kantri i save laikim tru bai stat long dispela wiken. 1992 SP Inta Siti Salens Kap kompetisen bai stat long Mosbi, Goroka na Rabaul.

Long Mosbi, tupela taim sempion Vipers bai bungim tupela taim rana ap Hagen Eagles long Lloyd Robson oval, Rabaul Guria husat i kisim ples bilong Kundiawa Warriors na soim pes gen bai bungim Lae Bombers long Kwin Elizabeth Park, Rabaul, na Goroka Lanahis bai traim pawa bilong Mendi Muruks long Danny Leahy Oval, Goroka.

Dispela em namba tri yia bilong dispela resis bihain long em i bin stat long 1990. Taitel bilong 1990 na 1991 em Mosbi Vipers i bin winim egensim Hagen Eagles. Olsem na tupela tim ya bai kamap strong yet long dispela sempionsip.

Mipela i no ken kalap nogut sapos ol boi Hagen i autim long dispela yia. Bikos ol i bin smelim long tupela yia pinis.

Plantu manmeri bai pulapim Lloyd

Robson oval long lukim Vipers i bungim Eagles. Eagles i gat nem pinis long autim Vipers long namba wan raun, na bihain tupela i dro long gren fainal. Tasol Vipers i win bikos em i skoarim moa trai.

Nau em rul i senis pinis. Sapos tupela tim i dro long gren fainal, tupela bai bung gen long narapela taim bihain, em ol opisal bai makim.

Vipers bai go aut aninit long lukaut bilong kosa Sam Kaia na kepten Stanley Haru. Haru em kepten bilong Kumul tim tu.

Haru bai lukautim pilai long beklain wantaim sapot bilong ol arapela Kumul pilaiia olsem Tuksy Karu, Richard Wagambie, Joshua Kouoru, Jack Uradok na Philip Boge. No ken lus tingting long smok balus winga bKini "Taxi" Tani.

Long fran lain em eksperiens Kumul pilaiia Joe Giske, Kera Ngaffin na Kes Paglipari bai lukautim. Na tu helpim bai kam long ol arapela pilaiia olsem Kaibel Kanaka na Elias Paiyo.

Tasol ol boi Hagen i gat nem ya.

Long ol arapela gem, Rabaul Guria bai givim sampela het pen stret long Lae Bombers. Bikos ol i gat planti sapota i stap long givim inap sapot long sait lain.

1992 sisen kik op pinis long Mosbi



• Ol Difens pilaiia i takelim huka bilong Tarangau, Tara Korae long namba wan sisen propa gem bilong Mosbi lig las wiken. Tasol ol olupela sempion i strong resistaim tupela namba wan poin egensim ol soldia boi 34-14.



• Senta bilong Brothers i takelim gut tru fulbek bilong Kone Tigers, Sebastian Isu. Sebastian na ol arapela yangpela blut bilong Tigers i no strong, na Brothers i mekim-save long ol 30-16. Ol foto : Ivan Bayagau.

LUKIM INSAIT:

• WAGAMBIE'S WHIP
- pes 3

• Rabaul Guria bai pre-
tim Lae Bombers - p3

• SIDNI LIG DRO - p4

PROVINS RIPOT

• Lae Spiders smelim
pri sisen taitel - p7

MOA POTO - p6



• Mosbi Royals laik
autim nem nogut -p8

Winfield League '92

Makim ol Kiunga na Tabubil pilaia i go insait long Kumul tim

Dia Edita,
 Mi wanpela ragbi lig sapot long Tabubil na Kiunga. Mi laik toktok long wanpela pasin mi harim taim Australian Kangaroo i pilaim Papua Niugini Kumul long Lloyd Robson oval long Mosbi. Dispela em long mun Oktoba, 1992 long tes gem.
 Dispela gem em ol Kangaroo i pilaim strong tru na winim.
 Mi ting dispela i no stret tru long ai bilong mipela ol sapota. Mi ting asua i stap long ol Kumul selekta. Ol i save wansait stret long makim ol pilaia i go long Kumul tim. Olsem na ol i kisim taim stret.

Ol selekta i mas makim ol pilaia bilong ol liklik senta olsem long Kiunga na Tabubil. Bikos Tabubil na Kiunga lig i gat ol gutpela pilaia i stap.
 Long Tabubil sait, i gat ol gutpela Sauten son pilaia olsem Newman Kauba, Bu Kauba, Stanley Joseph, Joe Bagme, Wilson Gigmai, Ted Taro na Cronuell Daipo.
 Na long Kiunga sait i gat ol gutpela pilaia olsem Siri Purari, Thomas Tumbe, Paul Anton, Dominic Torona, Frank Puluk, Nelson Gamai na Sutherland Yore.

**Manfred Baiyage
 TABUBIL**

OL LETA I GO LONG EDITA

Kiunga referi i no mekim stretpela tokorait egensim United pilaia

Dia Edita,
 Mi no amamas long ol referi bilong Kiunga lig. Ol dispela referi i no gat inap save long lukautim ol A gret gem. Ol i ken lukautim ol gem bilong C gret na Anda 19 tasol.
 Mi bin lukim wanpela A gret gem namel long Ambangs na United long las yia. Referi husat i lukautim dispela gem i wansait tru.
 I bin kamap klia tru olsem ol Ambangs pilaia i mekim wanpela nok on. Tasol referi i givim bal long Ambangs. Olsem na wanpela pilaia bilong United i no wanbel long dispela, na i askim referi long klaim gut disisen bilong em. Tasol referi i bel-

hat nating long dispela pilaia.
 I luk olsem referi i mas gat sampela belhat long dispela pilaia long ol samting bilong ausait. Tasol em i bringim i go insait long fil.
 Referi wantaim pilaia bilong United i kros na tro-moi han liklik. Tasol bilong wanem na referi i salim dispela pilaia i go long sinbin? Dispela em askim bilong mi. Mi laikim ol bos bilong Kiunga lig i bekim.
 Mi laik save tu sapos ol referi bai tokim dispela pilaia long go insait long fil bihain long 10 minit, o ol opisal husat i lukautim taim bai mekim dispela.
 Dispela asua i no bikpela samting. Tasol ol opisal i sapotim dispela referi. Olsem na ol i rausim dispela United pilaia olgeta long fil. Dispela pilaia o manki i bin apil, tasol no gat bekim bilong apil.
 Dispela manki em top pilaia bilong United. Olsem na ol sapota i wari tru. Pri sisen i stat pinis, tasol dispela manki i no pilai. Bikos em i no kisim wanpela toksave i kam yet long ol opisal bilong lig.
 Mi no save sapos ol i raitim wanpela leta i go long ol opisal bilong PNGRFL long Mosbi o no gat? Sapos no gat, ating dispela pilaia i mas stat pilai gen. Na ol opisal bilong United i mas kotim ol opisal bilong Kiunga lig long dispela.
 Bilong wanem na ol i no glasim gut dispela hevi. Na ol i bagarapim nem bilong klap, na tu rausim pilaia ya nating.
 Dispela referi em wanpela pilaia tu. Na bilong wanem na ol i rausim dispela manki, na referi ya i pilai yet long tim bilong em. Dispela i no stret long ai bilong mipela.
 Ol kain referi olsem Sipak Ofoi na Ben Irai em maski. Ol i kisim skul long lukautim pilai long Kiunga. Olsem na ol i no fit. Ating mobeta, ol i mas go skul wantaim Graham Ainui, top referi bilong Papua Niugini.

**Kennedy Pisa
 TABUBIL**



Hia em sans bilong yu long winim wanpela FRI tiket long go insait long Gren Sten na lukim Wol Kap tes gem namel long GRET BRITEN LIONS na PNG WINFIELD KUMULS long Mosbi, Rabaul na Goroka. Dispela resis bai pas long Me 8, 1992. Wanem samting yu ken mekim em, makim tasol Winfield Kumul tim em yu ting bai pilai engensim Lions. Hia em tim bilong mi:

- 1. FULLBACK
- 2. LEFT WING
- 3. OUTSIDE CENTRE
- 4. INSIDE CENTRE
- 5. RIGHT WING
- 6. FIVE EIGHT
- 7. HALF BACK
- 8. PROP
- 9. HOOKER
- 10. PROP
- 11. SECOND ROW
- 12. SECOND ROW
- 13 LOCK
- 14 RESERVE FORWARD
- 15. RESERVE FORWARD
- 16. RESERVE BACK
- 17. RESERVE BACK

Nem : Adres:

Telephone: Telepon:

LUKIM GUT: Olgeta entri bilong dispela resis i mas kam stret long niuspepa em yu katim na salim.

**Rugby League Competition
 P.O. Box 1982,
 BOROKO
 National Capital District.**

Bob Tolick mas stap insait long Kumul tim

Dia Edita,
 Mi laik askim bilong wanem tru na ol nesenel selekta i no save mekim olpela Kumul pilaia, Bob Tolick i go insait gen long Kumul tim. Tolick i save pilai nau wantaim Air Niugini A gret tim bilong Mosbi Winfield Lig resis.
 Tolick em wanpela pilaia husat i save pilai strong tru. Hia em sampela as we i gutpela long sapotim tingting bilong mi:
 • Tolick em wanpela man bilong toktok long ol pilaia insait long fil. Dispela i soim olsem em i wanpela gutpela lida insait long fil, we ol pilaia i save rispektim.
 • Tolick em wanpela pilaia ol birua i save painim hat tru long takelim ol putim i go daun long graun. Hia long Mosbi lig, em i save givim het pen stret long ol birua tim ya. Dispela em long taim em i ran long sait lain.
 • Tolick em wanpela bikpela pilaia tasol long PNG, husat i save pilai long beklain. Na dispela i gutpela tru long winim ol bikpela birua pilaia olsem bilong Australia, Gret Briten o Nu Silan. Tolick i bikpela long sais, tasol ran bilong em i olsem smok balus ya.
 Sapos Tolick i pilai long Kumul tim, em i ken toktok long ol pilaia. Em i man bilong toktok. Ol Kumul kepten olsem Stanley Haru i no save toktok. Ol i save pasim maus long fil.
 Ol selekta i mas makim em. Gutpela posisen bilong Tolick long nesenel tim em long beklain. Traim putim em long winga na lukim. Mi ting ol Australian Kangaroos, Gret Briten Lions, Frans Roosters o Nu Silan Kiwis bai painim hat tru long takelim em ya.

**Joe Hillary
 BOROKO-NCD**

Furner klaim pasin bilong makim ol nesenel pilaia long Australia

Long Kumul elite trening kem long Goroka, mi gat sans liklik long konpes wantaim Don Furner, olupela Australian Kangaroo kosa. Mi bin askim long wanem kain sistem ol i save yusim long makim ol Kangaroo pilaia.

Don bekim olsem ol pilaia ol i makim i mas fit. Tasol dispela i no wanpela hevi. Bikos ol pilaia i save trening long op sisen.

Narapela sistem ol i save yusim em 'ability', 'commitment', 'discipline' na 'dedication'. Ol i glasim ol pilaia long stail bilong ol long pilai, na tu sapos ol pilaia i save givim moa taim long trening o no gat, na disiplin.

Ol selekta bai makim tripela pilaia long 13 posisen olgeta, dispela em long ol risev pilaia wantaim. Na bai glasim pilai bilong olgeta dispela pilaia i go inap long final seleksen.

Sapos namba wan pilaia i bagarap o i no pilai gut, ol bai kisim namba tu pilaia i go insait

WAGAMBIE'S

WHIP



long tim.

Long makim pilaia bilong olgeta memba asosiesen o senta, Don i tok sapos olgeta gutpela pilaia i stap long wanpela senta tasol, ol bai makim ol pilaia long wan wna rijon. Ol i ken skelim stended bilong wan wan pilaia.

Dispela yia, em i gutpela olsem ol selekta i mekim wanem samt-ing ol selekta long Australia i save mekim. Dispela em long makim tupela tim bilong elite skwat, na glasim gut ol pilaia husat i gat bikpela sans long go insait long Kumul tim.

Na tu ol selekta i gat plen bilong lukim tu olgeta Inta Siti

Gem, na tu ol gem long klap level. Ripot bilong wan wan pilaia em ol i putim wantaim, na salim i go long siaman bilong ol selekta.

Na tu olgeta pilaia i gat rekot bilong ol i stap. Dispela bai helpim ol nesenel seleta na kosa long makim ol gutpela pilai i go insait long nesenel tim.

Ol hetlain long niuspepa i komplem nau long we ol referi i lukautim ol sisen propa gem long Mosbi. I gat bilip olsem wankain pasin bai kamap taim ol arapela senta i staim sisen propa resis bilong ol.

I gutpela long tokim ol referi

long larim gem i go het gut. Tasol mipela i no ken toktok bikpela tumas long dispela. Long ol pilaia, i no gat samt-ing yu ken mekim taim referi i blowim wisil. Yu i no inap long mekim wanpela samt-ing taim referi i mekim tokorait pinis. Yu bai westim tasol taim bilong yu long komplem wantaim referi.

No ken lus tingting olsem referi em wankain man olsem yu husat i gat tingting. Olsem na tim husat i bikhet tumas long fil, em bai givim moa mekimsave long ol wantaim planti penelti.

Don Furner em bos bilong ol referi long Sidni Winfield Lig Kap kompetisen. Taim em i kam long hia, mipela askim em long lukim sampela rul bilong em long hia.

Em i bekim olsem ol sapota i westim mani long go na lukim gutpela gem. Na i no long gc na lukim referi i soim stail bilong em long fil. Olsem na ol referi i mas larim gem i go het, na no ken


blowim wisil long ol liklik asua olsem hap bek i tromoi bal long seken ro long skram, o pilaia i tepim gut bal long lek.

Mi laik tok olsem rul buk i klia tru long wanem samt-ing ol referi i mas bihainim long long lukautim pilai. Mi bihainim tok olsem ol sapota i go long lukim gutpela pilai, tasol ol pilaia i no ken mekim planti liklik asua

SP Inta Siti resis bai stat long dispela wiken. 1992 sempion, Mosbi Vipers bai bungim Hagen Eagles, Goroka Lahanis bai bungim Mendi Muruks, na Rabaul Guria bai bungim Lae Bombers.

Gutpela strongpela gem bilong wiken bai kamap namel long Vipers na Eagles. Vipers na Eagles i bin dro long gren fainal bilong las yia. Tasol Vipers i win, bikos em i skoarim moa trai.

Tasol ol Hagen boi bai stretim dispela hevi long wiken aninit long lukaut bilong kosa Philip Num.



Gispe traim pawa bilong Wes • Kumul lok, Joe Gispe i traim pawa bilong em egensim ol Wes pilaia long Mosbi Winfield Lig resis las wiken. Tasol em i no strong na tim bilong em, Air Niugini i go daun long Wes (blek jesi) 26-10.

1992 SP INTER CITY DRAW

Inter-City Draw: 1992

Round 1 March 22

Pom vs Hagen
Goroka vs Mendi
Rabaul vs Lae

Round 2 March 29

Mendi vs Rabaul
Goroka vs Hagen
Lae vs Pom

Round 3 April 5

Hagen vs Mendi
Pom vs Rabaul
Lae vs Goroka

Round 4 April 12

Mendi vs Lae
Pom vs Goroka

Rabaul vs Hagen

Round 5 April 19

Mendi vs Pom
Goroka vs Rabaul
Hagen vs Lae

Round 6 April 26

Hagen vs Pom
Mendi vs Goroka
Lae vs Rabaul

Round 7 May 3

Rabaul vs Mendi
Hagen vs Goroka
Pom vs Lae

Round 8 May 10

Mendi vs Hagen
Rabaul vs Pom

Round 9 May 13

Lae vs Mendi
Goroka vs Pom
Hagen vs Rabaul

Round 10 May 17

Pom vs Mendi
Rabaul vs Goroka
Lae vs Hagen

Preliminary Final - June 7
Final - June 14

Kiunga lig bungim hevi - no gat gem

IAN KAKARERE i raitim

OLGETA gem bilong Kiunga pri sisen resis i no bin kamap long las wiken, bikos sampela hevi i stap yet long wanwan opisal bilong ol klap.

Presiden bilong Kiunga lig, Hans Manasseh i tok planti opisal i no soim olsem ol i laikim wok bilong referi. Manasseh i tok sapos olgeta opisal bilong Kiunga lig i amamas long lukautim wok bilong referi, olgeta pilai

bai kamap gut.

Em i stapim gem na tokaut long dispela hevi. Bikos las wik ol sapota bilong Souths Ragbi Lig Klap i ran i go insait long fil, na pait wantaim referi husat i bin lukautim pilai. Dispela hevi i bin kamap taim wanpela pilaia bilong Souths i paitim narapela pilaia bilong Brothers, insait long wanpela strongpela takel.

Manasseh i tok ol opisal bai sasim Souths long kamapim dispela hevi. Souths i mas bungim olgeta sas, bikos ol sapota bilong em ran i go insait long fil na bagarapim gem.

Em i tok pri sisen i stat long

tripela wik i go pinis. Tasol tripela klap, Magani, Royals na Ambangs i no baim rejistresen fi bilong ol pilaia yet. Em i tok dispela tripela klap bai i no inap pilai inap pri sisen i pinis.

Brothers, United na Souths i baim pinis olgeta rejistresen fi. Tasol ol sapota bilong Souths i bikhet na bagarapim nem bilong Souths. Olsem na Brothers wantaim United tasol bai pilai long winim pri sisen taitel.

Manasseh i tok ol eksekutiv bilong Kiunga lig bai kibung long dispela wik, na lukluk long stretim olgeta dispela hevi.

Lae Bombers by pretim Rabaul Guria

INTA SITI

1992 SP Inta Siti Salens Kap resis bai stat long dispela wiken. Na Lae Bombers i redi pinis long nekim Rabaul Guria.

Tupela tim ya bai bung long Sande Mas 22 long Elizabeth Oval. I gat bikpela olsem planti tausen manmeri bai kamap long lukim dispela bikpela gem.

Presiden bilong Lae Winfield Lig, George Mack i tok dispela yia ol selekta i makim planti gutpela pilaia i go insait long Inta siti tim bilong em. Olsem na em i bilip olsem Lae Bombers bai pretim sampela nem senta.

Lain ap bilong Bombers long dispela

Sande i gat 9-pela pilaia husat i bin stap insait long Kumul elite skwat trening long Goroka. Nem bilong ol dispela pilaia em Matthew Elara bilong Tigers, Mathias Kin na Charlie Vee bilong Spiders, Goro Ari-gae bilong Panthers, Michael Matmilo bilong Royals, na tripela Kumul pilaia olsem Thomas Daki bilong Royals, Korul Sinemau bilong Panthers na Ngala Lapan bilong Panthers wantaim John Bob bilong Spiders.

Ol dispela pilaia bai kisim gutpela sapot long ol yangpela pilaia olsem Wesley Matawa na Nande Yar. Matawa na Yar em namba wan taim bilong tupela long pilai insait long kain bikpela resis olsem bilong Inta Siti Salens.

Nau yet Mack i tok trening em i wanpela

bikpela hevi bilong ol pilaia. Tasol em i amamas olsem ol selekta i makim ol pilai long Janueri yet. Na dispela i givim inap taim bilong trenna na kosa i lukluk long makim ol pilaia.

Nau yet Mack i amamas long bikpela sponsasip em Lae Builders kampani i givim long tripela yia olgeta long Inta siti tim. Bombers i bin lusim wanpela gem long han bilong Rabaul Guria long 1989 resis. Bihain long 1991, Lae Bombers i bekim dinau na nekim Guria long graun bilong em yet long Lae.

Mack i tok dispela lus i bin kamap long hevi bilong ol menesmen. Bikos planti i no lukautim gut ol pilaia. Olsem na ol pilaia i bikhet na i no pilai gut. Em i tok dispela yia em bai mekim gutpela pren wantaim kosa Paul Monama, trenna David Tantu na tim

menesa Peter Banaga.

Olsem na dispela yia Bombers bai soim olsem em gat ol pilaia husat i ken mekim het pen long ol arapela senta. Bombers bai kamap long Rabaul long Sande mon-ing. Na pilai egensim Guria long apinun. Dispela em i wanpela samt-ing kosa i no amamas long en. Em i tok planti pilaia bai i no inap malolo gut na pilai.

Tasol dispela kain ogenaisesen em olgeta tim bai bungim.

Tasol kosa i gat bikpela bilip olsem ol boi bilong em bai winim dispela gem long liklik skoa tasol. Monama i tok Guria i gat nem long Inta Siti resis. Tasol em bai i no inap pilai kaskas long wanpela tim em i bungim long Inta Siti resis. Olsem na dispela Sande, em bai soim Rabaul Guria long Elizabeth Oval long Rabaul yet.

Winfield League Results

WINFIELD LEAGUE RESULTS PORT MORESBY - ROUND 1

Tarangau 34, 6 tries 5 goals defeated Defence 14, 2 tries, 3 goals. Man of the match: K. Kanaka (Tarangau)

Souths 28, 6 tries, 2 goals defeated Royals 14, 3 tries, 1 goal. Man of the match: Luke Waldiat (Souths)

Seagulls 18, 4 tries, 1 goal defeated Wallya 14, 3 tries, 1 goal. Man of the match: Steven Baki (Seagulls)

Magani 18, 3 tries, 4 goals defeated Paga 10, 2 tries, 1 goal. Man of the match: Tom James (Magani)

Hawks 26, 5 tries, 3 goals defeated DCA 16, 3 tries, 2 goals. Man of the match: Tarata Hitolo (Hawks)

Brothers 30, 5 tries, 5 goals defeated Kone 16, 3 tries, 2 goals. Man of the match: Dominic Bre (Brothers)

West 26, 5 tries, 3 goals defeated Air Niugini 10, 1 try, 3 goals. Man of the match: Tuksy Karu (West)

LADDER

Clubs	GP	W	D	L	PF	PA	Total Points
West	1	1	-	-	26	10	2
Tarangau	1	1	-	-	34	14	2
Souths	1	1	-	-	28	14	2
Brothers	1	1	-	-	30	16	2
Magani	1	1	-	-	18	10	2
Hawks	1	1	-	-	26	16	2
Seagulls	1	1	-	-	18	14	2
Wallya	1	-	-	1	14	18	0
DCA	1	-	-	1	16	26	0
Paga	1	-	-	1	10	18	0
Kone	1	-	-	1	16	30	0
Royals	1	-	-	1	14	28	0
Defence	1	-	-	1	14	34	0
ANG	1	-	-	1	10	26	0

WINFIELD LEAGUE DRAW PORT MORESBY - ROUND 2

Date	Time	Club	Club
20/3/92	7.45	Royals	vs Magani
21/3/92	12.30	Kone	vs D.C.A.
21/3/92	2.00	Paga	vs Wallya
21/3/92	3.30	Defence	vs Souths
22/3/92	10.30	Hawks	vs Seagulls
22/3/92	12.00	West	vs Tarangau
22/3/92	1.30	ANG	vs Brothers
22/3/92	2.00	Pom	vs Mt. Hagen

Match of the round:

22/3/92	1.30	ANG	vs	Brothers
---------	------	-----	----	----------

ROUND 1 — March 20-21-22

Brisbane v Cronulla (Lang Park, Fri night).
Norths v Canterbury (North Sydney, Sat).
East v St George (SFS, Sat night).
Parramatta v Souths (Parramatta).
Balmain v Wests (Leichhardt Oval).
Canberra v Penrith (Bruce Stadium, Sun TV).
Manly v Gold Coast (Brookvale).
Newcastle v Illawarra (Newcastle).

ROUND 2 — March 27-28-29

Canterbury v Balmain (Belmore, Fri night).
St George v Parramatta (Kogarah, Sat).
Wests v Easts (Campbelltown, Sat night).
Souths v Norths (SFS).
Manly v Canberra (Brookvale, Sun TV).
Illawarra v Cronulla (Wollongong).
Brisbane v Gold Coast (Lang Park).
Penrith v Newcastle (Penrith).

ROUND 3 — April 3-4-5

Penrith v Manly (Penrith, Fri night).
Canterbury v Souths (Belmore).
Norths v St George (North Sydney).
Parramatta v Wests (Parramatta).
Balmain v Easts (Leichhardt Oval).
Canberra v Brisbane (Bruce Stadium).
Gold Coast v Illawarra (Seagulls).
Newcastle v Cronulla (Newcastle).

ROUND 4 — April 10-11-12

Souths v Balmain (SFS, Fri night).
Wests v Norths (Campbelltown).
St George v Canterbury (Kogarah).
East v Parramatta (SFS).
Illawarra v Canberra (Wollongong).
Brisbane v Penrith (Lang Park).
Gold Coast v Cronulla (Seagulls).
Manly v Newcastle (Auckland, Sun).

ROUND 5 — April 18-19


Souths v St George (SFS).
Canterbury v Wests (Belmore).
Norths v Easts (North Sydney).
Balmain v Parramatta (Leichhardt Oval).
Manly v Brisbane (Brookvale).
Penrith v Illawarra (Wollongong).
Canberra v Cronulla (Bruce Stadium).
Newcastle v Gold Coast (Newcastle).

ROUND 6 — April 25-26

Parramatta v Norths (Parramatta).
East v Canterbury (SFS).
Wests v Souths (Campbelltown).
St George v Balmain (Kogarah).
Gold Coast v Canberra (Seagulls).
Cronulla v Penrith (Caltex Field).
Illawarra v Manly (Wollongong).
Newcastle v Brisbane (Newcastle).

ROUND 7 — May 1-2-3, 8-9-10

Canterbury v Parramatta (Perth, Fri night, May 8).
Wests v St George (Campbelltown).
Souths v Easts (SFS).
Balmain v Norths (Leichhardt Oval).
Brisbane v Illawarra (Lang Park).
Manly v Cronulla (Brookvale).
Penrith v Gold Coast (Penrith).
Canberra v Newcastle (Bruce Stadium).



Broncos skipper Allan Langer has Canberra's Laurie Daley covered as Andrew Tessman moves in at Lang Park last season.

ROUND 8: May 15-16-17, 22-23-24

Norths v Canberra (North Sydney).
Canterbury v Penrith (Belmore).
Souths v Manly (SFS).
Illawarra v Wests (Wollongong).
Cronulla v Easts (Caltex Field).
Gold Coast v Parramatta (Seagulls).
Newcastle v Balmain (Newcastle).
St George v Brisbane (Adelaide, Sun, May 24).

ROUND 9 — May 29-30-31

Penrith v Norths (Penrith).
Manly v Canterbury (Brookvale).
Brisbane v Souths (Lang Park).
Illawarra v St George (Wollongong).
Wests v Cronulla (Campbelltown).
East v Gold Coast (SFS).
Parramatta v Newcastle (Parramatta).
Balmain v Canberra (Leichhardt Oval).

ROUND 10 — June 5-6-7

Souths v Illawarra (SFS, Fri night).
Norths v Manly (North Sydney).
Canterbury v Brisbane (Belmore).
St George v Cronulla (Kogarah).
Gold Coast v Wests (Seagulls).
Newcastle v Easts (Newcastle).
Penrith v Balmain (Penrith).
Canberra v Parramatta (Bruce Stadium, Tue, June 9).

ROUND 11 — June 13-14

Gold Coast v St George (Seagulls, Sat night TV).
Brisbane v Norths (Lang Park).
Illawarra v Canterbury (Wollongong).
Cronulla v Souths (Caltex Field).
Wests v Newcastle (Campbelltown).
East v Canberra (SFS).
Balmain v Manly (Leichhardt Oval).
Parramatta v Penrith (Parramatta, Sun).

ROUND 12 — June 20-21

St George v Newcastle (Kogarah, Sat).
Canterbury v Cronulla (Belmore, Sat night).
Manly v Parramatta (Brookvale, Sun).
Souths v Gold Coast (SFS).
Norths v Illawarra (North Sydney).
Canberra v Wests (Bruce Stadium).
Penrith v Easts (Penrith).
Brisbane v Balmain (Lang Park).

ROUND 13 — June 27-28

Cronulla v Norths (Caltex Field).
Gold Coast v Canterbury (Seagulls, Sat night).
Newcastle v Souths (Newcastle, Sun).
Canberra v St George (Bruce Stadium).
Wests v Penrith (Campbelltown).
East v Manly (SFS).
Parramatta v Brisbane (Parramatta).
Balmain v Illawarra (Leichhardt Oval).

ROUND 14 — July 4-5

Souths v Canberra (SFS, Sat night TV).
Norths v Gold Coast (North Sydney, Sun).
Canterbury v Newcastle (Belmore).
St George v Penrith (Kogarah).
Manly v Wests (Brookvale).
Brisbane v Easts (Lang Park).
Illawarra v Parramatta (Wollongong).
Cronulla v Balmain (Caltex Field).

ROUND 15 — July 10-11-12

Penrith v Souths (Darwin, Sat night TV).
Newcastle v Norths (Newcastle).
Canberra v Canterbury (Bruce Stadium).
Manly v St George (Brookvale).
Wests v Brisbane (Campbelltown).
East v Illawarra (SFS).
Parramatta v Cronulla (Parramatta).
Balmain v Gold Coast (Leichhardt Oval).

ROUND 16 — July 17-18-19

Canterbury v Norths (Belmore).
Souths v Parramatta (SFS).
St George v Easts (Kogarah).
Wests v Balmain (Campbelltown).
Penrith v Canberra (Penrith).
Gold Coast v Manly (Seagulls).
Cronulla v Brisbane (Caltex Field).
Illawarra v Newcastle (Wollongong).

ROUND 17 — July 24-25-26

Norths v Souths (North Sydney).
East v Wests (SFS).
Parramatta v St George (Parramatta).
Balmain v Canterbury (Leichhardt Oval).
Canberra v Manly (Bruce Stadium).
Cronulla v Illawarra (Caltex Field).
Gold Coast v Brisbane (Seagull).
Newcastle v Penrith (Newcastle).

ROUND 18 — July 31-August 1-2

Souths v Canterbury (SFS).
St George v Norths (Kogarah).
Wests v Parramatta (Campbelltown).
East v Balmain (SFS).
Manly v Penrith (Brookvale).
Brisbane v Canberra (Lang Park).
Illawarra v Gold Coast (Wollongong).
Cronulla v Newcastle (Caltex Field).

ROUND 19 — August 7-8-9

Norths v Wests (North Sydney).
Canterbury v St George (Belmore).
Parramatta v Easts (Parramatta).
Balmain v Souths (Leichhardt Oval).
Canberra v Illawarra (Bruce Stadium).
Penrith v Brisbane (Penrith).
Cronulla v Gold Coast (Caltex Field).
Newcastle v Manly (Newcastle).

ROUND 20-August 14-15-16

St George v Souths (Kogarah).
Wests v Canterbury (Campbelltown).
East v Norths (SFS).
Parramatta v Balmain (Parramatta).
Brisbane v Manly (Lang Park).
Illawarra v Penrith (Wollongong).
Cronulla v Canberra (Caltex Field).
Gold Coast v Newcastle (Seagulls).

ROUND 21 — August 21-22-23

Norths v Parramatta (North Sydney).
Canterbury v Easts (Belmore).
Souths v Wests (SFS).
Balmain v St George (Leichhardt Oval).
Canberra v Gold Coast (Bruce Stadium).
Penrith v Cronulla (Penrith).
Manly v Illawarra (Brookvale).
Brisbane v Newcastle (Lang Park).

ROUND 22 — August 28-29-30

St George v Wests (Kogarah).
East v Souths (SFS).
Parramatta v Canterbury (Parramatta).
Norths v Balmain (North Sydney).
Illawarra v Brisbane (Wollongong).
Cronulla v Manly (Caltex Field).
Gold Coast v Penrith (Seagulls).
Newcastle v Canberra (Newcastle).

September 5-6
Minor semi-finals (SFS).

September 12-13
Major semi-finals (SFS).

September 20
Final (SFS).

September 27
Grand Final (SFS).

PORT MORESBY RUGBY FOOTBALL LEAGUE DRAW

ROUND 2:
DATE: 20 MARCH, 1992.


GROUND	TIME	GRADE	TEAM	TEAM
L.R.O.	5.00 pm	U/21	Royals	vs Magani
L.R.O.	6.15 pm	Res	Royals	vs Magani
L.R.O.	7.45 pm	A	Royals	vs Magani

SATURDAY: DATE: 21 MARCH, 1992.


L.R.O.	9.30 am	Res	Kone	vs DCA
L.R.O.	11.00 am	Res	Defence	vs Souths
L.R.O.	12.30 pm	A	Kone	vs DCA
L.R.O.	2.00 pm	A	Paga	vs Wallya
L.R.O.	3.30 pm	A	Defence	vs Souths
PRL II	9.00 am	U/17	Royals	vs Magani
PRL III	9.00 am	U/17	Kone	vs DCA
PRL II	10.00 am	U/17	Defence	vs Souths
PRL III	10.00 am	U/17	Paga	vs Wallya
PRL II	11.00 am	U/17	Air Niugini	vs Brothers
PRL III	11.00 am	U/17	Hawks	vs Seagulls
PRL II	12.00 pm	U/17	Wests	vs Tarangau
PRL III	12.00 pm	U/19	Royals	vs Magani
PRL II	1.00 pm	U/19	Kone	vs DCA
PRL III	1.00 pm	U/19	Defence	vs Souths
PRL II	2.00 pm	U/19	Paga	vs Wallya
PRL III	2.00 pm	U/19	Air Niugini	vs Brothers
PRL II	3.00 pm	U/19	Hawks	vs Seagulls
PRL III	3.00 pm	U/19	Wests	vs Tarangau

SUNDAY: DATE: 22 MARCH, 1992.

L.R.O.	10.30 am	A	Hawks	vs Seagulls
L.R.O.	12.00 pm	A	Wests	vs Tarangau
L.R.O.	1.10 pm	A	Air Niugini	vs Brothers
L.R.O.	3.00 pm	I.C. Koonmore	P.O.M. Vipers	vs Mt Hage eagles
PRL II	9.00 am	U/21	Kone	vs DCA
PRL III	9.00 am	U/21	Defence	vs Souths
PRL II	10.15 am	U/21	Paga	vs Wallya
PRL III	10.15 am	U/21	Air Niugini	vs Brothers
PRL II	11.30 am	U/21	Hawks	vs Seagulls
PRL III	11.30 am	U/21	Wests	vs Tarangau
PRL II	1.15 pm	Res	Paga	vs Wallya
PRL III	1.15 pm	Res	Air Niugini	vs Brothers
PRL II	2.45 pm	Res	Hawks	vs Seagulls
PRL III	2.45 pm	Res	Wests	vs Tarangau



Tarangau's Ian Ivanga halts his Defence rival in last weekend's encounter. Tarangau won 34-14.



An Air Niugini player proves a handful for his Wests opponent.

Making the big game bigger

1992 sisen long Mosbi kik op wantaim ol dispela kain stail



• 1991 primia tim, Tarangau i bilas long nupela yunifom bilong ol aninit long nupela nem, Sparka bipo ol i bungim Difens na autim ol 34-14.



• Ol Souths pilala i redi wantaim singsing grup bilong ol long go insait long Lloyd Robson fil. Kosa bilong Souths, Buddy Dou i sanap long raithan wantaim tupela han i go insait long poket bilong trausis.



• Ol lain bilong ples Porebada ausait tasol long Mosbi siti i redi wantaim tim bilong ol, DCA. Ol yangpela meri bilong ol i sanap long baksait.



• Ol meri na man Porebada i bilasim ol yet long ples ol pilala i save senis na ran i go insait long fil. Planti manmeri tru i bin kamap long lukim ol kainkain pilai, resis na mas we i opim 1992 sisen.



• Tupela bikpela Kumul fowat i laik bung long namba wan sisen propa gem long las wiken. Kera Ngaffin long baksait i bungim takel bilong ol Tarangau pilala. Long fran (namba 8) em James Naipao, narapela Kumul pilala i sambai long take-ilm Ngaffin. Tarangau i winim ol soldia bol 34-14.



• Ol Magani pilala i dres ap pinis long yunifom bilong ol, na redi tasol long mas i go insait long fil.



• Ol pilala bilong nupela Seagulls tim tu i redi long soim pes. Ol kas ya i kamap strong nau long resis aninit long lukaut bilong wampela nem kosa, Steve Malum.



• Faiv et bilong Tarangau, Elias Paiyo i holim bal long lephan na givim sisti long tra lain bilong Difens long namba wan sisen propa gem bilong Mosbi Winfield Lig long las wiken. Olpela sempion, Tarangau i strong tru na winim ol soldia boi 34-14. Paiyo i stap insalt nau long Vipers tim bilong bungim Hagen Eagles long wiken.

Taim bilong bekim dinau long Mendi

BIKPELA tingting i stap nau long het bilong ol Tarangau, Brothers na Magani pilaia em long bekim dinau, taim sisen propa resis bilong Mendi Winfield Lig i stat long dispela wiken.

Dispela tripela tim ya i bin salim kaikai long Royals, Bulldogs na Souths long pri sisen resis.

Ripot i kam long Tarangau kem i tok ol plisman bilong Royals i no ken tingting strong olsem ol bai winim Tarangau isi long dispela wiken. Ol i tok ol plisman i mas trening moa, sapos ol i laik winim tru Tarangau. Bikos Tarangau i redi pinis long bekim dinau long dispela Sande.

Kosa Mark Smith i bin mekim gutpela wok long painim ol gutpela pilaia husat i ken pilai gut wantaim fil. Bekim bilong dispela i kamap kliia long pri sisen, we Tarangau i pinis antap long lata.

Ol plisman bilong Royals em ol strongpela pilaia stret ya. Olsem na Tarangau i no ken daunim ol. Nogut bai Taranagu i painim sampela strongpela salens.

Royals bai i no inap long pilai wantaim kepten na faiv et John Kepiolo na senta Pora Nema. Na Tarangau

bai i no inap pilai wantaim hap bek Wari Sengiso, winga Francis Abo na fowat Alan Kolton.

Tasol tupela tim wantaim i gat inap pilaia long senisim ol dispela pilaia.

Tarangau wantaim kam bek bilong kepten na lok James bai givim moa pawa long ensin rum bilong em. Na Timon "Ghost" Junior long hap bek posisen bai lukautim pilai long beklain.

Ol plisman bai lukluklong Johnson Mapi long fran lain, na Tom Peni long beklain.

Brothers bai lusim sevis bilong prop Robin Tangeria ana senta Philip Ako, taim em i bungim Bulldogs. Tupela pilaia i bin go pas long pri sisen gem. Olsem na Brothers bai painim hat taim liklik.

Tasol klap presiden Stan Pupiyo i tokim pinis olgeta pilaia bilong em long pilai long mak bilong 100 pesen egensim Bulldogs.

Brothers bai kisim fil aninit long lukaut bilong kepten Nick Sambu long faiv et posisen. Na Alex Firmin, David Akipe, Takon Pond na Dominic "pot" Koi bai go pas long fran lain.

MADANG LIG

Tigers smelim namba tu taitel

MADANG Winfield Lig bai statim sisen propa resis long dispela wiken long Sarere Mas 22. Na Tigers klap i redi pinis long nekim wanem klap em bai bungim long Sande Mas 23.

Sinia pilaia bilong Tigers Ragbi Lig Klap, Joe Kambian i amamas olsem tim bilong em i lusim wanpela pilaia tasol, na olgeta pilaia bilong i stap yet long strongim nem bilong klap long dispela yia.

Kambian i tok Alois King tasol i bin lusim Tigers, na i joinim pinis wanpela tim long Mosbi. Nau yet Madang Tigers i lukluk gen long go insait long gren fainal bilong Madang lig long dispela sisen.

Kambian i tok ol boi bilong em bai lukluk long ol fowat pilaia olsem kepten Limex Tuna.

Las yia, Tuna i bin pilaim gutpela gem stret, na soim olsem em i trupela kepten bilong Tigers A gret tim. Tigers i winim Brothers long gren fainal.

Dispela sisen, Tuna bai kisim bikipela helpim long Kambian yet, na yangpela Michael Kela.

Kambian i tok lain ap bilong Tigers bai i wankain yet olsem tim husat i bin pilai long gren fainal bilong las yia. Long beklain em James Tam, wantaim yangpela faiv et, Young Garong bai lukautim


pilai.

Long fowat lain em Michael Kela bai go pas. Kela em i wanpela yangpela pilaia husat i winim ai bilong kosa John Jacob. Olsem na kosa John i kisim em i go pilai antap long A gret stat long las sisen. Kela i save pilaim gutpela gem stret long huka posisen. Na tu em i gat nem long helpim Tigers i skoarim las tra long winim gren fainal bilong las yia.

Kambian i tok yangpela Garong i no pilaim wanpela ripresentativ gem long bipo, tasol planti opisal na sapota i askim long wanem taim em bai soim pes gen long fil. Dispela askim i stap long tingting bilong ol lig selekta. Na i soim olsem Garong bai i gat nem long long makim Madang long dispela yia na sampela yia bihain.

Narapela gutpela pilaia em fulbek John Bunbun, Bunbun bai helpim long givim moa pawa long beklain.

Bikipela tok lukaut nau em Tigers i lukluk gen long autim 1992 Madang lig primiasip taitel. Olsem na ol arapela klap i mas lukaut gut.



Sipa Kule bungim tupela Kumul • Bikipela strongpela fowat bilong Tarangau, Sipa Kule i ran wantaim bal i go antap namel long tupela Kumul fowat, Kera Ngaffin (fran) na Kes Paglipari (baksait). Dispela em long sisen propa gem bilong Mosbi lig long las wiken. Kule i stat long soim nau olsem em i wanpela strongpela fowat bilong Mosbi lig resis. Ating i no longtaim bai ol selekta i kisim em long makim Mosbi o Sauten son tim.

Spiders lukluk long pri sisen taitel

PRI sisen resis bilong Lae Winfield lig bai go insait long namba 5 raun long dispela wiken. Na long bikipela A gret gem bilong las wiken, Spiders i bagarapim sindaun bilong Tarangau 23-12 long Sande Mas 15.

Nau yet Spiders i no lusim wanpela gem. Wantaim ol biknem pilaia olsem Mathias Kin, Charlie Vee na John Bob, Spiders i putim ai pinis long autim pri sisen taitel long tupela wik taim.

Long gem bilong las wiken, Spiders i skoarim tripela tra hariap tru long 10-pela minit bilong namba wan hap tasol. Namba wan tra i kam long Andrew Gee, taim em i holim bal long 22 mita mak bilong

Tarangau na brukim banis long skoa.

Molet Nunu na Victor Kauge i skin kirap hariap na pusim het insait long wankain taim long skoarim narapela tupela tra. Claudi Ario i no mekim wanpela asua long kikim kik bilong tupela poin na bringim skoa i goap 14-0 long hap taim.

Bihain long hap taim, kosa Mike Chayters i givim strongpela skul long ol pilaia bilong em. Olsem na Tarangau i no wet long skoarim namba wan tra bilong em long namba tu hap bilong pilai.

Ol beklain pilaia i pilaim strongpela gem na Kumul fulbek, John Okul i kaikaim tit na givim sisti i go skoarim dispela tra. Dispela tra i kamap bihain long ol pilaia bilong

Tarangau i luksave long wanem asua ol i bin mekim long namba wan hap. Ol i stretim hariap na skoa.

John Bogana kikim gut gol kik na bringim skoa i goap 12-14. Tasol bihain long dispela skoa, ol pilaia bilong Spiders i save long pilai bilong Okul, na banisim em gut tru. Olsem na Okul i painim hat long skoarim moa tra.

Tupela tim wantaim i pilaim strongpela gem inap 10-pela minit i stap bipo long referi i blowim las wisil, na Claudi Ario i saitim leg long mak bilong Tarangau long skoarim narapela tra.

Em yet i kisim kik bilong tupela poin. Tasol kik blong em i popaia na Spiders i go

pas yet long skoa 18-12. Na 6-pela minit i stap yet na Ario i kikim wanpela gutpela fil gol long bringim Spiders i go pas moa long skoa 19-12.

Bihain Charlie Vee i brukim strongpela banis bilong ol Tarangau pilaia long las minit na skoarim las tra bilongem. Dispela tra i bin kamap long tripela minit bipo long ful taim. Ario i abrusim gol kik, tasol Spiders i win 23-12.

Long ol arapela A gret gem bilong las wiken, Tigers i bagarapim sindaun bilong Magani 49-16, Brothers i go daun long Difens, ol plisman bilong Royals i soim olsem ol i olpela sempion bilong Lae lig na daunim strongpela Panthers tim 16-14.

NO KEN DAUNIM POIN BILONG MIPELA

Mosbi Royals i redi long rausim nem nogut long 1992 sisen

DOMINIC KAKAS i raitim

ROYALS i pretim pinis wanpela strongpela tim bilong Mosbi Winfield Lig resis, Difens long bikpela A gret gem long Sande Mas 8. Long dispela gem, ol soldia boi i daunim Royals 26-24. Dispela i no bikpela skoa tumas.

Na tu Royals i laik kliaim tingting bilong ol arapela klap olsem ol i no ken pilai kaskas long Royals long dispela sisen.

Planti sapota i bilip olsem Royals inap long winim dispela gem egensim ol soldia boi long pri sisen resis. Dispela em sapos ol pilai i pilai gut wantaim, na tu i no inap mekir planti rong insait long fil.

Planti rong i kamap bikos em i namba wan yia bilong klap long kamap long primiasip resis bilong Mosbi lig. Nupela kosa, Adrian Genolagani husat i bin lusim Air Niugini na joinim ol plisman i tok em bai



Nem: Mondo Dua

Krismas: 27

Provins: Simbu

Wok: Plisman

Posisen: Prop o seken rowa

Olpela klap: I bin pilai wantaim Royals yet taim em i joinim plis fos. Mondo em wanpela bilong ol strongpela fowat bilong Mosbi lig long sampela yia i kam nau. Em i wanpela pilaia husat i save pilai long ful 40 minit. Na tu i save takelim strong ol birua pilaia. Na em i wanpela pilaia em Royals i lukluk strong long kamapim gutpela nem long 1992 sisen.

traim na bringim Royals i go insait long fainal bilong Mosbi Winfield Lig resis long dispela sisen.

Genolagani i gat planti gutpela na nupela pilaia i stap. Na wantaim gutpela save bilong em long wok bilong kosa, Royals i ken kamapim planti het pen long ol biknem A gret tim long dispela sisen.

RLN i bin givim 20 pesen sans long Royals long winim resis bilong dispela yia. Dispela em wanpela ripot em i bin kamap long tripela wik i go pinis, aninit long het "Wes i gat sans long winim Mosbi taitel".

Tasol Royals i bilip olsem em bai kamapim planti het pen stret ya. Bikos em i gat ol strongpela fowat olsem Mondo Dua, Paul Simon na Michael Teke.

Wantaim ainman bilong Hawks, Bau Morea, Royals bai lukluk long fainal bilong dispela yia. Na planti helpim bai i kam long Kevau Igo na Heni Vaki, na tu ol arapela pilaia husat i joinim klap long dispela yia.

Na tu sampela gutpela pilaia long beklain olsem Sailas Genolagani, Rocco "Starkey" Vanua, Papul Komboi, Johnson Murphy na Bruce Amos bai kirapim das liklik. Nau yet Royals i lusim gem long ol arapela tim bikos osa Genolagani i painim yet ol pilai husat i ken pilai gut wantaim long fil.

Tasol las wik em i lukim sampela gutpela stail i kamap. Na lukluk long bungim ol pilaia husat i pilai gut wantaim long namba tu raun bilong sisen propa resis. Na tu Genolagani i amamas bikos nupela trena



• Trena bilong Royals, John Bonot long lephan wantaim kosa Adrian Genolagani i stori liklik bipo long trening. Poto Dominic Kakas.

John Bonot i wok gut wantaim em long makim ol pilai.

Nau yet Genolagani i tok em na Bonot i gat bikpela wok i stap long han bilong tupela long stretim ol beklain pilaia. Dispela em ol beklain pilai husat i stat pilai wantaim long pri sisen, tasol ol i no save gut long pilai bilong ol yet.

Royals i gat gutpela fulbek, Vanua na faiv et Sailas Genolagani, husat i bungim gut try pilai egensim ol soldia boi long pri sisen, resis.

Long senta em Komboi yet, husat i bin stap makim Hagen planti yia pinis bai lukautim. Komboi i ken mekim planti gutpela takel, na tu em i save ran strong moa wantaim bal.

Genolagani na trena bilong em i lukluk long bungim Komboi wantaim wanpela gutpela pilaia beklain. Long fowat lain em Teke yet bai i go pas.

Teke bai kisim sampela helpim long Simon. Simon i bin kamap long junia Kumul, tasol em i painim hevi long leg bilong em. Sua long skru i stapim em long pilaim sampela representativ gem. Tasol Genolagani i tok em i amamas long gem bilong Simon. Na i luk olsem dispela hevi bilong skru bai i no inap stapim em long strongim Royals.

Royals i bin bungim Sauts long namba wan gem bilong sisen propa. Dispela gem i kamap long Sande Mas 15. Tasol Royals i no strongim banis bilong em. Olsem na na Sauts i daunim ol 24-12.

Genolagani bai lukluk gen long stretim ol beklain na fowat laip ap bilong em bipo namba tu gem bilong sisen propa resis i kamap long Sande Mas 22.



Nem: Rocco "Starkey" Vanua

Krismas: 23

Provins: Gaivakala viles, Sentrel provins.


Wok: Namba tri yia Sains studen long UPNG, Mosbi.

Posisen: Hap bek o faiv et.

Olpela klap: Stat pilai long 1985 taim em i skul long Gerehu haiksul, Mosbi. Long 1988 em i joinim Wewak Tigers taim em i skul long Passam Nesenel haiksul.

Rocco i save mangalim stail bilong Peter Sterling na Brett Kenny bilong Sidni Winfield Lig, Australia. Sterling na Kenny i save pilai wantaim Parramatta.

Dispela yia em i namba wan taim bilong Rocco long pilai wantaim Royals. Nau yet em i save bihainim gut stail blong Canterbury hap bek long bipo, Steve Mortimer.



• Papul Komboi

Winfield League '92



SIPAKMAIK

NAU TIPA TRAK I PULIM TRAK
BILONG TRIPELA YAH...



BIKPELA TIPA TRAK PULIM NA
WANTU OL I KAMALIT LONG HAP...



NAU GRAUN I BRUK NA DIWAI
I PUNDALIN I GO DAUN...



MAIK I SINGAUT I GO LONG
DRAIVA LONG STOP...



NAU DRAIVA BILONG TIPA TRAK
RAUSIM ROP NA LUSIM OL NA
TEK-OFF... TRIPELA STAT DRING GEN...



OL I DRAIV ISI ISI NA DRING WAN-
TAIM I GO... OL I KAM KUOSTU LONG
WANPELA PLES NA KAR I DAI NATING...



PERSONAL LOANS

Husat i halivim yu long kisim ol samting yu laikim tru?

Sapos yu laikim nupela ka o ol samting bilong haus, PNGBC ken givim yu dinau long baim ol dispela samting.


Yu mas gat gutpela wok na sampela seving long haus moni. Na i no hat tumas long bekim dispela dinau.

Askim long haus moni bilong PNGBC. Bai mipela halivim yu long kisim ol samting yu laikim emi tru!



REBO

REFERI RON IKAM NA LUKIM NA ORAITIM TRAI YAH...



WARA, YAH!!
TOP! TOP!!!

PNGBC PUTIM NAMBATU TRAI NA IAN KAIKAI TIT 5 TRET... NAU SAIREN IKRAI... HAPTAM



WUUUUUUU
G*?!! LUKLUK
NA RON, GRRR!!

OH,
HAPTAM
NAI!

KOSA
IKROS,
YA!

TASOL REBO AMAMAS TRU LONG OL PILAIAS BILONG EM...



CUT WAN, BOIS! YUPELA
MAS MEKIM OLSEM OL
GETA TAIM... BEK-AP TASOL!

IAN LONG HAPSAIT KUKIM OL PILAIAS BILONG EM I STAP...



MI SEM LONG YUPELA!!
AI BILONG YUPELA I STAP
WE? YUMI SAVE WIN OL
GETA TAIM, NAU OLSEM WANEM?

NAMBATU HAP BILONG PILAI I STAT... TUPELA TIM I PILAI STRONG TRU... INO LONG TAIM NA TIM BILONG IAN PUTIM TRAI.



EEE
HAAA!
EM NAU!


MAN, IAN I NO ISI LONG BIKMALIS... EM AMAMAS NOGUT TRU...




EM NAU!!
PILAI OLSEM!!

OL SAVEMAN BILONG BISNIS YUSIM OL!


Lister




LT1 5 K.V.A.
● TOTALLY PORTABLE ENERGY SOURCE
● IDEAL UNIT FOR VILLAGE LOCATIONS



TS2 8.5 K.V.A.
● 3 PHASE OR SINGLE PHASE POWER
● COMPACT AND EFFICIENT



HR3 26.25 K.V.A.
● IDEAL COMMERCIAL BACKUP SYSTEM



CS6 58 K.V.A.
● INDUSTRIAL CAPACITY
● WILL HANDLE MAXIMUM DEMAND FOR POWER ANYTIME

Brian Bell Stores

● BOROKO — 25 5411
● LAE — 42 1433
● GOROKA — 72 1098


● MT. HAGEN — 52 1999
● RABAUL — 92 1966

Phantom



Bai bai nau ...
Lukim yupela ..
bai bai

SOB:



Kit-Foa, Papa save tok
ol pikinini man no ken
krai.

(SOB) Mi
no krai, pipia
long ai ya
(SOB).



1715! Tripela pikinini bilong
Phantom lukim kainkain man na
samting long London.



Long bus, Liklik
Kit-Foa .. hepi nau ...
lainim long sut long
bikpela spia.

Em gutpela.



Wanpela yia tasol
bihain long ol
brata bilong em,
tasol i no bikpela
tumas.

Yu ran spit
na strong
moa nau.

Na
bikpela tu!



Mipela salim
em long
Inglen long
skul?

Olgeta pikinini bilong
Phantom mas go skul. Em bai
joinim ol brata bilong em.



Tasol em liklik tumus .. long krismas bilong
em. Ol boi long hap i
no gutpela. Ol bai
mekim nambaut
long em.



Plis larim em stap long hia, mi ken tisim
No gat, em mas go.


NEKS WIK: Kit-Foa

Flash Gordon




Bikpela man ya kalap nogut
long harim nek bilong Dale
long redio bilong Flash, na
tanim lukim Flash i kisim
bokis.

Thomas Warkentin



FLASH ...



Mi lukim planti
fulbek husat i
moa smat long
dispela ...

Bai mi giaman long ran
i go long lephan, na go
long rait. Mi ting mi ken
winim em long bus!



Flash stat long ran, na ...



10.20

Na long sip bilong Xan ...

Bai mipela traim
toktok yet long em
long redio ...

No ken wari,
em ken
lukautim em yet.



MOA NEKS WIK:

MICKEY MOUSE

Walt Disney



Mi bin ringim yu tasol telepon
bilong yu i mas hot lain stret
ya.



Mi save,
Mi save ...



Kam insait, bai mi soim yu
bilong wanem na lain i hot.



Mi salim olupela samting ya
bilong dres ap. Mi edvetais
long niuspepa.

RING



Yes, no gat man
kisim yet.



Em namba 5 ma'
i askin nau!

RING!



No gat, mi no salim yet. Tasol
sampela pipel kam long sekim nau.




Telepon i no sindaun gut, na olsem
wanem na em i ring!

RING




Ating dispela em
gutpela ansa!



Planti man i laikim samting ya,
mi no ken salim!

MOA NEKS WIK:



HOHOLA softdrinks

Manufacturers of Softdrinks & Cordials throughout PNG

Authorised

Tarax

Bottlers

SPARKA

SUNCRUSH
CORDIALS
& JUICES

**Hepburn
Spa**
Mineral Waters

25 4435

FAX (254029)

HOHOLA SOFTDRINKS PTY. LTD.

Cnr. Koani & Gabaka Streets, Gordons,
P.O. Box 5642, Boroko, 25 4366
Port Moresby. 25 4045
Papua New Guinea. 25 4990

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.